


ᲕᲗᲚᲔᲕ Მ ᲛᲔᲕᲕᲕᲕᲕᲕ ᲕᲔᲙᲙ ᲕᲕᲙᲙᲔᲕ
لِانْجِيلِ ن سِيدِيشْنِغِ عَيْسَى لَمْسِيحِ




لُكِّيَابِ ن يُوْحَنَّا

لِانْجِيلِ مَامَشِ ث يُورَا يَجْنِ ن اَرَسُّوْلِ قَارِنِ-اَسِ يُوْحَنَّا

(سِ ثَمَازِيغَتْ ن اَرِيْفِ)

Ḥ'Ḥ|ḤḤḤ | ḤḤḤḤḤ|ḤḤḤ ḤḤḤḤḤ ḤḤḤḤḤ
لِإِنجِيلِ نِ سِيدِيثْنِغِ عَيْسَى لِمَسِيحِ



لِكِتَابِ نِ يُوحَنَّا

لِإِنجِيلِ مَامَشِ ثِ يُورَا يَجْنِ نِ أَرَسُولِ قَارِنِ-أَسِ يُوحَنَّا

(سِ ثَمَارِيغْثِ نِ أَرِيْفِ)

ⵎⴰⵣⵉⵖⵉⵜ ⵏ ⵙⵏ ⵙⵓⵏ ⵏ ⵔⵓⵎⴰⵣⵉⵖⵜ ⵏ ⵔⵓⵎⴰⵣⵉⵖⵜ

لُكُتَاب ن يُوحَنَّا

(س ثَمَازِيغْت ن أَرِيْف)

الإنجيل كما دونه يوحنا، لتمازيغت الريف

L'Évangile selon Jean, en Tamazight du Rif

El Evangelio según San Juan, en Tamazight del Rif

The Gospel of John, in Rif Tamazight

دليل قراءة

Latin	Arabe	Example	Sens	Latin	Arabe	Example	Sens
Č č	تَش	وُتَشْمَا	sœur, sister, أخت	P p	پ	پيرو	le Pérou, Peru, بيرو
G g	ش	كَاَرُو	tabac, التبغ, tobacco	Ř ř	ر	رَبْدَا	toujour, ذَانَمَا, still
Ĝ ĝ	دَج	دَجِيْرْت	nuit, night, ليلة	Z z	ز (ژ)	زِيْرِي	bile, النكد

الطبعة الثانية: نوفمبر 2016

يطلب من : www.abridnarrif.com

Deuxième Édition: Novembre 2016

Pour le commander Commandes / For orders / Para pedidos:

Voir: www.abridnarrif.com

www.awarnarebbi.net

Illustrations par Horace Knowles © The British & Foreign Bible Society 1954, 1967, 1972

Ajouts et amendements par Louise Bass © The British & Foreign Bible Society 1994

Droit d'auteur © 2016

لَانْجِيلِ ن سِيدِيْتَنَغِ عَيْسَى لَمْسِيحِ لِكْتَابِ ن يُوْحَنَّا

اَوَارِ ن اَرَبِّي نَتَّا ذ نُورِ نَتَّا ذ نُودَارْتِ

- 1 ذَنِّي وَمَزُوْرُو يَدَجَا وَاوَارِ.
اَوَارِ نِّي يَدَجَا اَكْ اَرَبِّي.
اَوَارِ نِّي ذ نَتَّا اِيْ يَدَجَانِ ذ اَرَبِّي.
2 ذَنِّي وَمَزُوْرُو يَدَجَا اَكْ اَرَبِّي.
3 زَايسِ اِيْ دِ يَخْرَقِ اَرَبِّي مَارَا،
اُو بَرَا اَوَارِ نِّي وَا رِ تِيْرِي وُرَا ذِ يِجِ نِ ثِمَسْرَايْتِ زِي مِيْنِ دِ يَخْرَقِ.
4 ذَايسِ اِيْ ثُدَجَا نُودَارْتِ،
اُو نُودَارْتِ نِّي نَتَاثِ ذِ نُورِ اِيْ يُوْدَانِ.
5 نُورِ نِّي يَتَشَعَشِعِ ذِي تَادَجِسْتِ،
تَادَجِسْتِ نِّي وَا رِ ذَاْسِ ثُرْمَرِ.

6 يُوْسَا-دِ يِجِ نِ وُرِيَازِ يَسْك-يْت-يَدِ اَرَبِّي قَارِن-اَسِ يَحِيِي. 7 نَتَّا يُوْسَا-دِ ذِ شَاهِدِ حَمَا اَذِ
يَشْهَدِ اِنُّورِ، حَمَا سِ شْهَادْتِ نَسِ اَذِ اَمْنِ مَارَا يُوْدَانِ. 8 نَتَّا يَحِيِي وَا رِ يَدَجِي شَا ذِ نُورِ.
لَا، يُوْسَا-دِ اَذِ يَشْهَدِ اِنُّورِ، 9 يَعْني نُورِ نِّي نِيْشَانِ اِيْ دِ غَا يَاسِنِ غَارِ دُونَشْتِ اَذِ يَشَعَشِعِ
خِ كُرْ بِنَادِمِ.

10 نُور نِي تُوغَا نِدْجَا ذِي دُونَشْت. وَاخَا ذ نَتَا اِكْ يَكِين دُونَشْت، اَيْتَاب ن دُونَشْت
 وَار ث سِينن شَا. 11 يُونَسَا-د غَار ثُمُورْت نَس، اَيْتَاب ن ثُمُورْت نَس وَار ث قَبِيرِن شَا.
 12 يِنِي اِي ث يَقْبِرُون وَنَمِن زَايس زَكْ ييسم نَس، يُونَسَا-اَسَن نَتَا ثِرْمَار حَمَا اَذ د دُوْرَن ذ
 نَارُوَا ن اَرْبِي. 13 يِنَا وَار د خَرِيَقَن شَا عَلَا حَسَاب دُوْرِيْت وَرَا عَلَا حَسَاب مِيِن تَخَس دَات
 وَرَا عَلَا حَسَاب رَخَاَصِرَن وَرِيَاَز. لَّا، ذ اَرْبِي اِي ثَن د يَجِين.

اَوَاژَن اَرْبِي نَتَا ذ سِيذِيْتَنَغ عِيْسَى لَمْسِيح

14 اَوَاژ-اَ يَدُوْرَ ذ بِنَادَم، يَزْدَغ جَارَانِغ. نَشِين نَزْرَا لَعْظَمَا غَارَس يَدْجَان، لَعْظَمَا-يَا نِدْجَا
 غَار مِيَس وَاحْدَس ن بَابَس. نَتَا يَشُوْرَس اَرْضَا ذ لَحْقِيْقَا. 15 نِيْشَهْد خَاس يَحْيَى، نِيْبْرَاح
 يِنَا: "ذ وَ اِي خَف تُوغَا سِيُوْرَغ. نِيِغ-اَوْم اَذ د يَاس يَجِن مَنْبَعْد اِنَش، وَ لَكِن نَتَا يَمْغَار
 خَافِي مِيْنَزِي تُوغَا ث فَبْرَ مَا اَذ يِرِيِغ نَش."
 16 س لَبْرَكَا نَس ثَمَقْرَانْت يِيْرَك-اَنَغ مَارَا س اَرْضَا خ اَرْضَا. 17 شَرِيْعَا ن اَيْث-اِسْرَائِيْل
 ثُمُوش خ وَفُوْس ن مُوسَى. اَرْضَا ذ لَحْقِيْقَا نِيْشِي وَ سِيْنْت-يِد خ وَفُوْس ن عِيْسَى لَمْسِيح.
 18 وَرَا ذ يَجِن وَار يَزْرِي اَرْبِي عَمَارْص. مِيَس وَاحْدَس اِكْ يَدْجَان ذَكْ وَوَزَن بَابَس ذ
 نَتَا اِي دَانِغ د يَسْطَهَارَن سِيذِي اَرْبِي.

نَبِي يَحْيَى يَسُوْجَاذ اَبْرِيذ اِ لَمْسِيح

19 ذ نَا ذ شَهَاذْث ن يَحْيَى وَامِي غَارَس د سَكْن يِيْسْرَائِيْلِيْن شَان ن زَفْقَهَا ذ شَان ن
 شُوْرْفَا ن اَيْث-لَاوِي زِي نَدِيْنْت ن لَقْدَس حَمَا اَث سَقْسَان، مِيِن تَعْنِيْد شَك؟
 20 يَحْيَى وَار يِنْكَار شَا يَخْف نَس، يَعْتَرَف-اَسَن يِنَا-اَسَن: "نَش وَار دَجِيِغ شَا ذ لَمْسِيح."
 21 نَان-اَس: "ئِي مِيِن تَعْنِيْد، مَا ذ نَبِي اِلْيَاس؟"
 يِنَا-اَسَن: "مَاشِي ذ نَش."
 نَان-اَس: "شَك، مَا ذ نَبِي اِي قَارَن اَذ د يَاس؟"
 يِنَا-اَسَن: "لَا."

22 نَان-آس: "ئېي شك، مېن تَعْنِيد؟ حَمَا أ نَاف مِين غَا نِينِي إِي نِينِي إِي دَانِغ د يِسْكَن، مِين تَقَارْدُ خ يِخْف نَش؟"

23 يِرَا حَاسَن س وَاوَاژ ن نَبِي وَمِي قَارَن إِشْعِيَا يِنَا قَبَر: "نَش ذ ثَمْبِجَا يِتْرَغَان دِي زَخْرَا تَقَار: سَوَجْدَت اَبْرِيذ نِيشَان إِ سِيذِي اَرَبِي."

24 يِنِي اِي غَارَس د يِسْكَن نَبِي زِي زُحْزَب ن يَفْرِيَسِين. 25 نَان-آس: "مَرَا شَك وَار تَدَجِيذ ذ لَمْسِيح، نِغ ذ اِلْيَاس، نِغ ذ نَبِي اِي د غَا يَاسَن، مَائِي شَك تَطَهَّارْد يُوْدَان س وَامَان؟"

26 ئُنْدُق-د يَحْبِي يِنَا-آسَن: "نَش تَطَهَّارْغ يُوْدَان س وَامَان، وَلَكِن دَانِيَتَا يَجَن دِي زُوسَط نَوْم وَار ث تَسِينَم شَا. 27 ذ نَتَا اِي د غَا يَاسَن مَبْعَد إِ نَش، قَا وَار سَنْدِيهِدْجَغ اَدَاس فَسِيغ وَرَا ذ يَفِيَرَان ن تَسِيَرَا نَس." 28 مَارَا مَانَايَا يُوْفَع دِي دُشَار ن بِيَت عَنِيَا اَجْمَاص إِ يَغْزَار ن لَأَزْدُن مَانِي اِكْ يِتَطَهَّار يَحْبِي يُوْدَان س وَامَان.

نَبِي يَحْيَى يَشْهَدُ خ سِيذِيَتْنِغ عِيَسَى ذ مَيْسَن اَرَبِي

29 ئِيوُشَا نَس يَحْبِي يَتُوَاژَا عِيَسَى يَكُوْر-د غَارَس، يِنَا: "خَزْرَث، ذ وِين دِي زَمَارَن اَرَبِي اِي غَا يَكْسَن زَمْعَصِيَت خ يُوْدَان مَارَا. 30 ذ وِين اِي خَف تُوْغَا سِيوْرْغ نِيغ-اوم: اَد د يَاس مَبْعَد إِ نَش يِج ن وَرِيَاژ، وَلَكِن نَتَا يَمْعَار خَافِي مِينْزِي تُوْغَاث قَبَر مَا ذ يِرِيغ نَش. 31 تُوْغَا نَش س يِخْف يُوْوَار ث سِيغ شَا مِين يِعْنَا، وَلَكِن وَسِيغ-د اَد طَهَّارْغ يُوْدَان س وَامَان حَمَا اَدَاسَن د بِيَان نَتَا إِ اَيْث-اِسْرَائِيل."

32 يَحْبِي يَشْهَدُ خَاس يِنَا: "زُرِيغ اَرُوْح ن اَرَبِي يَهُو-د اَمَشْتَاو تَدْبِيْرْت زَكْ وَجَنَّا يَمْرَس خ عِيَسَى. 33 تُوْغَا نَش وَار ث سِيغ شَا مِين يِعْنَا، وَلَكِن ذ اَرَبِي اِي دَابِي د يِسْكَن اَد

طَهَّارِغ يُوذَانَ سِ وَامَانَ، نَتَّأ يِنَّا-أَيِّي: وَنَيِّ غَا تَثْرَدِ يَهُو-دِ حَاسِ أَرْوَحِ يَمْرُسِ حَاسِ، ذِ نَتَّأ أَيِ غَا يَطَهَّارِنِ يُوذَانَ سِ أَرْوَحِ يَقْدُسِنِ. 34 نَشِ زُرِّيغِ مَانَايَا سِ يِيخَفِ يُونُو، أُو شَهْدِغِ حَاسِ بَلِّي نَتَّأ ذِ مَيِسِ نِ أَرْبِي. "

بِمَحْضَارِنِ يَمْرُورَا نِ سِيذِيئِنِغِ عَيْسَى

35 ثِيوَشَا نَسِ عَاوِذِ يِيذِ ذِنِّي يَحْيَى اَكْذِئْتَانِنِ نِ يِمَحْضَارِنِ نَسِ. 36 وَامِي يُوْفَا عَيْسَى يِعْذُو سَنِّي يِنَّا-أَسِنِ: "خَزْرَمِ، ذِ وِينِ ذِ يَزْمَارِ أَيِ دِ يِسْكَ أَرْبِي." 37 وَامِي ئُنَّانِنِ نِي يِمَحْضَارِنِ سَرِيِنِ-أَسِ يِسَاوَازِخِ عَيْسَى، ذِفَّارِنِ-ثِ.

38 نِقْرَبِ عَيْسَى غَارِ ذِفَّارِ يُوفِي-ئِنِ ذِفَّارِنِ-ثِ-يِدِ يِنَّا-أَسِنِ: "مِينِ تَرْزُومِ؟"

نَّانِ-أَسِنِ: "مَانِي تِيْرِيذِ، آ رَافِي؟" (أَوَازِ-أُ رَافِي يِخَسِ اذِ يِنِّي لَمْعَلِّمِ.)

39 يِنَّا-أَسِنِ: "أَرَا حَمْدِ اذِ تَخَزْرَمِ." رُوحِنِ اَكْذِسِ، زُرِيِنِ مَانِي يِيْرِي. ئِسْعَاتِ عَزَايِنِ ذِ أَرْبَعَا نِ وَعَشِّي أُو سَنِّي سَنَسِنِ اَكْذِسِ نَهَارِ نِي.

40 جِيْنِ زِي ئُنَّانِنِ يِمَحْضَارِنِ نِي قَّارِنِ-أَسِ اَنْدَرُوسِ، وَمَاسِ نِ سِمْعَانَ بَطْرُسِ، يِسْرَا اِ وَاَوَازِ نِ يَحْيَى يِذْفَارِ عَيْسَى. 41 زِخْدَنِيْتِ يُوْفَا وَمَاسِ سِمْعَانَ يِنَّا-أَسِ نُوْفَا لَمَسِيَا. (أَوَازِ-أُ لَمَسِيَا يِخَسِ اذِ يِنِّي لَمَسِيحِ.) 42 ئِسْيُوسِ-يِثِ-يِذِ غَارِ عَيْسَى. وَامِي ثِ يِيْرَا عَيْسَى يِنَّا-أَسِ: "شَكِ ذِ سِمْعَانَ مَيِسِ نِ يُوحَنَّا، زِي سَا اَزِ ئِسَاوَنْتِ اذَّاشِ تَرْغَانَ صِفَاسِ." (أَوَازِ-أُ صِفَاسِ يِخَسِ اذِ يِنِّي بَطْرُسِ.)

43 ثِيوَشَا نَسِ عَيْسَى يِخَسِ اذِ يِرَاحِ غَارِ ثُمُورِثِ نِ لَجَالِيلِ. رُروَحِ يُوْفَا يِجِنِ قَّارِنِ-أَسِ فِيلِيْبَّاسِ يِنَّا-أَسِ: "ذِفَّارِ-أَيِّي-دِ!"

44 فِيلِيْبَّاسِ نَتَّأ زِي ئَنْدِيْنْتِ نِ يِيْتِ صَيِّدَا، أَيِيْلَاجِ نِ اَنْدَرُوسِ ذِ بَطْرُسِ. 45 فِيلِيْبَّاسِ يُوْفَا يِجِنِ قَّارِنِ-أَسِ نَأْتَنَاهِيلِ يِنَّا-أَسِ: "نُوفَا وَنَيِّ أَيِ خَفِ يُوْرَا مُوسَى ذِي شَرِيْعَا، مِيخَفِ وَرِيِنِ لَكُتْبِ نِ لَأَنِّيَا. نَتَّأ ذِ عَيْسَى زِي ئَنْدِيْنْتِ نِ نَاصِيْرَا ذِ مَيِسِ نِ يُوسُفِ."

46 يَنَا-آس نَأْتَنَاهِيل: "مِين يَصْبَحَان زِي نَأَصِيرَا!؟"

يَنَا-آس فِيلِيَّاس: "أَرَا-د، أَذ تَخْرُذ."

47 عَيْسَى يَزْرَأ نَأْتَنَاهِيل يَكْوَر-د غَارَس يَنَا: "وَإِنِّي نِيشَان زِي آيْت-إِسْرَائِيل، وَار ذَائِس بُو يَخَارُويَضَن."

48 يَنَا-آس نَأْتَنَاهِيل إِ عَيْسَى: "مِينِزِي ذَائِي تَشْنَد؟"

يَنَا-آس عَيْسَى: "زُرِيغ-ش سَوَادَاي إِ تَشَجَارْت ن تَأَزَارْت، قَبْر مَا ش د يِرَاغَا فِيلِيَّاس."

49 يَنَا-آس نَأْتَنَاهِيل إِ عَيْسَى: "آ لَمْعَلْم، قَا شَك ذ مَيْس ن أَرِّي، شَك ذ أَرْدَجِيد ن آيْت-إِسْرَائِيل."

50 يَنَا-آس عَيْسَى: "مَا تُومَنَد وَامِي ش نِيغ زُرِيغ-ش سَوَادَاي إِ تَشَجَارْت ن تَأَزَارْت؟"

يَنَا-آس: "عَاذ أَذ تَرْد كِتَار زِي مَانَايَا. 51 أَقَا تَسْرَام رَحَق: أَذ تَرَم أَجَنَّا يُوْرَم، لَمَالَايَكَاث ن أَرِّي تَأَزِينْت هَوَانْت-يِد خ مَيْس ن بِنَادَم."

لَمُعْجِزَا تَمَزَوَارُوت ن سِيدِينغ عَيْسَى

2 1 ذِي نَهَار وِيس تَرْتِيَام ذِي زَفَارَح ذِك وِيبِلَاج ن قَانَا ذِي تُمُورْت ن لَجَالِيل. ذِي يِمَّاس ن عَيْسَى. 2 وُزَا ذ عَيْسَى ذ يَمْحَضَارَن نَس تَوَاعْرَضَن غَار زَفَارَح نِي. 3 وَامِي وَار غَارَسَن قِيمَن وَامَان ن وَضِيْر، تَنَّا-آس يِمَّاس إِ عَيْسَى قَا أَمَان ن وَضِيْر قُضَان.

4 يَنَا-آس عَيْسَى: "آ يِمَّا، مَاشِي ذ شَغْر يُو. نَش زُوقْت يُو عَاذ وَار د تُوْسِي شَا."

5 تَنَّا-آسَن يِمَّاس إِ يَخْدَأَمَن: "كَم مِين ذَاوَم يَقَار."

6 ذِي ذِي تَدَارْت نِي سَتَا ن يَقْنُوشَن ن وَامَان عَلَاَحَسَاب مَامَش تُوْمَن تَكْن زَائِسَن يَسْرَائِيلِيْن زُوْضُو. يَقْنُوشَن نِي تَوَاخْدَمَن س وَرُزُو، كُر يَجَن يَكْسِي زِي تَمَانِيْن أَر مِيَا أُو

عِشْرِيْن لِيْتَرُو ن وَامَان. 7 يَنَا-آسَن عَيْسَى إِ يَخْدَأَمَن: "عَمْرَم يَقْنُوشَن-أَس وَامَان." عَمْرَن-

ثَن س وَامَان أَر وَفْمُوْم. 8 يَنَا-آسَن: "أَيْمَم شَوَانِيْت أَوِيْم-ثَن إِ وَنِي يَتَكَلَّافَن زِي زَفَارَح."

أُوْشَا وَوِيْن-آس شِي حَجَا. 9 وَفِيْن أَمَان عَادِي نِي ذُوْرَن ذ أَمَان ن وَضِيْر. وَنِي يَتَكَلَّافَن

زِي زَفَارِح-أ يَقَّاس-يثن وَلَكِن نَتَّا وَارِ بِسِّين شَا مَانِيس د كِّين وَامَان-أ ن وَضِير. نِحْدَامِن
 نَسِ اِي دَاس د يُويمِن اَمَان-أ، د نَثْنِي اِكْ شَنن مَانِيس د يَكَّا مَانَايَا. ثُمَّا وَنِي يِكْلَفْن زِي
 زَفَارِح يَسِّيُوَز اَكْ مُوَلَاي، 10 يِنَّا-أَس: "عَدَاتَان دَكْ وَمُزَوَارُو يُوَذَان تَيْشَن-أَسْن اِ يِنُوَجِيُون
 اَمَان ن وَضِير يَصْبَحَان. خَمِي تِيْزِي سُوِين زَائِسْن اَطَّاس، ذِي زُوَقْت نِي اِي دَاسْن تَيْشَن
 اَمَان ن وَضِير عَادِي. شَك لَّا، ثَحْمَزْد اَمَان ن وَضِير يَصْبَحَان اَر زُخُو."
 11 ثَانِيَا ذ لُمُعْجِيْزَا تَمُزَوَارُوْت اِكْ يَكَّا عَيْسَى. نِكِّي-ت دَكْ وَيِلَاج ن فَاْنَا ذِي ثُمُورْت
 ن لَجَالِيل. يُسْطَهَار-د لَعْظَا مَا نَس، وَمْن زَائِس يَمْحَضَارن نَس. 12 مَبْعَد اِ مَانَايَا يَهُوَا غَار
 ثَنْدِيْنْت ن كَفَرْنَا حُوْم، نَتَّا ذ يِمَّاس ذ اَيْثَمَّاس ذ يَمْحَضَارن نَس، قِيْمِن ذِي دُرُوْسْت ن
 وُوسَّان.

سِيْدِيْنْت عَيْسَى يِتَارَزْ خ يِنِي يِتَكْن تَجَارَا ذِي ثَمْرِيْدَا ثَمَقْرَانْت

13 وَاْمِي د يُوُوض زَعِيْد اَمَقْرَان ن اَيْت-اِسْرَائِيل، عَيْسَى يُوْزِي غَار ثَنْدِيْنْت ن لُقْدَس.
 14 يُوُفَا ذِي ثَمْرِيْدَا ثَمَقْرَانْت زَنُوْزَان دَائِس يَفُوْنَّاسْن ذ يَحُوْزِيْن ذ يَذِيْرِن، وَزَا ذ يَصْرَافِن
 قِيْمِن ذِي تَصْرَافِن ثَمْنِيَاث. 15 ثُمُوذ يَسْعَوَان، س يَسْعَوَان نِي يُوْزَزْ حَاسْن مَارَا زِي ثَمْرِيْدَا
 ثَمَقْرَانْت س يَحُوْزِيْن ذ يَفُوْنَّاسْن. ثَقْرَب-أَسْن اِ يَصْرَافِن مِيْسَاث نَسْن، يَزْدَج-أَسْن ثَمْنِيَاث
 نِي ذِي ثُمُورْت. 16 يِنَّا-أَسْن اِ يِنِي يَزَنُوْزَان يَذِيْرِن: "اَيْسِيْث مَانَايَا سَانِيْتَا. وَار تَارَاث شَا
 ثَدَّارْت ن بَابَا ذ سُوق!"
 17 فَكَارن يَمْحَضَارن نَس مَانَايَا يُوْسَا-د ذِي لِكِيْتَاب: "أَذ سَبْرَغ ثُوْدَارْت يُوُخ زَمْحِيْث
 ن ثَمْرِيْدَا نَش."
 18 كَارن يِسْرَائِيلِيْن نَّان-أَس: "مَان لُمُعْجِيْزَا اِي غَا ثَكَّذ بَاش اَغَارَش يِيْزِي رَحَقَّ اَذ تَكَّذ
 مَانَايَا؟"
 19 يِنَّا-أَسْن عَيْسَى: "هَدْمْت ثَمْرِيْدَا-يَا ثَمَقْرَانْت، نَش اَيْد سِيْرِيْغ ذِي ثَرْتِيَام."

20 نَانَ-آس يُّسْرَائِيلِيَيْن: "شك، أَتَيْد تَسِيرِيذَ ذِي تَرْتِيَام؟ تَمْرِيذًا-يَا تَمْقَرَانَت تَبْنَا ذِي سَتَّا وَا رَبَّيْن يِسْكُوسَا!" 21 وَلَكِنْ تَمْرِيذًا تَمْقَرَانَت مِينْخَف يِسَاوَر عَيْسَى نَتَّاث ذ دَات نَس. 22 وَا مِي ذِي يَكَّار زِي زُمُوث، فَكَّارَن يَمْحَضَارَن نَس مِين دَاسَن يِنَّا، وُ مَن زِي لِكِتَاب ذ وَاوَاز يِنَّا عَيْسَى.

23 وَا مِي يَدَجَا ذِي تَنْدِينَت ن لُقُدَس ذِي زَعِيدَ امْقَرَان ن أَيث-إِسْرَائِيل، أَطَّاس ن يُوْدَان إِ ي زَائِس يُوْمَن زَك يِسَم نَس وَا مِي زَرِين لَمُعْجِزَات إِك يَتَك. 24 وَلَكِنْ نَتَّا وَا ر دَائِسَن يَتِيْقِي شَا مِينْزِي يَسَن يُوْدَان مَارًا مِين دَائِسَن. 25 وَا ر يَتَحْدِيحِي بُو زَشْهُوذ خ يُوْدَان، نَتَّا يِعْزَم خ وُوزَاوَن نَسَن.

سِيدِينْتَع عَيْسَى يِسْرَمَاذ خ وَبْرِيذ ن جَدِيذ

3 1 تُوْعَا يَدَجَا يِيح ن وَرِيَاز قَارَن-آس نِينْكَوْدِيم زِي زَحْرَب ن يَفْرَسِين. نَتَّا ذ يِيحَن زِي لُحْكَام ن أَيث-إِسْرَائِيل. 2 يُوْسَا-د غَار عَيْسَى س دَجِيْرَث يِنَّا-آس: "آ لَمُعْلَم، نَشِين نَسَن بَلِي شَك ذ امْسْرَمَاذ إِ ي د يُوْسِين زِي أَرْبِي. وَا ر يَزَمْر وُزَا ذ يِيحَن آذ يِكَّ شَان لَمُعْجِزَات زِي مِين تَكَّذ شَك إِالَا مَرَا كِدَس أَرْبِي."

3 نُنْدَق-د عَيْسَى يِنَّا-آس: "أَقَا تَسْرِيذَ رَحَق": وَا ر يَزَمْر وُزَا ذ يِيحَن آذ يَزْر زُمْلَك ن أَرْبِي إِالَا مَرَا يِيحْرَق-د زِي جَدِيذ."

4 يِنَّا-آس نِينْكَوْدِيم: "مَامَش غَا يِكَّ بِنَادَم آذ د يِيحْرَق زِي جَدِيذ مَرَا يُوْسَار؟ مَا يَزَمْر آذ يَادَف عَاوُذ ذَك وَعَدِيَس ن يِمَّاس آذ د يِيحْرَق زِي جَدِيذ؟"

5 يِنَّا-آس عَيْسَى: "أَقَا تَسْرِيذَ رَحَق": مَرَا شَان يِيحَن وَا ر د يِيحْرِيَق س وَامَان ذ أَرْوَح ن أَرْبِي، وَا ر يَزَمْر آذ يَادَف ذِي زُمْلَك ن أَرْبِي. 6 مِين يَتَوَاخْرَقَن زِي دَات، نَتَّاث ذ دَات. مِين يَتَوَاخْرَقَن زِي أَرْوَح ن أَرْبِي، نَتَّا ذ أَرْوَح. 7 مَرَا نَبِيغ-أَش يَتَخَصَّا-كَبِيو آذ د تَخْرَقَم زِي جَدِيذ، وَا ر تَعَجِّيب شَا. 8 أَرْيِيح يَنْصُوْض مَانِي يِيحَس نَتَّا. آذ تَسْرِيذ إِ صُوْت نَس، وَلَكِنْ

وَأَرْتَسِيند شَا مَانِيس د يَكَا وُزَا ذ مَانِي غَا يِرَاح. أُمُو إِي كَيْن مَارَا يِنِّي يَتَوَاحِرَقِن س أُرُوح
ن أَرَبِّي."

9 يِنَا-آس نِيكُودِيم: "مَامَش مَانَايَا؟"

10 يِرَا خَاس عَيْسَى يِنَا-آس: "إِيوَا تُسْرَمَاذد شَك أَيَث-إِسْرَائِيل وَار نَفْهَيْمَد شَا مَانَايَا؟
11 أَقَا تَسْرِيذ رُحَق: نَشِين نَسَاوَاز زِي مِين نَسْن، نَشْهَد س مِين نَزْرَا، وَلكِن كَنِيو وَار
نَشْبِيرَم شَا شَهَادَث نَع. 12 مَرَا سِيوَزغ غَاوَم خ تَمَسْرَايِين ن تَمُورَث كَنِيو وَار تِيَمْنَم شَا،
مَامَش غَا تَامْنَم مَرَا سِيوَزغ-أوم خ تَمَسْرَايِين ن وَجَنَّا؟ 13 وُزَا ذ يَجْن مَا يُوْرِي غَار وَجَنَّا
إِلَّا وَنِي د يَهْوَان زَكْ وَجَنَّا، نَتَا ذ مِيس ن بِنَاذم. 14 أَمَشْنَاو مَامَش يَسْبِدْ مُوسَى فِيعَر ن
نَحَّاس خ ثَحْنَأَشْت ذِي رُخْرَا، ب أُمُو يَتَخَصَّصَا أَذ يَتَوَاسْبِدْ مِيس ن بِنَاذم ذَكْ وَجَنَّا. 15 مَارَا
وَنِي زَايس غَا يَامْنَم أَغَارَس تِيْرِي تُودَارَث إِ رِبْدَا."

16 وَامِي يَجِبْ أَرَبِّي دُونَشْت-أ، نَهَذَا-يَاس مِيس أَوْحَدَانِي حَمَا وَنِي زَايس غَا يَامْنَم وَار
يَفْنِي شَا أَغَارَس تِيْرِي تُودَارَث ن رِبْدَا. 17 أَرَبِّي وَار د يَسَكْ شَا مِيس غَار دُونَشْت حَمَا أَذ
يَحَاسَب يُوْدَان. لَّا، يَسَكْ-يَث-يذ حَمَا أَزَايس يَسْنَجَم يُوْدَان. 18 وَنِي زَايس يَتَامْنَم أَتَاف
وَار يَتَوَاحَسَب شَا. وَنِي وَار زَايس يَتِيَمْنَم شَا أَتَاف يَتَوَاحَسَب مِينْزِي نَتَا وَار يُوْمِين شَا
زَكْ يِيسَم ن مِيس ن أَرَبِّي أَوْحَدَانِي. 19 ذ وَ ذ لُحْكَم إِي خَاس غَا يِيْرِين: نُور يُوْسَا-د
غَار يُوْدَان، يُوْدَان خَسَن تَادْجَسْت خَسَن زِي نُور مِينْزِي تَكْن شَر. 20 مَارَا وَنِي يَتَكْن مِين
يُدْجَان ذ أَعْفَان يَتْعِيفَا نُور، وَار غَارَس د يَتِيس شَا غَار نُور حَمَا وَار تَنفُضِيحْنَت رُخْدَايم

ب 14.3 مَانَايَا يَتَاس-د زِي لِكْتَاب ن لِأَرْقَام 21: 6-9. يَضْرُق-د سِيْذِي أَرَبِّي يَفِيعَرَان مَسْمُومِين خ شَعْب
بَدَان تَقْسَن-آسَن، مُوْن خَرَبِّي زَايسَن. يُوْسَا-د شَعْب غَار سِيْذْنَا مُوسَى نَان-آس: "نَخْضَا وَامِي نَتَشَشْنَا أُو
نَسِيوَر ذِي سِيْذِي أَرَبِّي وُزَا دَايش. تَار-آس إِ أَرَبِّي حَمَا أَخَانَع يَسْبَعْد يَفِيعَرَان-أ." سَنِي سِيْذْنَا مُوسَى يَتَار إِ
أَرَبِّي. يِرَا-د أَرَبِّي خ سِيْذْنَا مُوسَى يِنَا-آس: غَلْز يِج وَفِيعَر س نَحَّاس اَكْ-يَث خ يَجْن ن ثَحْنَأَشْت، أَغَارَس
خَزْرَن يِنِّي وَمِي قَسَن يَفِيعَرَان حَمَا أَذ دَرَن. "بُرُوح سِيْذْنَا مُوسَى يَغَلْز يَفِيعَر نِي س نَحَّاس يَكِّي-ث خ
ثَحْنَأَشْت. تُوْعَا وَنِي وَمِي يَقْس وَفِيعَر يَخْزَر غَار وَفِيعَر نِي ن نَحَّاس يَتَدَر."

نَس. 21 وَّيَّيْخَدْمَن نِيْشَان آذ د يَاس غَار نُور. اَمُو آذ د يِيَان بَلِّي رَحْدَايِم نَس يِتَنگ-يِشَنت اِ اَرَّبِي .

نَبِي يَحْيَى يِشَهْد بَلِّي سِيْدِيْتَنغ عِيْسَى يِمْعَار خ كُرْشِي

22 مَنَعْد اِ مَانَايَا عِيْسَى د يِمْحَضَارَن نَس وُسِين-د غَار ثَمُورْت ن يَهُودِيَا يِقِيْم اَكِيْدَسَن ذَنِّي، نِيْطَهَّار يُوْدَان س وَاْمَان. 23 وُزَا ذ يَحْيَى يِنْطَهَّار يُوْدَان س وَاْمَان ذِي زَعُنْصَر ن نُون ذِي طَارْف ن ثَنْدِيْت ن سَالِيْم مِيْنَزِي ذَنِّي اَمَان اَطَّاس. تَاسَن-د ذَنِّي يُوْدَان حَمَا اَثَن يِطَهَّار. 24 (تُوُقَع مَانَايَا قَبِرَ مَا ذ كُنَّ يَحْيَى ذِي رَحْبَس.) 25 يُوُقَع لِحَاْلَاف جَار يِمْحَضَارَن ن يَحْيَى ذ يِج ن وُسُرَايِلِي خ مَامَش غَا يِيْزِي زُوْضُو. 26 وُسِين-د غَار يَحْيَى نَان-اَس: "آ لَمُعَلَّم، وَّيَّيْ تُوُعَا اَكِيْدَش يِدْجَان اَجْمَاْض اِ يَغَزَارَن لَأَزْدُن اُو شَك ثَشَهْدُذ حَاَس، نَتَّا يِنْطَهَّار يُوْدَان س وَاْمَان، كُورَن غَارَس مَارَا."

27 يِتَا-اَسَن يَحْيَى: "وَار يِزَمَر بَنَادَم اَغَارَس يِيْزِي شَان ثَمَسْرَايْت مَرَا وَار ذَاَس د تُوْسِي شَا زِي اَرَّبِي. 28 كَنِيُو س يِيْحَف نُوم ثَشَهْدَم قَا نِيْغ-اوم: نَش وَار دَجِيْغ شَا ذ لَمَسِيْح لَّا، تُوَاَسَكْغ-د قَبِر اِ نَتَّا. 29 وَّيَّيْ غَار ثَدْجَا ثَسْرِيْت، نَتَّا ذ مُوَلَاي. اُوْزِيْر ن مُوَلَايْت يِعْنِي وَّيَّيْ يِتَبْدَان زَاَثَس يِتَسْرَا-يَاس، نَتَّا يِفْرَح اَطَّاس اِ وَاوَاْزَن مُوَلَاي. اَمُو وُزَا ذ نَش فَرَحْغ اَطَّاس. 30 اُو لَابَد نَتَّا اَذ يِمْعَار، نَش اَذ نَقْصَغ."

31 وَّيَّيْ اِي د يِتَاسَن زَك وِجَنَّا، نَتَّا يِمْعَار خ كُرْشِي. وَلَكِن وَّيَّيْ اِي د يِتَاسَن زِي ثَمُورْت نَتَّا زِي ثَمُورْت، يِسَاوَاْز اَمَشَنَاو يُوْدَان ن ثَمُورْت. وَّيَّيْ اِي د يِتَاسَن زَك وِجَنَّا، نَتَّا يِمْعَار خ كُرْشِي. 32 يِشَهْد زِي مِيْن يُوْرَا ذ مِيْن يِسْرَا، وَلَكِن شَهَاذْت نَس وَاْر ت يِقَبْر وُزَا ذ يِجَن. 33 وَّيَّيْ يِقَبْرَن شَهَاذْت نَس، اَتَاْف يِتَحَقَّق بَلِّي اَرَّبِي ذ لِحَقِيْمَا اِكْ يِدْجَا. 34 وَّيَّيْ اِي د يِسَكْ اَرَّبِي يِسَاوَاْز س وَاوَاْزَن اَرَّبِي مِيْنَزِي يِتِيْش-اَس اُرُوْح نَس بَرَا زَقِيَاس. 35 بَابَاَس يِعِيْز

خاس ميس، يگا-اس كزشي ذك وفوس نس. 36 وني يتامن زي ميس غارس تودارث ن زبدا. وني وار يتطيعين شا ا ميس، وار غارس تيزي بو تودارث اخاس يغضب اربي.

اُطاس ن يودان زي سماريا تامن زي سيديتغ عيسى

4 ¹ يسن عيسى بلي يفرسين ارين-د زخبار وامي د مرين غارس يمحصارن يتطهار- ين س وامان كتار زي يحيي. ² ولكن عيسى س بيخف نس وار يتطهار شا ا يودان، د يمحصارن نس اڭ يڭين مانايي. ³ سني يفع زي ثمورث ن يهوديا، زروح غار ثمورث ن لجاليل. ⁴ يتحصا-ياس ا نتا اذ يك خ ثمورث ن سماريا. ⁵ يگا خ بيح ن ندينت زي سماريا قارن-اس شوخار، زاث ا ومرجع ني اڭ يوشا يعقوب ا ميس يوسف. ⁶ ذني انو ن يعقوب. وامي عيسى يوحس و بريد اڭ وزين ن نهار، تقيم غار وانو ني ن يعقوب. 7-8 نوسا-د يشت ن ثمعارث زي سماريا اذ تايم امان. يمحصارن ن عيسى نيني توعا زوحن غار ندينت اذ سغن مين غا شن. ينا-اس عيسى ا ثمعارث ني: "وش-ايي اذ سوغ."

9 نئا-اس ثمعارث ني: "شك ذ ايسراييلي، نش ذ نسماريت. مامش داش تخرق شك تئارد-ايي اذ تسود؟" (ايوا يسراييلين قا وار تمصروفن شا اك يودان ن سماريا).

10 ينا-اس عيسى: "معليك شم تشند لهديا ن اربي تشند مين عنيغ نش اي دام يقارن وش-ايي اذ سوغ، اتاف تئارد-ايي شم امان ادام وشغ امان ن تودارث."

11 نئا-اس: "آ سيدني، وار غارك شا مينزي غا تايمد. انويا يودجغ، مانيس د غا تاويد امان ني ن تودارث؟ 12 جديتغ يعقوب يوشا-انغ انويا، نسوا زاييس نئا س بيخف نس ذ تاروا نس ذ زبهام نس. ما تحسبذ يخف نش كتار زاييس؟"

13 نندق-د عيسى ينا-اس: "مارا وني غا يسون زك وامان-ا اتاف اذ يفاذ عاوذ. 14 ولكن وني غا يسون امان اي داس غا وشغ نش اتاف وار يتفيدي شا عمارص. امان اي داس غا وشغ نش اذ دوزن داييس امشناو بيح ن زعنصر ازييس تشفي تودارث ن زبدا."

15 ثَنَا-أَسْ ثَمْعَارْثُ نَبِيِّ: "آ سِيذِي، وَش-أَبِي أَمَانُ نَبِيِّ حَمَا وَارْ تَفِيدِغِ شَا، وَارْ دِ تَيْسِغِ شَا وَارْ تَايَمِغِ شَا أَمَانُ سَانِيَتَا."

16 يِنَا-أَسْ عَيْسَى: "رُوحْ زَاغَا-دِ إِ وَرِيَازْ نَم، دُورْ-دِ ذَانِيَتَا."

17 ثَنَا-أَسْ ثَمْعَارْثُ نَبِيِّ: "وَارْ غَارِي بُو أَرِيَازْ."

يِنَا-أَسْ عَيْسَى: "وَاه، شَم شَسِيوَرْدِ نِيْشَانِ وَامِي تَنِيْذِ وَارْ غَارِي بُو أَرِيَازْ، 18 مِينَرِي تُووِيْذِ خَمْسَا نِ يَرِيَازَنْ. أَرِيَازْ نَبِيِّ مِيكَذِ تَعِيْشِدْ رُخُو وَارْ يَدِجِي بُو ذِ أَرِيَازْ نَم. إِيوَا غَارْمِ صَحْ ذِي مِينِ تَنِيْذِ."

19 ثَنَا-أَسْ ثَمْعَارْثُ نَبِيِّ: "آ سِيذِي، تُوَايِغِ شِكْ ذِ نَبِيِّ. 20 رَجْدُوْذِ نَغْ عِبْدَنْ أَرَبِيْ ذِكْ وَذَرَارَا، كَنِيوْ يِسْرَائِيلِيْنِ تَقَارْمِ قَا يَتَخَصَّصَا ذِي لُقْدُسِ أَمَشَانِ مَانِي غَا نَعْبَدْ."

21 يِنَا-أَسْ عَيْسَى: "يِنَقَا-أَبِي آ ثَمْعَارْثُ، أَدْ دِ تَاسِ يَجَنْ نِ رُوْقْثِ آتَافِ كَنِيوْ وَارْ تَعْبُدْمِ شَا بَابَا وَرَا ذِكْ وَذَرَارَا-أُورَا ذِي لُقْدُسِ. 22 كَنِيوْ تَعْبُدْمِ وَنَبِيِّ وَارْ تَسِينِمِ، نَشِينِ نَعْبَدْ وَنَبِيِّ إِي نَسْنِ مِينَرِي أَسْنَجَامِ يَكَا-دِ زَكْ يِسْرَائِيلِيْنِ. 23 وَلَكِنْ أَدْ دِ تَاسِ رُوْقْثِ آقَا رُخُو تُوَسَا-دِ، خُومِي يِنِي يِعْبُدَنْ نِيْشَانِ آتَافِ أَدْ عِبْدَنْ بَابَا سِ لِحَقِيْقَا ذِ أَرُوحِ. ذِ يِنَا إِي خَفِ يِرْزُوْ بَابَا. 24 أَرَبِيْ نَتَا ذِ أَرُوحِ، يِنِي إِي تِ يِعْبُدَنْ، يَتَخَصَّصَا-يَاسَنْ آتِ عِبْدَنْ سِ لِحَقِيْقَا ذِ أَرُوحِ."

25 ثَنَا-أَسْ ثَمْعَارْثُ نَبِيِّ: "نَشِ قَا شِغْغِ أَدْ دِ يَاسِ لَمَسِيَا، قَارَنْ-أَسْ لَمَسِيْحِ. خُومِي دِ غَا يَاسِ أَدَانِغِ يِنِي كُرْشِي."

26 يِنَا-أَسْ عَيْسَى: "قَا ذِ نَشِ إِي كِدْمِ يَسَاوَازَنْ."

27 وَامِي دِ عَقْبِنِ يَمْحَضَارَنْ نَسْ، تَعَجْبَنْ وَامِي تِ وَفِينِ يَسَاوَازْ أَكْذِ يَجَنْ نِ ثَمْعَارْثِ. وَلَكِنْ وَارْ ذَاسِ يِنِي وَرَا ذِ يَجَنْ مِينِ غَارَسِ ثَرَزُوْذِ غَارِ تَا؟ نَغِ، مَايَمِي إِي كِدْسِ تَسَاوَازْدِ؟ 28 تَجَا ثَمْعَارْثُ نَبِيِّ أَقْدِيْحِ نَسْ ثَرُوحِ غَارِ تَنْدِيْنِتِ، ثَنَا-أَسْنِ إِي يُوْدَانَ: 29 "أَرَاْحَمِ-دِ أَدْ تَرْمِ يَجَنْ نِ وَرِيَازِ يِنَا-أَبِي مَارَا مِينِ كَيْغِ. يَمَكَنْ ذِ لَمَسِيْحِ نَغِ؟" 30 فَعَنْ يُوْدَانَ نَبِيِّ زِي تَنْدِيْنِتِ رُوْحَنْ غَارَسِ.

31 دِي زُوقْت نِي قَارَن-آس يَمَحْضَارَن آ لَمُعَلِّم، أَشْ!
 32 وَلَكِن نَتَّا يِنَّا-آسَن: "غَارِي مِين تَتَّع، كَنِيو وَارْت تَسِينِم شَا."
 33 مَحْضَارَن نَس سَقْسَان آيَاوِيَا مَا يُوِي-آس-د حَدِّ مِين غَا يَشْ؟
 34 يِنَّا-آسَن عَيْسَى: "زَمَكَلَا يِنُو آذ خَدْمَغ مِين يَخَس وَنِي دَايِي د يَسَكَن آذ كَمَرُغ
 زَخْدَمْت نَس. 35 غَارُوم يِج ن لِمِثَال يَقَار: مَنبَعْد إِ آرَبَعَا ن شَهُور آذ د تَاس زُوقْت ن
 وَمَجَار. نَش آدَاوم يِنِيغ: رَزْمْت تَيْطَاوِين نَوْم خَزَارْت يَمَرَجِيوِن، نُوُوض-د زُوقْت ن وَمَجَار.
 36 وَنِي يَمَجَارَن آذ يِسِي تَخَزِيَسْت نَس يَجْمَع تَفَدَجَا حْت إِ تُودَارْت ن زَبْدَا، حَمَا آذ
 مُونَن دِي زَفْرَا حْت نَسَن يِنِي يَزْرَعَن د يِنِي يَمَجَارَن. 37 يَغْنِي ذ صَح مِين يَقَار لِمِثَال: يُجَن
 يَزْرَع، يُجَن يَمَجَار. 38 نَش سَكْغ-د كَنِيو آذ تَمَجَارَم مَانِي وَارْتَرَعَم شَا. تِنَغْنِي زَرَعَن،
 كَنِيو شَتِنْفَعَم زِي زَخْدَمْت نَسَن."
 39 أَطَّاس ن يُوْدَان زِي جِبِهَت ن سَمَارِيَا وَ مَن زِي عَيْسَى وَامِي تَشْهَد تَمَعَارْت نِي
 تِنَّا-آسَن قَا يِنَّا-آيِي مَارَا مِين كَبُغ. 40 وَامِي إِ غَارَس د وَسِين يُوْدَان زِي سَمَارِيَا عَرْضَن-ث
 اِكْدَسَن يَقِيم. سَنِي يَقِيم اِكْدَسَن يُوْمَايِن دَنِي. 41 وَامِي سَرِين آوَاژ ن عَيْسَى مَرِين يُوْدَان
 إِ زَايس يُوْمَن. 42 تَان-آس إِ تَمَعَارْت نِي نَشِين وَار نَتِيمَن شَا زُخُو غِير عِلَا حَسَاب مِين
 ذَانغ تَنِيْد شَم، مِينزِي يَسِيوَر اِكْدَنغ س يِيخَف نَغ أُو نَشِين نَسَن بَلِي ذ صَح ذ وَ اِكْ
 يَسَنجَامَن دُونَشْت.

سِيذِينغ عَيْسَى يَسَنگَنفَا مَيْس ن يِج وَمَخَارَنِي

43 مَنبَعْد إِ يُوْمَايِن يِنَغ سَنِي عَيْسَى، رُزُوح غَار تُمُورْت ن لَجَالِيل. 44 أُو نَتَّا س يِيخَف
 نَس يَقَار وَرَا ذ يِجَن ن نَبِي مَا مَحْتَارَم دِي تُمُورْت نَس. 45 وَامِي يُوُوض غَار لَجَالِيل رَحْبَن
 زَايس يُوْدَان مِينزِي نَشِينِي زَرِين مَارَا تَمَسْرَايِين إِ اِكْ يَكَّا دِي زَعِيد دِي لَقْدَس. وَرَا ذ نَشِينِي
 تُوْغَا حَضَارَن دَنِي دِي زَعِيد.

46 يُوسَاد- عَاوَد غَار وِبِيَلَاج ن قَانَا ذِي ثُمُورْت ن لَجَالِيل مَانِي تُوعَا يِرَا أَمَان عَادِي ذ
 أَمَان ن وَصِيْر. أُو ذِي ثُنْدِيْت ن كَفْرَنَاحُوم ذُنِّي يَجْن زَكْ يَمْحَارِيْتِيْن ن وَزْدَجِيْد يَهْرَش
 مِيْس. 47 أَمْحَارِيْنِي نِّي وَامِي د يَارَا رَحْبَار عِيْسَى يُوسَاد- زِي ثُمُورْت ن يَهُودِيَا غَار ثُمُورْت
 ن لَجَالِيل، تِرُوح غَارَس يِنَا-أَس مَا كِذِي تَهْوِيْد حَمَا أَد تَسْكَنْفِيْد مَمِّي؟ قَا عَزَائِن أَد يَمَث.
 48 يِنَا-أَس عِيْسَى: "كَنْبِيُو، مَا وَار تِيْمْنَم شَا حَتَّا أَد تَرْم لَمُعْجِيْرَات ذ لُبْرَهَانَاث؟"
 49 يِنَا-أَس وَمْحَارِيْنِي: "آ سِيْذِي، هُوَا-د أَكِذِي قَبْرَ مَا أَد يَمَث وَحَنْجِيْر يِنُو."
 50 يِنَا-أَس عِيْسَى: "رُوح، أَقَا مِيْش يِدْر."
 أَرِيَاز نِّي يُومَن زَكْ وَآوَاز نِّي إِي ذَاس يِنَا عِيْسَى أُوْشَا يِرُوح. 51 يَهُوَا-د نَتَا، مُسْرَقَان
 أَكِذَس يَخْدَامَن نَس نَان-أَس: "أَحْرُمُوش نَش يِدْر."
 52 يُسْقَسَا-ثَن يِنَا-أَسْن: "مَان تَسْعَات نِّي إِكْ يَكْتَفَا؟"
 نَان-أَس: "غَار لُوَاخْدَا ن يَضْنَاط أَكْ وَعَشِّي تِرُوح حَاس تَمْسِي إِي ذَائِس."
 53 رَحْدْنِيْت يُوْفَا بَابَاس قَا ذِي زُوْقْث نِّي إِي ذَاس يِنَا عِيْسَى مِيْش أَد يِدْر. يُومَن نَتَا ذ
 مَارَا أَيْتِيَاب ن ثَدَارْت نَس. 54 ذ ثَانِيْتَا ذ لَمُعْجِيْرَا وَيْس ثُنَائِن إِكْ يَكَا عِيْسَى زَكْ وَامِي
 إِي د يَفْغ زِي ثُمُورْت ن يَهُودِيَا غَار ثُمُورْت ن لَجَالِيل.

سِيْذِيْتَنغ عِيْسَى يَسْكَنْفَا يِج ن وَنَشْرُوف

5 ¹ مَنْبُعْد إِمَانَايَا يَكْعَد عِيْسَى غَار ثُنْدِيْت ن لُقْدَس ذَكْ يِج ن زَعِيْد ن أَيْت-إِسْرَائِيل.
² ذِي لُقْدَس زَاث إِي تَوَارْت وَحُوْرِي ذُنِّي طَارْف نَس يِج ن صَرِيْج قَارَن-أَس س وَآوَاز
 ن أَيْت-إِسْرَائِيل بِيْت حِسْدَا، غَارَس حَمْسَا ن يَسْقِيْفَن. ³ تَغِيْمَان ذُنِّي أَطَاس ن يِمَهْرَاش
 ذ يَضْرَعَارَن ذ يِرْحَافَن ذ يِنَشْرُوفَن، ج {تَرَاجَان أَمَان ن صَرِيْج أَد نَهْرَن}. ⁴ تَهُوَا-د يِج ن
 لَمَالَايْكَا ن أَرْبِي غَار صَرِيْج نِّي تَسْنَهْرَا أَمَان نَس. وَئِي غَا يَهُوَان ذ آمَزَوَاوُ ذَكْ وَامَان نِّي
 حَجِي تَهْرَان آتَاف أَث سَكْتَنفَان زِي زَهْرَاش نَس مَامَش مَا يَكَا. }

5 ذِئِّي يَج ن ومهزوش ثمنيا أو ثرائين يسكئوسا نئا يهزش . 6 يوفي-ث عيسى يزر ذئبي،
ئسن قا أطاس ن زوقث زك وامبي نئا يهزش . يئا-أس: "ما ثخذ أذ تئنفيد؟"

7 يئا-أس ومهزوش ئي: "آ سيذي، وار غاري وي ذايي غا يسرسن ذي صريج خمي
تنهزان وامان . نش مزمي ما رزوغ آذ هويع، تيزوران-آبي ينغني ."

8 يئا-أس عيسى: "كار، ائسي تسيضوت نش، وئور . 9 زخدئيت يئئفا ورياز ئي، يئسي
تسيضوت نس يئور . ذي نهان سبث ن لعبادا ائ يوقع مانايا ."

10 كارن يسرئيليين نان-أس ا وئي يئئفان: "نهان ذ نهان سبث ن لعبادا، وار غارك
بو زحق آذ تسيذ تسيضوت نش ."

11 يئا-أسن: "وئي ذايي يسئئفان يئا-آبي ائسي تسيضوت نش، وئور ."

12 نان-أس: "وي ذاش يئان ائسي تسيضوت نش، وئور؟"

13 أرياز ئي وار يسين شا مين يعنا وئي اي ث يسئئفان مينزي عيسى يودار ذي زغاشي
ئي .

14 منبعد ا مانايي عيسى يوقا وئي يئئفان آقا ذ ذي ثمزيدا تمقرانت ن آيث-اسرائيل
يئا-أس: "أقاش ئئنفيد، وار تئ بو زمعصيات عاوذ حما وار ذاش يتوقيع كتار زي مين
ئوغا ذابش ."

15 ئرؤح ورياز ئي يئا-أسن ا يسرئيليين قا ذ عيسى اي ذايي يسئئفان . 16 س مانايي
رؤون يسرئيليين آذ عدبن عيسى مينزي يتئ مانايا ذي نهان سبث ن لعبادا .

سيدئئغ عيسى يسئجام يوذان يتيش-أسن ئوذارت

17 يئا-أسن عيسى: "بابا يخدم زبدا، وؤزا ذ نش خدمغ أم نئا ."

18 س مانايا يسرئيليين رؤون كتار آث نغن . وار يدجي بو خ سباب ن نهان ن لعبادا أو
صافي، ولكن عاوذ خمي داسن بقار بلي أريي ذ باباس يتمسأوا يخف نس أك أريي .

19 يِنَّا-أَسْن عِيَسَى: "أَقَا تَسْرَام رَحَق": مِيس وَار يَزْمَر أَد يَكَّ شَان ثِمَسْرَايْت س يِيخَف نَس، غَيْر مِين يَزْرَ زِي بَابَاس أَقَا يِتَكِّي-ث. مِين مَا يِتَكَّ بَابَاس أَقَا يِتَكِّي-ث وَرَا ذ مِيس. 20 بَابَاس يِتَخَس مِيس، يِسْبِيَان-أَس مَارَا مِين يِتَكَّ. أَذَاس يِسْبِيَان رَحْدَايِم ثِمَقْرَانِين خ ثِمَسْرَايِين-أَحْمَا أَد تَعَجَّبِم! 21 مَامَش د يِسْنَكَّار بَابَاس يِنِّي يُمُوثَن يِتِيش-أَسْن تُودَارْت، وَرَا ذ مِيس يِتِيش-أَسْن تُودَارْت إِ يِنِّي يِخَس. 22 بَابَاس وَار يِتَحْسِيْب حَد، يُوْشَا-أَس لِحْسَاب مَارَا إِ مِيس 23 حَمَا مَارَا أَد كَرَمَن مِيس أَمَش تَكْرَمَن بَابَاس. وَنِّي وَار يِتَكْرِيْمَن شَا مِيس وَار يِتَكْرِيْمَن شَا وَرَا ذ بَابَاس إِ يِتِيْد يِسْكَن.

24 أَقَا تَسْرَام رَحَق: وَنِّي يِتَسْرَان إِ وَأَوَاز يِنُو يِتَامَن زَكَّ وَنِّي دَايِي د يِسْكَن، أَغَارَس ثِيْرِي تُودَارْتَن زَبْدَا وَار يِتِيْدَف شَا ذِي لَعِيْقَاب، نَتَا أَد يِمُوتِّي زِي زُمُوث غَار تُودَارْت. 25 أَقَا تَسْرَام رَحَق: أَد د تَاس زُوقْت أَقَا رَحُو تُوسَا-د، أَد سَرَن يِمْتِيْنن إِ صُوت ن مِيس ن أَرَبِي أُو يِنِّي دَاس غَا يِسْرَن أَد دَرَن. 26 أَم بَابَاس غَارَس تُودَارْتَن ذَكَّ يِيخَف نَس، أَمُو إِ دَاس يُوْشَا إِ مِيس أَغَارَس ثِيْرِي تُودَارْتَن ذَكَّ يِيخَف نَس. 27 يُوْشَا-أَس عَاوُذ جَهْد حَمَا أَد يِحَاسَب مِينْرِي نَتَا ذ مِيس ن بِنَادَم.

28-29 وَار تَعَجَّبِيْم شَا خ مَانَايَا، قَا أَد د تَاس زُوقْت دَايِس غَا سَرَن صُوت نَس مَارَا يِنِّي يِدْجَان ذَكَّ يِمَضْرَان نِشِي أَد د كَارَن. يِنِّي يِكِّيْن ثِمَسْرَايِين ثِصْبَحَانِين أَد رَاحَن غَار تُودَارْتَن. يِنِّي يِكِّيْن ثِمَسْرَايِين ثِعْفَانِين أَد د كَارَن أَد رَاحَن غَار لَعِيْقَاب. 30 نَش وَار زَمْرَغ أَد كَغَّ وَالُو زَكَّ يِيخَف يِنُو. مَامَش تَسْرِيغ، أَمُو تَحَاسَاغ. لِحْسَاب يِنُو ن رَحَق مِينْرِي نَش وَار رَزُوع شَا مِين خَسَغ. لَّا، رَزُوع مِين يِخَس وَنِّي إِ دَايِي-د يِسْكَن."

نِشَهْدَ أَرَبِي خ سِيْدِيْنِغ عِيَسَى

31 "مَعْلِيك شَهْدَغ إِ يِيخَف يِنُو، إِزِي شَهَادْت يِنُو وَار ثُدْجِي بُو نِيْشَان. 32 إِجَن نَغْنِيْت يِشَهْدَ خَافِي. نَش سَنَغ شَهَادْت إِ يِخَافِي يِشَهْدَ نَتَاث نِيْشَان إِ يِ ثُدْجَا.

33 کنيو نُسکَم غَارِ يَحْيَى، نَتَا يَشْهَدُ خَ لِحَقِيْقَا. 34 وَلَكِنْ نَش وَارِ حَذِيْجَعِ شَا شَهَادَتِ
 نَ بِنَادِم. قَارَغ-اومَ مَانَايَا حَمَا اَذْ تَنْجَم. 35 يَحْيَى يُوَسَا-دَ ذَ زَفَنَارِ يِرْقَانِ يَتَشْرِيقِن، كَنِيو
 تَحْسَم اَذْ تَفْرَحَم شَانَ زِيَامَ سَ نُورِ نَس. 36 وَلَكِنْ نَش غَارِي بِيَجَ نَ شَهَادَتِ ذَ تَمَقْرَانَتِ
 خَ نَتِي نَ يَحْيَى. مِيْنِ ذَايِي دَ يُوَسَا بَابَا اَتِيْدَ سَبَانَعِ، تِمَسْرَايِيْن-اَسَ بِيخَفَ نَسْتِ شَهْدَنْتِ
 خَافِي بَلِي يَسَكْ-ايِي-دَ بَابَا. 37 بَابَا ذَايِي دَ يَسَكَنْ ذَ نَتَا اِي ذَايِي يَشْهَدَنْ. كَنِيو عَمَارَصَ
 وَارِ تَسْرِيْمَ شَا صُوْتِ نَس، عَمَارَصَ وَارِ تَزْرِيْمَ شَا وُذْمِ نَس. 38 اَوَاژِ نَس وَارِ ذَايَوْمِ يَنْعِيْمِي
 شَا مِيْنَزِي وَنِي اِي تِيْدَ يَسَكَنْ وَارِ زَايَسِ تِيْمَنْمَ شَا. 39 تَرْزُومِ ذِي لَكْتُبِ كَنِيو تَغْيِر-اومَ
 ذَايَسِنِ تُوْدَارْتِ نَ زَبْدَا. اِيوَا وُزَا ذَ يِيْنَا شَهْدَنْ خَافِي. 40 وَخَا اَمْنِي كَنِيو وَارِ تَحْيِسَمِ اَغَارِي
 دَ تَاسَمِ حَمَا اَغَارُومِ تِيْزِي تُوْدَارْتِ.

41 وَارِ حَذِيْجَعِ شَا اَذَايِي سَمْعَارِنِ يُوْدَانِ. 42 سَنَعِ-كَنِيو بَلِي وَارِ ذَايَوْمِ بُو زَمْحِيْتِ نَ
 اَرْبِي. 43 نَش وُسِيْعِ-دَ ذَكِّ يِيْسَمِ نَ بَابَا، كَنِيو وَارِ ذَايِي تَقْبِيْرَمِ شَا. وَلَكِنْ، مَرَا يُوَسَا-دَ
 شَانَ يِيْجَنَ نَضْبِي غَارُومِ ذَكِّ يِيْسَمِ نَس نِيْتِ اَثَ تَقْبِيْرَمِ.
 44 مَامَشَ غَا تَكْمَ اَذَ تَامَنْمَ؟ اِيوَا كَنِيو تَحْسَمَ لَعْظَمَانَ وَايَاوَايَا، وَارِ تَرْزُومِ شَا خَ لَعْظَمَانَ
 اَرْبِي اَوْحَدَانِي. 45 وَارِ تَفَكَارَمِ شَا اَزَايَوْمِ شَتَشِيْغِ غَارِ بَابَا لَا. وَنِي اِي زَايَوْمِ غَا يَشْتَشَانَ نَتَا
 ذَ مَوْسَى وَنِي ذِي تَكْمِ لَامَالَ نَوْمِ. 46 مَعْلِيْكَ كَنِيو تُوْمَنْمَ ذِي مَوْسَى، اِزِي تُوْمَنْمَ ذَايِي
 وُزَا ذَ نَش مِيْنَزِي نَتَا يُوْرَا خَافِي. 47 مَرَا كَنِيو وَارِ تُوْمِيْنِ زِي مِيْنِ يُوْرَا، مَامَشَ غَا تَكْمَ اَذَ
 تَامَنْمَ ذَكِّ وَاوَاژِ يُو؟"

سِيْدِيْتِنَغِ عِيْسَى يِيْتِيْشِ اِ حَمْسَا اَرَاْفِ نَ يِرْيَاژِنِ اَذَ شَنِ

1 مَنْبَعْدِ اِ مَانَايَا يِرُوْحِ عِيْسَى اَذَ يِرُوَا زَبْحَارِ نَ لَجَالِيْلِ (قَارِن-اَسِ اِ زَبْحَارِ نِي طَبْرِيَا).
 2 ذَفَارِن-تِ اَطَّاسِ نَ يُوْدَانَ وَاْمِي زُرِيْنِ لُمُعْجِيْزَاتِ نِي وَاْمِي يَسَكَنْتَا يَمَهْرَاشِ. 3 تِكْعَدَ
 عِيْسَى غَارِ وَذَرَارِ، يَقِيْمِ اَكْ يَمْحَضَارِنِ نَس. 4 زَعِيْدَ اَمَقْرَانَ نَ اَيْتِ-اِسْرَائِيْلِ وَارِ دَاسِ يَقِيْمِ
 شَا اَذَ دَ يَاوَضِ. 5 يِيْسِي عِيْسَى تِيْطَاوِيْنِ نَس يُوْفَا زَغَاشِي كُوْرِن-دَ غَارَسِ، يِيْنَا-اَسِ اِ فِيلِيْپَاَسِ:

"مانيس د غا نَسغِ اَعْرُومِ باش اَداسن نُوْشِ اِ يِنَا اَذِ شَن؟" 6 نَقَار-اَس اُمُو حَمَا اَثِ يَجْرَبِ رَا حَقَّاشِ نَتَّا يَسِّنِ مِيْنِ غَا يَخْدَمِ.

7 يِنَا-اَس فيليپاس: "مَرَا نَسغ-د اَعْرُومِ سِ مِيَّاتَايِنِ نِ نِيَّاسِيْنِ نِ نَقَارَثِ، وَارِ يَتَقِدِّي وَرَا ذِ يِجِ نِ وَرْمُوْزِ اِ يِجِّنِ."

8 يِنَا-اَس يِجِّنِ زَكِّ يَمْحَضَارِنِ نَسِّ، نَتَّا ذِ اَنْدَرُوْسِ وَمَاسِ نِ سِمَعَانَ بَطْرُسِّ: 9 "اَقَا يِجِ وَحَنْجِيْرِ غَارَسِ خَمْسَا نِ نَخْبَازِيْنِ نِ يَمْنِدِي ذِ نَتَّايِنِ نِ يَسْرَمَانَ، وَلكِنِ مَانَايَا وَارِ دَاسِنِ يَتَقِدِّي شَا اِ رَغَاشِي-يَا."

10 يِنَا-اَسنِ عِيْسَى: "سَعِيْمِثِ يُوْدَانَ-اَ." اَمَشَانَ نِيْ مَانِي قِيْمِنِ ذِنِّي اَطَّاسِ نِ اَرْبِيْعِ اُوْ ذِنِّي شَانَ خَمْسَا اَرْافِ نِ يِرْيَازِنِ. 11 نِيْسِي-دِ عِيْسَى اَعْرُومِ نِيْ يَشْكُرْ اَرْبِيْ، يِفْرَق-يِثِ اِ يِنِيْ اِ يِ ذِنِّي يَقِيْمِنِ. اُمُو يِگَّا وَرَا اِ يَسْرَمَانَ، وَشِيْنِ-اَسنِ عِلَّاحَسَابِ مِيْنِ رَزُوْنِ.

12 وَامي جِيُوْنِ، يِنَا-اَسنِ اِ يَمْحَضَارِنِ نَسِّ: "جَمَعْتِ يِرْقُوْزِنِ نِيْ يِشْطَنِّ حَمَا وَارِ يَتْمَضِيْعِ وَالُو." 13 وَامي جَمَعِنِ، وَفِيْنِ ثَعَّاشِ نِ يَنْدُوْثِنِ شُوْرِنِ زَكِّ يِرْقُوْزِنِ نِيْ يِشْطَنِّ خِ يِنِيْ يَشِيْنِ زِي خَمْسَا نِ نَخْبَازِيْنِ نِ يَمْنِدِي نِيْ.

14 وَامي زُرِيْنِ لَمُعْجِيْزَا نِيْ اِ يِ يِگَّا، يُوْدَانَ نَّانِ قَا ذِ وَانِيْتَا ذِ نَبِيْ ذِ صَحِّ تُوْغَا دِ غَا يَاسِنِ اَذِ يِيْرِيْ ذِي دُوْنَشْتِ-اَ.

15 يَسِّنِ عِيْسَى بَلِيْ رَزُوْنِ اَثِ اَرَّانِ ذِ اَزْدَجِيْدِ سِ بَسِيْفِ. نِگَارِ يُوِيُوْرِ سَنِّي، نِذُوْرِ غَارِ يَذُوْرَارِ وَاحْدَسِ.

16 اَكِّ وَعَشِّي، هُوَانَ-دِ يَمْحَضَارِنِ نَسِّ غَارِ زَبْحَارِ. 17 نِيْسِيْنِ ذِي نَعْرَابُوْتِ رَاحِنِ اَذِ قَضَعِنِ زَبْحَارِ غَارِ نَنْدِيْنِ نِ كَفْرَنَاحُوْمِ. نُوْوِصِ-دِ دَجِيْرِثِ اُوْ عِيْسَى نَتَّا عَاذِ وَارِ غَارَسِنِ دِ يُوْسِي. 18 نِگَارِ-دِ اَكِيْدَسِنِ زَبْحَارِ، يَتَصُوْضِ اَرْيِحِ اَطَّاسِ. 19 وَامي نَشِيْ نُوْغَا وَيُوْرِنِ شَانَ خَمْسَا نِغِ سَتَّا كِيْلُوْمِيْتِرِ، زُرِيْنِ عِيْسَى يِكُوْرِ خِ يِضَارِنِ خِ وَامَانَ نِ زَبْحَارِ يَقْرَبِ-دِ غَارِ نَعْرَابُوْتِ، نَخْرَعِنِ سِ نِيْكُوْذِي.

20 يَنَّا-أَسْن: "وَار تَكُوذَم شَا قَا ذ نَش." 21 أَوْشَا قَبْرِن-ث س زَخَاَصَر نَسْن اَذ يَارِي ذِي نَعْرَابُوت. زَخْدَنِيَّت نَعْرَابُوت نُوُوص غَار زَبْر مَانِي تُوُوعَا كَيِّن اَذ رَاَحِن.

سِيذِيئَنغ عِيَسَى نَنَّا ذ اَعْرُوم ن تُوُودَارْت

22 تِيوُوشَا نَس، زُعَاَشِي نِي يَقِيْمِن اَجْمَاَض اِ زِبْحَار فُقْدَن بَلِي تُوُوعَا ذِنِي يِج ن نَعْرَابُوت وَاهَا وَا ر ت وُفِين شَا. نَبِيئِي شَنن عِيَسَى وَا ر يُوُورِي شَا ذِي نَعْرَابُوت نِي، اِمْحَصَارِن نَس وُيُورِن وَا حْدَسِن. 23 سَنِّي وُسِيْنت-يَد نَعْرُوبَا نَضِيئِي زِي نْتَدِيْنت ن طَبْرِيَا غَار وِمَشَان نِي مَانِي شِيْن اَعْرُوم نِي مَانِي يَشَكْر عِيَسَى اَرْبِي. 24 وَا مِي زُعَاَشِي نِي وَا ر زَرِيْن شَا عِيَسَى ذِنِي وُزَا ذ يَمْحَصَارِن نَس، نِيْن وُزَا ذ نَبِيئِي ذِي نَعْرُوبَا وُيُورِن سَنِّي رُوْحِن غَار كَفْرِنَا حُوم رُزُون خ عِيَسَى.

25 وَا مِي ث وُفِين غَار وِجْمَاَض-يْن اِ زِبْحَار نَان-اَس: "اَلْمُعَلِّم، مَزْمِي ذَا د تُوُوسِيذ دَانِيئَا؟" 26 يَنْدَق-د عِيَسَى يَنَّا-اَسْن: "اَقَا تَسْرَام زَحَق": كَنِيو تَرْزُوم خَافِي وَا ر يَدَجِي بُو وَا مِي تَرْزِيْم لُمُعْجِيْزَا ت، كَنِيو تَرْزُوم خَافِي وَا مِي نَشِيْم تَجْبِيُونَم اَعْرُوم. 27 وَا ر خَدْمَت شَا اِ زَمَكَلَا يَخْسَارِن، خَدْمَت اِ زَمَكَلَا يَنْعِيْمَان اِ تُوُودَارْت ن زَبْدَا. ذ تَا ذ زَمَكَلَا دَاوم غَا يُوُوش مِيْس ن بَنَادَم مِيْنَزِي وَا نِيئَا يَضْع-يْت اَرْبِي بَابَا س طَابَع نَس."

28 نَان-اَس: "مِيْن يَنْخَصَا اَنْكَّ حَمَا اَنْزَمْرَا نَخْدَم زَخْدَايْم ن اَرْبِي؟"

29 يَنَّا-اَسْن عِيَسَى، "ذ تَا ذ زَخْدَمَت ن اَرْبِي: اَذ تَا مَنَم زِي وِنِي اِي د يَسَكَّ نَنَّا."

30 نَان-اَس: "مَان لُمُعْجِيْزَا اِي غَا تَكْذَا ت نَزْر حَمَا اَزَايِك نَا مَن؟ مِيْن غَا تَكْذَا؟" 31 ذِي زَخْرَا زَجْدُود نَع شِيْن اَعْرُوم نِي وُ مِي قَارِن لَمْنَا مَامَش د يُوسَا ذِي لَكِتَاب: 'يُوشَا-اَسْن-د اَعْرُوم زَنگ وِجْنَا حَمَا اْت شَن'."

32 يَنَّا-اَسْن عِيَسَى: "اَقَا تَسْرَام زَحَق": وَا ر يَدَجِي بُو ذ مُوسَى اِي دَاوم يُوُوشِيْن اَعْرُوم زَنگ وِجْنَا. لَّا، ذ بَابَا اِي دَاوم يَتِيْشِن اَعْرُوم ن صَح زَنگ وِجْنَا. 33 مِيْنَزِي اَعْرُوم ن اَرْبِي نَنَّا ذ وِنِي اِي د يَهُوَان زَنگ وِجْنَا يَتِيْشِن تُوُودَارْت اِ دُوْنَشْت."

34 نآن-آس: "ایوا آ سیدی، وُش-انغ اغروم-أ ا زبدا.

35 یئا-آسن عیسی: "نش ذ اغروم ن تُودارث. ونی ای غاری د غا یاسن وار یتریزی
عمارص. ونی زایی غا یامنن وار ینفیدی عمارص. 36 ولکن نیغ-اوم: وَا تَریم-ای کنبو،
وار تیمنم شا. 37 مارا مین ذایی د بیتش بابا یئاس-د غاری. ونی ای د یئاسن غاری وار
ث سکو ییغ شا. 38 مینزی نش هویغ-د زک وچئا، وار یدجی شا اذ کُغ مین خُسغ
لا، هویغ-د اذ کُغ مین یخس ونی ای ذایی د یسکن. 39 مین یخس ونی ای ذایی د
یسکن؟ یخس بلی زی مارا مین ذایی یوشا وار ذایی یئودار وُزا ذ یجن، اثن د سکارغ
ذی نهار انگارو. 40 مین یخس بابا؟ یخس بلی کُر ونی یزین میس یومن زایس، اُغارس
ییزی تُودارث ن زبدا نش ائید سکارغ ذی نهار انگارو."

41 بذان یسرایلیین نی تششان زایس وای داسن یئا قا نش ذ اغروم ای د یهوان زک
وجئا. 42 نآن: "وانیتا، ما وار یدجی شا ذ عیسی ذ میس ن یوسف نغ؟ نشین نسن باباس
ذ یماس، مامش غا یینی قا نش هویغ-د زک وچئا؟"

43 یئا-آسن عیسی: "وار تششام شا جازاوم. 44 وار یزمر وُزا ذ یجن اذ د یاس غاری
الا مَرا س لِاذن ن بابا ای ذایی د یسکن، نش ائید سکارغ ذی نهار انگارو. 45 اُمُو
ای یورا یجن زی لانیئا: "مارا اذ زمدن زی اربی." مارا وُو ای س یسزین ا بابا اذ یزمد
زایس اتاف اغاری د یاس. 46 وار یدجی وُزا ذ یجن یزرا بابا الا ونی ای د یوسین زی
اربی، ذ نتا اِک یزین بابا. 47 اقا تسزما زحق: ونی ای غا یامنن اغارس ییزی تُودارث ن
زبدا. 48 نش ذ اغروم ن تُودارث. 49 زجدوذ نوم شین اغروم ن وجئا ذی زخرا، وَا اَمنی
موشن. 50 مین یعنا وغروم ای د یهوان زک وچئا باش ونی ای ث غا یئسن وار یئمتی شا؟
51 اقا ذ نش ذ اغروم یدرن ای د یهوان زک وچئا. مارا ونی غا یئسن زک وغروم-أ اذ یدر
ا زبدا. اغروم-أ ای تیشغ نش ذ دات یئو حما اذ تدر دُونشت-أ."

52 یسرایلیین نی منغن جراسن نآن: "مامش غا یگ وانیئا اذانغ یوش دات نس ات

نش؟"

53 يِنَا-أَسْنِ عَيْسَى: "أَقَا تَسْرَامَ رَحَق": مَرَا وَار تَشِيم شَا دَات ن مِيس ن بِنَادَم وَار تَسْسَم شَا يِدَامَن نَس، أَد تِيرِي وَار غَارُوم بُو تُودَارْت ذَك يِينخف نَوْم." 54 يِنَا-أَسْن: "وَنِي غَا يِشَن دَات يُونُ أَد يِسُو يِدَامَن يُونُ، أَعَارَس تِيرِي تُودَارْت إِ زَبْدَا نَش أَتِيد سَكَارَغ ذِي نَهَار أَنكَارُو. 55 مِينزِي دَات يُونُ ذ زَمَكَلَا ن صَح، يِدَامَن يُونُ ذ تِيسْسِي ن صَح. 56 مَارَا وَنِي غَا يِشَن دَات يُونُ أَد يِسُو يِدَامَن يُونُ، أَتَاف أَد يَقِيم ذَائِي نَش ذَائِس. 57 مَامَش إِ ذَائِي د يِسَك بَابَا يِدَرَن أُو نَش دَرغ زِي بَابَا، أَمْنِي وَنِي ذَائِي غَا يِشَن زَائِي إِ يِ غَا يِدَر. 58 صَافِي، ذ وَانِيَتَا ذ أَغْرُوم إِ يِ د يَهُوَان زَك وَجَنَّا. وَار يِدْجِي شَا أَم رَجْدُود نَوْم إِ يِ شِين أَغْرُوم نِي وَمِي قَارَن لَمَنَّا مَبْعَد مُوْتَن. لَّا، وَنِي غَا يِشَن زَك وَغْرُوم-أَ أَد يِدَر إِ زَبْدَا." 59 مَانَايَا يِنَا-ث عَيْسَى ذِي ثَمْرِيَدَا وَامِي تُوْغَا يِسْرَمَاذ ذِي نُنْدِينَت ن كَفْرَنَاخُوم.

أَوَارَن ن تُودَارْت ن زَبْدَا أَقَاتَن غَار سِيدِينَتَغ عَيْسَى

60 أَطَّاس زَك يِمَحْضَارَن نَس وَامِي سَزِين مَانَايِي نَّان قَا أَوَار-أَ يَقْسَح وَار يِدْجِي بُو وَي ث غَا يِقْبِرَن.

61 نِسْحَسَّ عَيْسَى ذِي زَحْضَار نَس قَا يِمَحْضَارَن نَس تَشْتَشَان يِنَا-أَسْن: "مَا س مَانَايَا إِ يِ زِي دَاوَم يِتَقَس زَحَا؟ 62 يِي مَرَا تَزْرِيم مِيس ن بِنَادَم يِتَوَارَف غَار مَانِي يَقِيم ذ أَمْرُو؟ 63 أَرُوح ن أَرْبِي ذ نَتَا يِسَدَرَن. مِين يِدْجَان ذ بِنَادَم وَار يِنْفَع إِ وَالُو. أَوَارَن إِ يِ دَاوَم نِيغ، ذَائِسَن أَرُوح ذ تُودَارْت. 64 وَلَكِن دَائِيوم يِنِي وَار يِتِيمَن شَا." مِينزِي عَيْسَى يِسَن زَك وَمَزُورُو يِنِي ذَائِسَن وَار يِتِيمَن شَا ذ وَنِي إِ يِ ث غَا يِرْزَن. 65 يِنَا-أَسْن: "س مَانَايَا نِيغ-أوم: وَار يِرْمَرُورَا ذ يِجَن أَد د يَاس غَارِي إِ لَّا مَرَا س لِأَذَن ن بَابَا." 66 زِي زُوقْت نِي سَمْحَن ذَائِس أَطَّاس ن يِمَحْضَارَن نَس، وَار كِيس قِيمَن شَا كُورَن أَكِدَس.

67 نِدَق-د عَيْسَى يِنَا-أَسْن إِ ثَعَاش ن أَرْمَل إِ يِ كِيس يِدْجَان: "مَا وَرَا ذ كَنِيو ثَخْسَم أَذَائِي تَسْمَحْم؟"

68 يَتَا-أَس سِمَعَانَ بَطْرُس: "آ سِيدِي، مِين يِعْنَا وَنِي مَانِي غَا نَرَاخ؟ شَك غَارَك أَوَارَن ن تُودَارْتَن زِيدَا. 69 قَا نَشِين نُومَن، نَسَن قَا شَك ذ عَظِيم ن أَرَبِي." 70 يَتَا-أَسَن عِيَسَى: "نَش إِي كَنِيو يَخْصَارَن س نَعَاش إِدُوم، وَلَكِن يَجَن زَانُوم ذ إِبْرِيَس." 71 مَانَايَا يِقَار-يِث خ يَهُودَا مِيَس ن سِمَعَانَ إِسْخَرِيُوطِي لِأَنَّا ذ وَانِيَتَا إِيِث غَا يَزَنزَن أُو نَتَا ذ يَجَن زِي نَعَاش ن أَرْسُل.

سِيدِيَتْنَع عِيَسَى يَتَغَادَس نُنُوفَرَا غَار نُنْدِينَت ن لُقُدَس

7 1 مُنْبَعْد إِ مَانَايَا عِيَسَى يَكُور زَكْ وَمَشَان غَار وَمَشَان ذِي ثُمُورْتَن ن لَجَالِيل. يُتَبَعَاد زِي ثُمُورْتَن ن يَهُودِيَا مِينَزِي يِسْرَائِيلِيَن نِي رَزُون خَاس أَث نَعَن. 2 يُقَرَّب-د يَجَن ن زَعِيدَن ن أَيِث-إِسْرَائِيل وَمِي قَارَن 'نُونَوَارِين'. 3 نَان-أَس أَيِثْمَاس زَكْ يِمَاس: ح "وُيُور سَانِيَتَا، رُوح غَار ثُمُورْتَن ن يَهُودِيَا حَمَا وَزَا ذ يَمَحْضَارَن نَش أَذ زَرَن مَان رَحْدَايِم إِيِث تَخْدَمْد. 4 وَار يَدَجِي حَدَّ يَخْدَم شَان ثَمَسْرَايِث س نُنُوفَرَا مَرَا يِرْزُو أَث سَنَن. مَرَا تَكْذَث مِسْرَايِين-أ، سِظْهَار-د يَخْف نَش إِ دُونَشْت." 5 أَيِثْمَاس س يَخْف نَسَن وَار وَمِينَن شَا زِي عِيَسَى. 6 يَتَا-أَسَن عِيَسَى: "زُوقْت يُو غَاد وَار د تُوَوِيض حَمَا أَذ رَاخَع، وَلَكِن كَنِيو أَذ تَرَاخَم ذِي أَيِث زُوقْت. 7 دُونَشْت وَار تَرَمَّر أَكَنِيو تَعِيَفْت، نَش تَعِيَفَا-أَيِث دُونَشْت مِينَزِي شَهْدَغ قَا رَحْدَايِم ن دُونَشْت-أ ذ تَعِفَانِين. 8 كَعْدَث كَنِيو غَار زَعِيدَن، نَش وَار تَكْعِيدَغ شَا غَار زَعِيدَن-أ مِينَزِي زُوقْت يُو غَاد وَار د تُوَوِيض." 9 وَامِي ذَاسَن يَتَا أَوَار-أَ يَقِيم ذِي ثُمُورْتَن ن لَجَالِيل.

10 وَلَكِن وَامِي كَعْدَن أَيِثْمَاس غَار زَعِيدَن، مُنْبَعْد يَكْعَد وَزَا ذ نَتَا. يَكَا أَخَمِي يُونُوفَرَا، وَار د يَسْظْهَار شَا يَخْف نَس.

11 رَزُون خَاس يِسْرَائِيلِيَن ذِي زَعِيدَن نَان مَانِيَس يَكَا وَرِيَاز نِي؟ 12 أَطَّاس إِث يَتُوشُويَشَن زِي زُغَاشِي خَاس قَارَن نَتَا ذ أَرِيَازَن لَخِير. وَلَكِن يَنْضَنِي زَايَسَن قَارَن لَّا، إِسْخَرِيُق خَانَع

وَأَهَا. 13 وَلَكِنْ وُزِّرَا ذِي جَعْنٍ وَارْحَاسٍ سَيِّوْرٍ سَجَّهْدٍ سِ تَيْكُوْدِي زَكِّ يَمْقَرَانِ نِي ن
أَيْث-إِسْرَائِيلِ .

14 وَأَمِي يَغْدُو وَزَيْنَ زِي زَعِيدٍ، يُكْعَدُ عَيْسَى غَارَ ثَمَزِيدَا ثَمَقْرَانَتِ نَ أَيْث-إِسْرَائِيلِ يَسْرَمَادَ
ذِنِّي. 15 يَسْرَائِيلِيَيْنِ ذَهْشَن نَّان: "مَامَشْ يَكَّا نَتَّا يَسْن مِين دَائِسَن ذِي لُكْتَبْ أُو نَتَّا وَار
يَغْرِي شَا؟"

16 يِنَّا-أَسْن عَيْسَى: "مِين سَرَمَادِغ وَار يَدَجِي بُو يِنُو، أَرَمَاد-أَن وَنِي إِي دَائِي دِ يَسْكَن.
17 وَنِي يَخْسَن أَدِ يَكَّ زِي مِين يَخْسَ أَرَبِي آتَافَ أَدِ يَسْن أَرَمَاد-أُ يِنُو مَا زَائِي نَغِ زِي أَرَبِي.
18 وَنِي يَسَاوَاژَن زِي غَارَس يِرْزُو لَعْظَمَا إِي يَخْفَ نَس. وَنِي يِرْزُون لَعْظَمَا نَ وَنِي إِي ثِيذ
يَسْكَن، قَا نَتَّا دَائِسَ لَحَقِيْقَا وَار دَائِسَ بُو زَغَشْ. 19 ذُو مُوسَى إِي دَاوَمَ يُوْشِين شَرِيْعَا، نَغِ؟
وَلَكِنْ وُزِّرَا ذِي جَعْنٍ زَايَوْمَ مَا يَتَكَّ زِي شَرِيْعَا نِي. إِيوَا، مَايِي تَخْسَمَ أَدَائِي نَغْم؟"

20 نَّان-أَس زُغَاشِي: "مَا ذَايَك جُنُونُ شَكِ نَغِ؟ وَوُ يِرْزُونُ أَش نَغِ؟"

21 يِنَّا-أَسْن عَيْسَى: "كَيْفَ لَمُعْجِزَا، ثَذَهْشَمَ كَنِيو مَارَا. 22 شُوفْ، يَجَا-أَوْم-دِ مُوسَى
طَهَّارْتِ أُو طَهَّارْتِ-أُ وَار نُدَجِي بُو زِي مُوسَى لَّا، زِي سَلَّافِ صَالِحِيْنَ. خَ مَا نَايَا كَنِيو
وَإَحَا ذِي نَهَارِن سَبْتِ نَ لِعِبَادَا تَطَهَّارَمَ إِي يَحْرَمُوشِن. 23 مَرَا تَسْمَحَمَ يَحْرَمُوشِنَ أَدِ طَهَّارِن
ذِي نَهَارِن لِعِبَادَا حَمَا وَار تَخِيلِيْفَمَ شَا شَرِيْعَا نَ مُوسَى، مَا تَعَصَّابَمَ خَافِي وَامِي سَكْتَفِيغِ
يَجِ نَ بِنَادَمَ قَاعِ ذِي نَهَارِن لِعِبَادَا؟ 24 إِيوَا، وَار تَحَاسَبَاتِ شَا خَافِي أُمُو وَهَا، حَاسَبَاتِ
سَ زَحَقَّ."

سِيذِيْتَنَغِ عَيْسَى يَشْرَاحَ مَانِيْسَ نَتَّا ذِ مَانِي غَا يِرَاحِ

25 زَبْعَاضِ زِي ثَنْدِيْنَتِ نَ لُقُدْسِ نَّان، ذِ وَانِيْتَا يَمْكَنُ إِي يِرْزُونُ أَثَ نَغْنِ نَغِ لَّا؟ 26 إِيوَا
خَزَارْتِ، يَسَاوَاژِ بَرَا مَا أَدِ يَسْنُوْفَرَّ يَخْفَ نَس، وَار دَاسَ قَارِنَ وَالُو. يَمْكَنُ شَنَنَ أَرُوْيَاسَ بَلِي
ذِ وَانِيْتَا يَدَجَانِ ذِ لَمْسِيْحِ؟ 27 وَلَكِنْ خَمِي دِ غَا يَاسَ لَمْسِيْحِ وُزِّرَا ذِي جَعْنٍ وَار يَتَسْنَ مَانِيْسَ
نَتَّا. وَانِيْتَا لَّا، نَشِينِ نَسْنِ مَانِيْسَ نَتَّا.

28 ئِكَّارِ عَيْسَى يَتَخَطَّابَ س جَهْدِ ذِي تَمْزِيدًا تَمَقْرَأْتِ ن أَيَثِ إِسْرَائِيلِ يَسْرَمَاد-بِشِن
يَقَّار-أَسْن: "مَا ذ صَحَّ ثَسْنَم-أَيِي مَانِيَس نَش نِغ مِين عَنِغ؟ وَار دُ وُسِيغ شَا س يِيخَف يُو
لَا. وَنِّي ذَابِي د يِسْكَن غَارَس لِحَقِيقًا! كَنِيو وَار ث ثَسِينِم شَا. 29 نَش سَنَغ-ث مِينَزِي
نَش زَايس أُو ذ نَتَا إِي ذَابِي د يِسْكَن. " 30 رَحْدَنِيَت رَزُونِ أَث طَفْن، وَلكِن وَار حَاس
يِسْرَس فُوس حَدَّ زَايسِن مِينَزِي زَوْقَت نَس عَاذ وَار د تُوويِض.

31 إِنَّمَا أَطَّاس زِي زَعَّاشِي نِي وَنَمْن زَايس. نَّان: "مَا د يَاس عَاذ شَا ن لَمَسِيحِ أَذ يَكَّ
لَمُعْجِزَاتِ كَنَّارِ زِي ثِينَا يَتَكَّ وَانِيَتَا؟"

32 أَرِين-د رَحْبَارِ يَفْرِيَسِينِ بَلِّي زَعَّاشِي تَوْشُوِشِن حَاس خِ تَمَسْرَايِنِ نِي. أُوْشَا كَّارِن
أَرُوِيَاس ن زُفَّاهَا ذ يَفْرِيَسِينِ سَكَّن يِعَسَّاسِن بَاش أَث طَفْن.

33 يِنَّا عَيْسَى: "نَش أَكُوم قِيَمِغ ذِرُوسْت ن زَوْقَت، سَنِي أَذ عَقْبِغ غَارِ وَنِي ذَابِي د
يِسْكَن. 34 أَحَافِي نَزْرُومِ وَار ذَابِي تِيَفَم شَا. وَار تَرَمَّرَمِ أَذ د تَاسَم مَانِي غَا يِرِيغ نَش."

35 مَسْفَسَانِ بِيَسْرَائِيلِيِنِ جَارَاسِن نَّان: "مَانِي غَا يِرَاحِ وَانِيَتَا وَار ث نِيَتِيفِ شَا؟ مَا أَذ يِرَاحِ
غَارِ بِيَسْرَائِيلِيِنِ إِي يَتْمَزْدَجَاعِنِ ذِي تُمُورَا ن يِيُونَانِيِنِ بَاش أَذ يِسْرَمَدِ يِيُونَانِيِنِ؟ 36 مِينِ
يِيخَسِ أَذ يِنِي وَاوَزَا-أَ إِكَّ يِنَّا؟ يِعْنِي "أَحَافِي نَزْرُومِ وَار ذَابِي تِيَفَم شَا. وَار تَرَمَّرَمِ أَذ د تَاسَم
مَانِي غَا يِرِيغ نَش."

سِيذِيَتِنِغِ عَيْسَى نَتَا ذ لَمَسِيحِ

37 ذِي نَهَارِ أَنْكَارُوِ امَقْرَانِ زِي زَعِيدِ نِي، ئِكَّارِ بِيَدِّ عَيْسَى يَتَخَطَّابَ س جَهْدِ يِنَّا: "مَرَا
يُفُودَ حَدَّ، نِيخَصَّصَا نَتَا أَذ د يَاسِ غَارِي أَذ يَسُو. 38 مَامَش يِنَّا لِكِتَابِ خِ وَنِي زَابِي غَا يَامْنِن:
أَزَايسِ أَرَزْنِ يِعْزَرَانِ نِ وَامَانِ يَسَدَّرِن. " 39 مَانَايَا يِنَّا-ثِ خِ أَرُوحِ يِقْدُسِنِ إِيِ غَا يِقْبُرِنِ يِنِي
زَايسِ يُوْمْنِن. أَرُوحِ يِقْدُسِنِ عَاذِ وَار ثِيذِ يُوْشِي شَا مِينَزِي عَيْسَى عَاذِ وَار يِتَوَارَفِعِ شَا.

40 سَرِينِ زَبْعَاضِ نِ زَعَّاشِي إِ وَاوَزَانِ نِ عَيْسَى نَّان: "ذِ وَانِيَتَا ذِ صَحَّ ذِ نِي إِيِ قَارِنِ أَذِ
دِ يَاسِ."

41 يَنْصَنِي نَّان: "نَنَا ذ لَمْسِيح."

وَلَكِنْ زَبْعَاض زَايسَن نَّان: "مَا آذ د يَاس لَمْسِيح زِي ثُمُورْت ن لَجَالِيل؟" 42 يَنَا لَكِتَاب
اَقَا لَمْسِيح آذ د يَاس زِي دُورِيْت ن دَاود، يَعْنِي زِي نَبِيْت لَحْم زِي دَشَار مَانيس د يُونَا
دَاود."

43 خ مَانَايَا يُوَقِع لَخَلَاْف جَار زَغَاشِي نِّي ذِي سَبَاب نَس. 44 زَبْعَاض رَزُون آت طَفُن،
وَلَكِنْ وَاَر خَاس يَسْرَس فُوس حَدَّ زَايسَن.

45 عَقْبَن-د يَعْسَاسَن غَار يَفْرِيْسِيْن ذِ اَرُوِيَاس ن زَفُوْفَهَا. سِيُوْرَن اَك يَعْسَاسَن نِي نَّان-اَسَن:
"مَائِي وَاَر نِيْد تُوُوِيْم؟"

46 نَّان-اَسَن يَعْسَاسَن: "عَمَارْص وَاَر يَسِيُوْر شَان ن بَنَادْم اَمَش يَسَاوَاز وِرْيَاز-أ!"

47 نَّان-اَسَن يَفْرِيْسِيْن اِ يَعْسَاسَن: "مَا تُوْخَذَعْم وُزَا ذ كَنِيُو زَايسَن؟" 48 مَا تُوْفِيْم شَان يِجَن
زِي اَرُوِيَاس نِغ ذ يَفْرِيْسِيْن يُوْمَن زَايسَن؟ 49 يَاك زَغَاشِي نِّي وَاَر سِيْنَن شَا شَرِيْعَا ن مُوْسَى،
يِيِّي اَقَايِن مَنَعُوْرِيْن اِي دَجَان."

50 نِيْكَار يِجَن زِي اَرُوِيَاس-أ، نَنَا تُوْغَاث قَبِر يِرُوْح غَار عِيْسَى قَارَن-اَس نِيْكَوْدِيْم، يَنَا-اَسَن:

51 "مَا شَرِيْعَا نِغ ثَحْكَم خ يِج ن بَنَادْم قَبِر مَا ت تَزْر نِغ اَنْسَن مِيْن يِتْكَ؟"

52 نَّان-اَسَن: "مَا شَك عَاوَد زِي صَحَاب ن لَجَالِيل؟ اَرزُو ذِي لَكْتَب خَزْر، وُزَا ذ يِجَن

ن نَبِي وَاَر د يُوْسِي شَا زِي ثُمُورْت ن لَجَالِيل."

{سِيْدِيْنِغ عِيْسَى يَسْمَح اِ يِج ن ثَمْعَارْت نِغ اَبْرِيْد 53:7 - 11:8}

53 سَنِّي يِرُوْح كُز يِج غَار ثَدَارْت نَس. 1 وَلَكِنْ عِيْسَى يُوْرِي غَار وَذَرَار ن زِيْتُون.

2 أَكِي صَبَاح زِيْش يِدُوْر-د عَاوَد غَار ثَمَزِيْدَا ثَمَقْرَانْت ن اَيْت-اِسْرَائِيل. وُسِيْن-د غَارَس

زَغَاشِي مَارَا، نِّيْم يَسْرَمَاذ-يْتَن. 3 مَنْبَعْد يَمَسْرَمَاذَن ن شَرِيْعَا وُزَا ذ يَفْرِيْسِيْن وُويْن-اَس-د يِج

ن ثَمْعَارْت وُفِيْن-ت تُخَدَع اَرِيَاز نَس، سَبِدَن-ت زَانَسَن. 4 نَّان-اَس اِ عِيْسَى: "آ لَمْعَلْم،

ثَمْعَارْت-أ وُفِيْن-ت تُخَدَع اَرِيَاز نَس. 5 يُوَصَّا-اَنْغ مُوْسَى ذِي شَرِيْعَا يَنَا-اَنْغ قَا اَمَشْتَاو ثَانِيْتَا

8

آت نرجم س وزرو. ئي شك، مین غا ئینید؟" 6 نان-آس نثی مانایا تجرابن-ث حما آت تهمن.

ئکار عیسی بهوا غار ئمورث بیذا یتاری ذک و ساز س وفوس نس. 7 وای نثی قیمن امئی تسقسان-ث، ئید ینا-آسن: "ونئی یدجان زایوم عمارص وار یعیسی آت یووث س وزرو نتا ذ امزوارو." 8 زخدئیت بهوا عاوذ غار ئمورث یتاری ذک و ساز. 9 وای سزین ا واولا-أ بدان وکورن ئج-یح، یوسورا ذ یمزوروا. ئقیم عیسی واحذس نتا ذ تمعارث نی ئبد زآس. 10 ئید عیسی ینا-آس: "آ تمعارث، مانی دجان؟ ما وار خام یحکیم حد؟" 11 نتا-آس نتات: "واه، آ سیدی."

ینا-آس عیسی: "ؤزا ذ نش وار خام حکمغ شا. روح، زی سنا آر ئساونت وار تاذاف شا ذی زمعصیث."

سیدیئغ عیسی نتا ذ نور ن دؤنشت

12 ئسیوز غارسن عاوذ عیسی ینا-آسن: "نش ذ نور ن دؤنشت. ونئی ذایی غا یدفان عمارص آذ یویور ذی ئادجست، اغارس ییزی نور ن ئودارث." 13 نان-آس یقریسیین: "شک ئشهذخ ییخف نش، شهاذث نش وار ئدجی شا ذ صَح."

14 یندق-د عیسی ینا-آسن: "لا، وَاخا نش شهذغ خ ییخف یئو، شهاذث یئو نیشان مینزی نش شنغ مانیس ای د وُسیغ ذ مانی غا راحغ. وَلکِن کئیو وار ئسینم شا مانیس د وُسیغ نغ مانی غا راحغ. 15 کئیو ئحاسابم یجن س زَعقر وَاها، نش وار ئحیسیغ وُزا ذ یجن. 16 او نش مرآ حاسغ، لِحساب یئو نیشان راحقاش وار ئحیسیغ شا وَاخذی، نئحاساب نش ذ بابا ای ذایی د یسکن. 17 ئورا ذی شریعا نوم س ییخف نس بلی شهاذث ن ئناین ن زشهوذ نیشان. 18 نش شهذغ خ ییخف یئو، او عاوذ بابا ای ذایی د یسکن یشهذ خافی."

19 نآن-آس: "مانې يدجا باباش؟"

ینا-آسن عیسی: "کنیو وار ذایې شینم، وار شینم وُزا د بابا. مَعْلِیک ذایې شتم اذ تیرې شتم وُزا د بابا." 20 ینا آواز-أ ذې تمزیدا تمقرانت نس مانی جمعن صدقا، یسرماذ ذنی. وار ث یطیف زا د یجن مینزې زوقث نس عاذ وار د توویض.

سیدینغ عیسی نتا زک وجنا

21 ینا-آسن عاوذ عیسی: "نش اذ وُیورغ کنیو آخافي تروم، ذې زمعصیث نوم اذ تمثم.

مانې نش غا راحغ، کنیو وار ترمم شا اذ د تاسم ذنی."

22 نآن یسرائیلیین نی: "نتا ینا قا مانی غا راحغ نش، کنیو وار ترمم شا اذ د تاسم ذنی. ما اذ یبغ یخف نس نغ؟"

23 ینا-آسن عیسی: "کنیو زک وادای یغنی زی تمورث، نش زک وجنا. کنیو زی

دُونشت-أ، نش وار دجیغ شا زی دُونشت-أ. 24 نیغ-اوم اذ تمثم ذی زمعصیث نوم. اذ تمثم ذی زمعصیث نوم مزا کنیو وار تومینم شا بلی ذ نش اځ یدجان."

25 نآن-آس: "مین تعیند؟"

ینا-اسن عیسی: "نش ذ وئی میخف داوم ساوازغ زک ومزوارو. 26 غاری اطاس ن

واوان زمرغ اداوم شن ینیغ، زایسن ای غا حکمغ خام. وئی ذایې د یسکن نتا ذایس لَحَقِيقًا. مین سزِیغ زایس قارغ-ث ا دُونشت. 27 وار فهیمن شا بلی نتا یساواز-آسن خ باباس.

28 خ مانایا ینا-اسن عیسی: "أخمي غا شبدم میس ن بنادم ذک وجنا، اذ تشم بلی

ذ نش اځ یدجان. وار تکغ شا زی غاری. لا، نش ساوازغ خ مامش ذایې یسرماذ بابا.

29 وئی ذایې د یسکن آفات اکذی وار ذایې یجی بو واحذی مینزې نش خدمغ زبدا مین

ذاس یتعجین. 30 وامی ینا نتا مانایا، وُمنن زایس اطاس ن یوذان.

سِیدِیْنِغِ عِیْسَى یَمْعَارِخِ سِیدِیْنِغِ بَرَاهِیْمِ

31 یَنَّا-آسَن عِیْسَى اِ یِسْرَائِیْلِیْنِ یَنْبِی زَآیْسِ یُؤْمِنُن: "مَرَا ثَقِیْمَ ذَكِّ وَآوَاژِ یُنُو، اَذ تِیْرِیْمِ ذِ صَحِّحِ ذِ یَمْحَضَارِنِ یُنُو. 32 اَذ تَسْنَمِ لِحَقِیْقَا، اَوْ لِحَقِیْقَا اَذَاوَمِ دِ تَضْرُقِ اَذِ تِیْرِیْمِ حُرِّ." "

33 نَّان-آس: "نَشِیْنِ زِی دُورِیْتِ نِ بَرَاهِیْمِ، عَمَّارِصِ وَارِ نَدَجِیِ ذِ یَسْمَعَانَ اِ حَدْ. مَایْمِیِ ذَانِغِ ثَنِیْدِ اَذِ تَوَاضِرْقَمِ اَذِ تِیْرِیْمِ حُرِّ؟"

34 یَنَّا-آسَن عِیْسَى: "اَقَا تَسْرَامِ رَحَقِّ: مَارَا وَنِیِ یِتَكَنَّ زُمْعَصِیْتِ نَتَّا ذِ یَسْمَعِ، بَابِ نَسِّ ذِ زُمْعَصِیْتِ. 35 یُسْمَعِ وَارِ غَارِصِ بُوِ وَمَشَانَ اَكْثِ لَعِیْلَا نِ نَدَارْتِ اِ زَبْدَا، وَلَكِنِ مَمِیْشِنِ وَاهِ غَارِصِ اَمَشَانَ نَسِّ اِ زَبْدَا. 36 مَرَا یَضْرُقِ-اَوْمِ مِیْسِ یُوشَا-اَوْمِ لُحْرِیَا، اَغَارُومِ تِیْرِیِ ذِ صَحِّحِ لُحْرِیَا. 37 نَشِ سَنِغِ قَا كَنْیُو ذِ دُورِیْتِ نِ بَرَاهِیْمِ. اِنَّمَا كَنْیُو ثَرْزُومِ اَذَايِیِ ثَنْغَمِ مِیْنِزِیِ اَوْآژِ یُنُو وَارِثِ ثَقْبِیْرِمِ شَا. 38 نَشِ سَاوَاژِغِ سِ مِیْنِ زُرِیْغِ غَارِ بَابَا. رَا ذِ كَنْیُو تَكَمِّ سِ مِیْنِ ثَسْرِیْمِ زِیِ بَابَاثُومِ."

39 اَرِیْنِ حَاسِ نَّان-آس: "بَابَاثَنْغِ ذِ بَرَاهِیْمِ."

یَنَّا-آسَن عِیْسَى: "لَا، مَعْلِیْكَ كَنْیُو ذِ دُورْتِ نِ بَرَاهِیْمِ، اِزِیِ قَا ثُخْدَمِ رَحْدَايِمِ نَسِّ. 40 خَزْر، نَشِ ذِ یِجِ نِ بِنَاذِمِ سِیُورِغِ اَكْذُومِ سِ لِحَقِیْقَا زِیِ مِیْنِ سَرْیِغِ زِیِ اَرِیِیِ. رُخُو كَنْیُو ثَرْزُومِ اَذَايِیِ ثَنْغَمِ، مَایْمِیِ؟ بَرَاهِیْمِ عَمَّارِصِ مَا یَكَّا اَمُو. 41 لَا، كَنْیُو ثُخْدَمِ رَحْدَايِمِ نِ بَابَاثُومِ."

نَّان-آس: "نَشِیْنِ وَارِ دِ نَحْزِیْقِ شَا زِیِ لُفْسَادِ. غَارَنْغِ یِجِ نِ بَابَاثَنْغِ نَتَّا ذِ اَرِیِیِ." "

42 یَنَّا-آسَن عِیْسَى: "لَا، مَعْلِیْكَ بَابَاثُومِ ذِ اَرِیِیِ، اَتَاْفِ تَحِیْمِ-اَبِیِ مِیْنِزِیِ نَشِ فَعْغِ-دِ زِیِ اَرِیِیِ وَسِیْغِ-دِ. وَارِ دِ وَسِیْغِ شَا زَكِّ یِیْحَفِ یُنُو لَا، ذِ بَابَا اِیِ ذَايِیِ دِ یِسْكَنَّ. 43 مَایْمِیِ وَارِ ثَفْهِیْمِ شَا اِ مِیْنِ ذَاوَمِ قَارِغِ؟ رَا حَقَّاشِ وَارِ ثَرْمَارْمِ شَا اَذِ ثَقْبِیْرِمِ اَوْآژِ یُنُو. 44 بَابَاثُومِ ذِ اِیْرِیْسِ، ثَرْزُومِ اَذِ تَذْفَارْمِ مِیْنِ یِخَسِ نَتَّا. زَكِّ وَمَزُورُو نَتَّا یِنَقِّ یُودَانَ. وَارِ غَارِصِ شَا لَعْلَا قَا اَكْذِ لِحَقِیْقَا مِیْنِزِیِ نَتَّا وَارِ ذَايْسِ بُوِ لِحَقِیْقَا. مَرْمِیِ مَا یِسْحَرَقِّ، اَتَاْفِ یِسَاوَاژِ زِیِ مِیْنِ

ذَاس مِينزِي نَتَا ذ بُو-يخريقين، ذ بابانسن ن يخريقين. 45 نش قَارغ زَحَقَّ س مَانَايِّي كَنِيو
وَار ذَايِي تِيْمَنم شَا. 46 مِين يَعْنَا وْنِي يَزْمَرَن زَائِيوم اَذَايِي يَطْف زُمُعْصِيْث؟ مَرَا قَارغ زَحَقَّ،
مَامِي وَاَر ذَايِي تِيْمَنم شَا؟ 47 وْنِي يَدْجَان ن اَرِّي اَتَا ف نَتَا يَتْسَرَا اِ وَاَوَازن ن اَرِّي. كَنِيو
وَار تَسْرِيْم شَا مِينزِي كَنِيو وَاَر ثُدْجِيْم شَا ن اَرِّي."

48 نَان-اَس يِسْرَائِيْلِيْن نِي: "عَارَنغ زَحَقَّ نِغ لَّا مَرَا نَتَا شِك زِي سَمَارِيَا، ذَايِك جُنُون؟"

49 يِنَا-اَسْن عِيْسَى: "نش وَاَر ذَايِي بُو جُنُون تَوَقَّارغ بابَا، كَنِيو تَحْكَارْم-اَيِي. 50 نش وَاَر
رُزُوغ شَا لَعْظَمَا اِ يِيخْف يُوو. ذَنِي وْنِي ذَايِي ت يِرْزُون اُو نَتَا ذ وْنِي يَحْكَمَن. 51 اَقَا تَسْرَام
زَحَقَّ: وْنِي يِتْكَن اَرَاي اِ وَاَوَاز يُوو اَتَا ف وَاَر يِتُوِيْرِي زَمُوْث عَمَّاْرَص."

52 نَان-اَس يِسْرَائِيْلِيْن: "رُخُو نَسْن بَلِي شِك ذَايِك جُنُون. سِيْدْنَا بَرَاهِيْم ذ لَانْبِيَا مَارَا
مُوثَن. شِك ثَقَارذ مَرَا شَان يِجَن اَذ يِگَّ اَرَاي اِ وَاَوَاز يُوو عَمَّاْرَص اَذ يِقَّاس زَمُوْث. 53 مَا
شِك كَنَار زِي جَدِيْشَغ بَرَاهِيْم ذ لَانْبِيَا نِي يُمُوْثَن؟ مِين نُحْسَبْد يِيخْف نَش؟"

54 يِنَا-اَسْن عِيْسَى: "نش مَرَا سَمْعَارغ يِيخْف يُوو، اَتَا ف لَعْظَمَا يُوو وَاَر ثُدْجِي ذ وَاَلُو.
ذ بَابَا اَيِي ذَايِي يِسْمَعَارَن، ذ وْنِي اَيِي ثَقَارْم قَا ذ اَرِّي نَغ. 55 كَنِيو وَاَر ث تَسِيْنَم شَا،
نش سَنَغ-ث. مَرَا نِيْغ وُزَا ذ نش وَاَر ث سِيْنغ، اَذ يِرِيْغ اَم كَنِيو ذ بُو-يخريقين. وَاَلَكِن نش
سَنَغ-ث، تَكْغ اَرَاي اِ وَاَوَاز نَس. 56 جَدِيْثُوْم بَرَاهِيْم يِفْرَح اَطَّاس عَلَّاْحَسَاب خَمِي غَا يِرْز
نَهَار يُوو، وَاَمِي ث يِرْزَا يِفْرَح."

57 نَان-اَس يِسْرَائِيْلِيْن نِي: "عَاذ وَاَر غَارْكَ بُو خَمْسِيْن يِسْكُوْوسَا، مَامَش ثَكِيْد ثُرِيْد

بَرَاهِيْم نِي؟"

58 نِيْدَق-د عِيْسَى يِنَا-اَسْن: "اَقَا تَسْرَام زَحَقَّ: قَبْر مَا ذ يِيْرِي بَرَاهِيْم، نش دَجِيْغ."

59 كَارَن يِسْرَائِيْلِيْن نِي نِيْسِيْن يِرْزَا حَمَا اَث رَجْمَن، وَاَلَكِن عِيْسَى يِنَسْرَث يِفْغ زِي

ثَمْرِيْدَا ثَمْقَرَاْنَت.

سِيذِيْتَنَغِ عَيْسَى يِسْكَنْغَا يِجِ وَضَرْغَاژ

9 ¹ وَاَمِي تُوغَا عَيْسَى يَكُوْر ذَكِّي وَبَرِيْدُ يُوْفَا يِجِ نِ وَرِيَاژ ذِ اَصْرَغَاژ يَخْرَقِ-دِ اَمْنِي. ² نَان-اَسِ يَمْحَضَارِنِ نَس: "اَلْمُعَلِّمُ، وُكْ اِي يَعْصَانُ، مَا ذِ وَاِنِيْتَا مَا ذِ لُوَالِدِيْنِ نَسِ وَاَمِي دِ يَخْرَقِ ذِ اَصْرَغَاژ؟"

³ يِنَا-اَسِنِ عَيْسَى: "وَارِ يَعْصِي وَانِيْتَا وُزَا ذِ لُوَالِدِيْنِ نَسِ، يُخْرَقِ-دِ ذِ اَصْرَغَاژ بَاشِ مَارَا اَذِ زَرِنِ مِيْنِ يَزْمَرُ اَرِيِي اَذَايسِ يَخْدَمِ. ⁴ خُمِي يِيْتِيْرِي ذِ نَهَارِ، يُتَخْصَا-يَانِغِ اَنْخَدَمِ زَخْدَايِمِ نِ وَنِي اِي ذَايِي دِ يِسْكَنِ. خُمِي دِ تَاوُضِ دَجِيْرِثِ، وَاَرِ يَزْمَرُ وُزَا ذِ يِجِنِ اَذِ يَخْدَمِ. ⁵ مَدَامَا عَاذِ دَجِيغِ ذِي دُوْنَشْتِ، نَشِ ذِ نُوْرِنِ دُوْنَشْتِ."

⁶ وَاَمِي يِنَا اَمُو، يُسُوْسَفِ ذَكِّي وَشَاژ يِكَا زَايسِ اَبْدَجَاغِ سِ يَكُوْفَانِ نِي يِسْرَسِ-يِثِ خِ ثِيْطَاوِيْنِ نِ وَضَرْغَاژ. ⁷ يِنَا-اَسِ عَيْسَى: "رُوْحِ اَذِ تَسِيْرُذِ ذِي صَرِيْجِ نِ سِيْلُوَامِ." (اَوَاژ-اَ) سِيْلُوَامِ يِخَسِ اَذِ يِنِي 'وَنِي اِي دِ يِتُوَاْسْكَنِ'. (رُوْحِ يَسِيْرِدِ، يِرُوْحِ يِتُوَاژَا).

⁸ سِيُوْرِنِ جَارَاَسِنِ جِيْرَانِ ذِ يُوْدَانِ اِي ثِ يِسْنِنِ زِي قَبِرِ نَانِ مَاشِي ذِ وَاِنِيْتَا يِنَغِيْمَانِ يِتْتَارَا؟ ⁹ زِبْعَاضِ زَايسِنِ نَان: "قَا ذِ نَتَا."

نَانِ يِنْضَنِي: "لَا، يُتَاوِي-دِ ذَايسِ وَاهَا."

وَلَكِنِ نَتَا يِنَا: "قَا ذِ نَش."

¹⁰ نَان-اَسِ: "مَامَشِ كَنْفَانْتِ ثِيْطَاوِيْنِ نَش؟"

¹¹ يِنَا-اَسِنِ: "بِنَاذِمِ نِي وُمِي قَارِنِ عَيْسَى يِيْسِي-دِ اَبْدَجَاغِ يِسْرَسِ-اِي-ثِ خِ ثِيْطَاوِيْنِ

يِنُو. يِنَا-اِيِي رُوْحِ غَارِ سِيْلُوَامِ اَذِ تَسِيْرُذِ. رُوْحِ سِيْرُذِغِ، رُوْحِغِ تُوَاْرِيغِ."

¹² نَان-اَسِ: "مَانِي يِدْجَا؟"

يِنَا-اَسِنِ: "وَارِ سِيْنِغِ."

أَصْرَعَا نِي يَشْهَدُ خَ سِيدِيئِئَغ عَيْسَى

13 وَوِينِ آرِيَا ز نِّي يَدُوزَن يَتَوَازَا غَارَ يَفْرِيَسِيئِن. 14 تُوَعَا نَهَارَ نِّي ذ سَبْت ن لَعِبَادَا وَامِي دَاس يَسْرَس عَيْسَى أَبَدَجَاع خَ ثِيَطَاوِين نَس يِسْكَنْفَا-ث. 15 نَّان-أَس وَزَا ذ يَفْرِيَسِيئِن، مِين دَاش يَوْقَعَن وَامِي شَك تَوَازِيد؟

يِنَّا-أَسَن: "نَسْرَس-أَبِي أَبَدَجَاع خَ ثِيَطَاوِين يَنُو، سِيرِدَغ دُوزَغ تَوَازِيغ."
16 نَّان زَبْعَاض ن يَفْرِيَسِيئِن نِّي: "بَنَادَم نِّي وَار يَدَجِي شَا زِي أَرَبِّي مِينَزِي وَار يَوْقَار شَا نَهَار ن لَعِبَادَا."

وَلَكِن زَبْعَاض نَّضَنِي نَّان: "لَا، مَامَش بَنَادَم ذ لَعَاصِي زَعَمَا أَد يَكَّ لُمُعْجِيَاث-أ؟" خ مَانَايَا يَوْقَع لُخَلَاَف جَارَاسَن.

17 نَّان-أَس عَاوَد إِ وَصْرَعَا ز نِّي: "مَامَش تَوَازِيد شَك وَنِي إِ ش يِسْكَنْفَان ثِيَطَاوِين نَش؟"

يِنَّا-أَسَن: "نَتَا ذ نَبِي."

18 وَلَكِن عَاذ وَار وَمِينَن شَا يِسْرَائِيلِيئِن نِّي بَلِّي نَتَا تُوَعَاث ذ أَصْرَعَا ز يَدُوزَ يَتَوَازَا حَتَّا وَامِي دَ زَاغَان إِ لُوَالِدِين نَس. 19 نَّان-أَسَن: "مَا ذ وَانِيَتَا ذ مِيثُوم إِ ثِقَارَم يَخْرَق-د ذ أَصْرَعَا ز؟ مَامَش يَكَّا زُخُو نَتَا يَتَوَازَا؟"

20 نَّان-أَسَن لُوَالِدِين نَس: "نَشِين نَسَن بَلِّي وَانِيَتَا ذ مِيثُوم يَخْرَق-د ذ أَصْرَعَا ز. 21 وَار نَسِين شَا مِين دَاس يَوْقَعَن زُخُو يَدُوزَ يَتَوَازَا. وَار نَسِين شَا وَنِي إِ ث يِسْكَنْفَان زِي ثِيَطَاوِين نَس. سَقْسَم-ث كَنِيو، نَتَا قَا يَمْعَار أَد يَسِيوزَ نِيث خَ يِيخَف نَس." 22 نَّان لُوَالِدِين نَس أَمَنِي مِينَزِي كُودَن زَكَّ يَمْقَرَانَن نَ أَيْث-إِسْرَائِيل. تُوَعَا يَمْقَرَانَن نِّي تَافَقَن بَلِّي وَنِي عَا يَشْهَدَن عَيْسَى ذ لَمْسِيح، أَث طَرْدَن زِي ثَمَزِيدَا. 23 خَ مَانَايَا نَّان لُوَالِدِين نَس سَقْسَم-ث كَنِيو نَتَا قَا يَمْعَار.

24 زَاغان-د ويس مَرْتَاينِ اِ وِرْيَاز نِي تُوغَا يَدَجَان ذِ اَصْرَعَاغَار نَّان-آس: "اِيوَا حَمْدِ اَرَبِّي شِك! قَا نَشِّين نَسْنِ اَرِيَاز نِي نَتَا ذِ لَعَاصِي."

25 يِنَا-آسن: "نَتَا مَرَا ذِ لَعَاصِي زَعْمَا نَش وَار سِينِغ شَا. شَنِغ بِيچ نِ تُمَسْرَايْت: تُوغَايِي ذِ اَصْرَعَاغَار رَحُو تُوَايِغ."

26 نَّان-آس: "مِينِ دَاش يِكَا؟ مَامَش يِكَا يَسْكَنْفَا-ش زِي تِيْطَاوِين نَش؟"

27 يِنَا-آسن: "تِيغ-اوم-ت وَار دَايِي تَصْنَطْم شَا. مَايْمِي تَخْسَم اَذِ تَسْرَم عَاوَذ؟ مَا تَخْسَم وُرَا ذِ كَنِيو اَذِ تِيْزِيْم ذِ يَمْحَضَارن نَس؟"

28 زَوْرن-ث نَّان-آس: "شِك اِي يَدَجَان ذِ اَمْحَضَار نَس! قَا نَشِّين ذِ يَمْحَضَارن مُوَسِي. 29 نَشِّين نَسْنِ بَلِي اَرَبِّي يَسِيوَر اَك مُوَسِي، وَلَكِن وَنِي وَار نَسِّين شَا مَانِيَس اِي دِ يُوَسَا."

30 يِنَا-آسن وِرْيَاز نِي: "مَانَايَا ذِ زَعَجَب! تِسْكَنْفَا تِيْطَاوِين يِنُو، كَنِيو وَار تَسِينِم مَانِيَس نَتَا! 31 نَشِّين نَسْنِ اَرَبِّي وَار تِيْسَرِي شَا غَار يِنِي يَعِصَّان. لَّا، تِيْسَرَا غَار يِنِي اِي ثِ يِنُوَقَارن ذِ يِنِي يَخْدَمَن س مِينِ يَخْس. 32 عَمَّارِص وَار نَسَرِي ذِي زَمَان بِنَادَم يَخْرَق-د ذِ اَصْرَعَاغَار اَذِ دِ يَاس شَان يِجَن اَدَاس يَسْكَنْفَا تِيْطَاوِين. 33 اَرِيَاز-ا، مَعْلِيك وَار يَدَجِي شَا زِي اَرَبِّي اَتَا فِ وَار يَزَمَر اَذِ يَكَّ وَالُو!"

34 نَّان-آس: "شِك ذِ لَعَاصِي زَكِ وَامِي دِ تَخْرَفْد، مَا تَرُزُوذِ اَدَانِغ تَسْرَمْدُذِ نَشِّين؟" زَخْدَنِيْتِ طَرْدَن-ثِ زِي تَمْرِيْذَا.

35 تِسْرَا عِيْسِي بَلِي وَنِي طَرْدَن-ثِ زِي تَمْرِيْذَا. وَامِي ثِ يُوَفَا يِنَا-آس: "مَا تَامَنْدِ زِي مِيْسِن بِنَادَم؟"

36 يِنَا-آس: "مِينِ يِعْنَا وَنِي آ سِيْذِي حَمَا اَرَايَسِ اَمْنِغ؟"

37 يِنَا-آس عِيْسِي: "اَقَا تَرِيْذ-ث، ذِ وَنِي اِي كِيَش يَسَاوَازن."

38 يِنَا-آس: "وَمْنِغ زَايِشِ آ سِيْذِي. زَخْدَنِيْتِ يَسْجَد-آس."

39 ئَنَا عَيْسَى: "وُسِيع-د غَار دُونَشْت-أ آذ حَاسِبَع حَمَا يِنِّي يَدَجَان ذ يَضْرَعَاژَان آذ تَوَاژَان، يِنِّي يَتَوَاژَان آذ ضَرْغَوْن." "

40 سَرِين-آس زَبْعَاض زَك يَفْرِيَسِين اِي يَدَجَان دُنِّي نَانَ-آس: "مَا وُژَا ذ نَشِين ذ يَضْرَعَاژَان نَع؟"

41 يِنَا-آسِن عَيْسَى: "مَعْلِيك ذ يَضْرَعَاژَان اِي ثَدَجَام، أَتَاف وَار دَاوِم بُو زَمْعَصِيْث. وَلَكِن كَنِيو رَحُو نَقَّارَم نَشِين نَتَوَاژَا. خ مَانَايِنِّي عَاذ دَاوِم زَمْعَصِيْث."

سِيذِيْنَع عَيْسَى يَتَسَبَّار تُوْدَارْت نَس خ يَحُوْرِيْن نَس

1 "أَقَا تَسْرَام رَحَق: وَنِي وَار يَتِيذْفَن زِي تَوَاژْت ن زَكُوْرِي ن يَحُوْرِيْن يَتَكْعَاذ مَانِيْس نَضْنِيْت، نَتَا يَتَوَاْحَسَاب ذ أَشْفَار ذ آخَوَان. 2 وَلَكِن وَنِي د غَا يَآذْفَن زِي تَوَاژْت نَتَا اِك يِرُوْسَن يَحُوْرِيْن نَس. 3 أَعْسَاس ن زَكُوْرِي اَدَاس يِرْزَم تَوَاژْت ا وَنِي اِي يِرُوْسَن، يَحُوْرِيْن نَس تَسْرَان اِ صُوْت نَس. يَتْرَاغَا خ يَحُوْرِيْن نَس س يِيَسْمَاوْن نَسَن، أَثْن يِسُوْفَع. 4 آذ يِسُوْفَع مَارَا يَحُوْرِيْن نَس يَكُوْر زَاثَسَن، يُحُوْرِيْن نِي دَفَارَن-ث مِيْنَزِي سَنَن صُوْت نَس. 5 وَلَكِن أَثْرَاس ن مِيْدَن وَار ث دَفَارَن عَمَارْصَ اَزَايِس رُوژَن، مِيْنَزِي نِثْنِي وَار سِينَن شَا صُوْت ن وَثْرَاس ن مِيْدَن." 6 يِنَا-آسِن عَيْسَى زِمْتَال-أ، وَلَكِن نِثْنِي وَار فَهِيْمَن شَا ثِمَسْرَايِيْن مِيخْف اِي دَاسَن يَسَاوَاژ.

7 يِنَا-آسِن عَيْسَى عَاوَد: "أَقَا تَسْرَام رَحَق: نَش ذ تَوَاژْت ن زَكُوْرِي. 8 مَارَا يِنِّي د يُوْسِين قَبِر اِ نَش نِثْنِي تَوَاْحَسَبَن ذ يَشْفَارَن ذ يَخَوَانَن، يَحُوْرِيْن نِثْنِي وَار عَاژَسَن سَرِين شَا. 9 نَش ذ تَوَاژْت، وَنِي زَايِي غَا يَآذْفَن آذ يَنْجَم. آذ يِيْرِي اَمَشْنَاو يِج ن وَحُوْرِي يَتَاذْف يَتَفَع يَتَاف مِيْن غَا يِش. 10 نَتَا أَشْفَار يِتَاس-د غَيْر آذ يَآشَار آذ يِنَغ آذ يَهْدَم. نَش وَسِيع-د حَمَا اَعَاژَسَن ثِيْرِي تُوْدَارْت نِي ن تُوْدَارْت بَرَا رَقِيَاس.

11 نَش اِك يِرُوْسَن ذ صَح. وَنِي اِك يِرُوْسَن ذ صَح يَتَسَبَّار تُوْدَارْت نَس خ يَحُوْرِيْن نَس. 12 اَخْدَام مَاشِي اَم وَنِي يِرُوْسَن يَحُوْرِيْن نَس نِيْث. اَخْدَام، مَرَا يِرُوْرَا وُشَان يُوْسَا-د

أذ يسمع ذكَّ يَحْوَرِّين نِّي أذ يروز. وُشَّان أذ يهجم خ يَحْوَرِّين أثن يعرز خ وَايَاوِيا.
13 أَخْدَامْ أذ يروز مِينِزِي نَّتَا ذ أَخْدَامْ وَاهَا، وَار ث تَهِيمِّين شَا يَحْوَرِّين.

14-15 نش ذ وْنِي إِي ثن يروسن ذ صَح. شَنغ يَحْوَرِّين يَنُو يَحْوَرِّين يَنُو شَن-آيِي،
مَامَش ذَابِي يَسَن بَابَا نش شَنغ-ث. تُودَارْث يَنُو، تُسْبَارَغ-ت خ يَحْوَرِّين يَنُو. 16 غَارِي
يَحْوَرِّين نَضْنِي وَار دَجِين بُو ذِي زُكُورِي-يَا، يُتَخَصَّ-آيِي أثن د أويغ. أذ سَرَن إِصُوت يَنُو
أذ تِيرِي ذ يِج ن نُحِيمَارْث ذ يِجَن إِي ثن غَا يروسن. 17 س مَانَايَا بَابَا يَتَحَبَّ-آيِي مِينِزِي
نش تُسْبَارَغ تُودَارْث يَنُو حَمَا عَاوُذ آتيد آرغ. 18 وُزَا ذ يِجَن وَار زَائِي ت يِتَكْس لَّا، نش
تُسْبَارَغ تُودَارْث يَنُو س زُخَاضِر يَنُو. غَارِي جَهْد حَمَا أَت سَبْرَغ. غَارِي جَهْد حَمَا آتيد
آرغ عَاوُذ. أُمُو إِي ذَابِي يَوْصَا بَابَا."

19 يَوْع لُخَلَاَف عَاوُذ جَار يِسْرَائِيلِيين خ وَاوَارَن-أ. 20 نَّان أَطَّاس زَائِسَن: "وَائِنَتَا ذَائِس
جُنُون. نَّتَا ذ أَبُوهُارِي، مَايَمِّي غَارَس تَسْرَام؟"

21 نَّان يَضْنِي: "أَوَارَن-أ وَار ثن يِقَار شَا وْنِي إِي ذِي دَجَان جُنُون. مَا يَزَمَّر شَان يِجَن
زِي جُنُون أذ يَسْكَنَفَا يِطَّاوِين ن يَضْرَعَارَن؟"

سِيدِيَتِغ عَيْسَى ذ بَابَاس نَثِي ذ يِجَن

22 يُوُوز-د زَعِيد لِمَلَاد ن تَمَزِيدَا تَمَقْرَانَت ن أَيِث-إِسْرَائِيلِ ذِي لُقُدَس. مَانَايَا ذِي
زَمَشْتَا، 23 عَيْسَى يِكُورُ ذَكَّ وَسَقِيَف ن سُولِمَان ذِي تَمَزِيدَا تَمَقْرَانَت. 24 مُونن خَاس
يِسْرَائِيلِيين نَّان-آس: "أَز مَزَمِي ش غَا نَرَجَا؟ مَرَا شَك ذ لَمَسِيح، ئِيي-يَانغ-ث نِيشَان!"
25 يِنَا-آسَن عَيْسَى: "نِيغ-أوم-ت، كَنِيو وَار تِيَمْنَم شَا. زُخْدَائِم إِي تَكْغ ذَكَّ يِيسَم ن
بَابَا شَهْدَنَت-آيِي. 26 وَلَكِن كَنِيو وَار تِيَمْنَم شَا مِينِزِي وَار نُدَجِيم شَا ذ يَحْوَرِّين يَنُو.
27 يَحْوَرِّين يَنُو تَسْرَان غَار صُوت يَنُو، شَنغ-ثن نَثِي ذِفَارَن-آيِي. 28 تِيشَغ-آسَن تُودَارْث ن
زَبْدَا عَمَارَص وَار فَنِين، وَار ثن يَخَطَّف وُزَا ذ يِجَن زَكَّ وَفُوس يَنُو. 29 ذ بَابَا إِي ذَابِي ثن
يُوشِين أُو نَّتَا ذ أَمَقْرَان زِي كُرُوشِي. وَار يَزَمَّر وُزَا ذ يِجَن أَثَن يَخْضَف زَكَّ وَفُوس ن بَابَا.
30 نش ذ بَابَا ذ يِجَن."

31 يِسْرَائِيلِيْن نِّي يِسِين-د عَاوَد يِرْزَا اَث رَجْمَن . 32 يِنَا-اَسَن عَيْسَى : "سَبِينغ-اوم-د اَطَّاس ن زَخْدَايِم ثِصْبَحَانِيْن زِي بَابَا، مَانْت زَخْدَمْت اِي ثَخْسَم اَذَايِي ثَرْجَم خَاس؟"
 33 نَانَ-اَس يِسْرَائِيلِيْن: "وَار ش نَرْجَم شَا خ زَخْدَمْت يِصْبَحَانَ لَّا، اَش نَرْجَم وَايِي ثُنَيْد لُبُهْتَان خ اَرَّبِي . قَا شَك ذ بِنَادَم، تَرْيِد يَخْف نَش ذ اَرَّبِي ."
 34 يِنَا-اَسَن عَيْسَى : "مَا تُورَا نَغ لَّا ذِي شَرِيْعَا نَوْم بَلِي اَرَّبِي يِنَا: 'نَش نَبِيغ-اوم كَنِيو ذ اَرَّبِي شَن؟' 35 نَتَا اِي دَاسَن يِقَارَن 'اَرَّبِي شَن' اِيْنِي وُيِي د يُوَسَا وَاوَازَن اَرَّبِي، اُو لَكِتَاب زَبَدَا يِقَارَن زَحَق . 36 مَا تَقَارَم اِ وِنِي يَخْصَارَ بَابَا يِسَك-يَث-يذ غَار دُونَشْت شَك ثُنَيْد لُبُهْتَان خ اَرَّبِي مِينْزِي نَبِيغ نَش ذ مَيْسَن اَرَّبِي؟ 37 مَرَا وَاَر خَدِيمِغ زَخْدَايِم ن بَابَا، وَاَر ذَايِي تَامَنْت شَا . 38 مَرَا خَدَمِغ-تَنْت، اَمَنْت ذِي زَخْدَايِم نِّي وَاخَا وَاَر زَايِي تُومِينِم . اَمُو اَذ تَسْنَم قَا بَابَا اَقَاث ذَايِي، نَش اَقَايِي ذِي بَابَا ."
 39 رَزُون اَث طَفَن وَلَكِن يِنُوسَر-اَسَن جَار يِفَاسَن نَسَن . 40 نِدُوَر عَاوَد غَار وَجَمَاص-يِن ن يَغْزَارَن لَارْدُن غَار وَمَشَان مَانِي تُوَعَا يِنَطَهَار يَحِي يَحِي ذَك وَمَزَوَارُو، يَقِيم ذُنِي . 41 وُيِسِين-د غَارَس اَطَّاس نَانَ، يَحِي وَاَر يَكِي وُزَا ذ يَج ن لُمُعْجِيْزَا، وَلَكِن مَارَا مِين يِنَا خ وَايِي تَا ذ صَح . 42 وُمنن زَايس اَطَّاس ن يُوْدَان ذُنِي .

سِيدِينغ عَيْسَى يِسْكَار-د لِيْعَازَر زِي زَمُوْت

1 اِيَج ن بِنَادَم قَارَن-اَس لِيْعَازَر يَهْرَش، نَتَا زِي دُشَار نِي وُيِي قَارَن يَبِت عَنِيَا .
11 زِدْعَنْت ذُنِي سُوَيْتَمَاس، بِيَشْتَن قَارَن-اَس مَرِيْم يَشْتَن قَارَن-اَس مَرْتَا . 2 مَرِيْم ذ نَتَاث اِكْ يَذَهْنَن يَضَارَن ن عَيْسَى س وَاَمَان ن لُورْد تَمْسَح-اَس-ثَن س وَشَوَاف نَس .
 وُماس ن مَرِيْم لِيْعَازَر يَهْرَش . 3 سُوَيْتَمَاس نِي سَكَنْت-يذ غَار عَيْسَى نَانْت-اَس آ سِيدِي، قَا وُنِي خَاك يِعِيْزَن قَا يَهْرَش .

4 وامي يِسْرَا إِمَانَايِّي عَيْسَى يِنَّا زَهْرَاش-أ وَار د يُوْسِي سَا حَمَا أَد يِمْت. لَّا، يُوْسَا-د د زَسْبَاب إِلْعَطَمًا نَ أَرِّي حَمَا أَرَّيس يِتْوَأَسْمَعَار مَيْس نَ أَرِّي. 5 تُوغَا عِيَزَن حَاس خَ عَيْسَى مَرَّئَا ذ وَتَشْمَاس ذ وَمَاس لِيَعَازَر. 6 وامي يِسْرَا نَتَّا قَا يَهْرَش، تُقِيم ذَنِّي يُوْمَاين مَانِي يَدَجَا. 7 مُنْبَعْد إِمَانَايَا يِنَّا-أَسَن إِيْمَحْضَارَن نَس: "يَالَهْ أ نَدُوْر عَاوَد غَار تُمُوْرْت نَ يَهُوْذِيَا." 8 نَّان-أَس يِمَحْضَارَن: "مَامَش آلْمُعَلَّم؟ يِسْرَائِيلِيَيْن نِي تُوغَا رَزُوْن أَش رَجْمَن، شَك تُحْسَد أَد تُعْقَبَد ذَنِّي؟"

9 يِنَّا-أَسَن عَيْسَى: "ذَنِّي تَعَاش نَ سَوَايَع نَ تَفَاوْت ذِي نَهَار. وِنِي يَكُوْرَن ذِي نَهَار وَار يِتَنْقَرِيضُ شَا مِينَزِي يِتَوَازَا تَفَاوْت نَ دُوْنَشْت-أ. 10 مَرَا شَان يَجَن يَكُوْر سَ دَجِيْرْت يِتَنْقَرَاضُ مِينَزِي دَجِيْرْت وَار دَايس بُو تَفَاوْت." 11 وامي يِنَّا مَانَايَا، يِرْنِي يِنَّا-أَسَن: "أَمْدُوَكَّر نَع لِيَعَازَر قَا يَطَّص، أَد رَاَحَغ أَئِيْذُ سَفَاغَع."

12 نَّان-أَس يِمَحْضَارَن: "آ سِيْذِي، مَرَا نَتَّا يَطَّصُ أَد يِكَّار نِيْت."

13 وَلَكِنَ عَيْسَى يِسِّيُوْر خَ زَمُوْت نَس، نِيْتِي تَغْيِر-أَسَن يِسَّوَاوَزَ خَ أَرَاْحْت نِي نَ يِنِي يَطَّصَن. 14 أُوْشَا يِنَّا-أَسَن نِيْشَان: "قَا لِيَعَازَر يِمُوْت. 15 نَش فَرَحَغ وَامي وَار ذَنِّي دَجِيْغَ حَمَا أَد تَامَنَم. يَالَهْ أَعَارَس نَرَاَح."

16 طُوْمًا يَغْيِي وَني وَمي قَارَن أَشْنِيُوخ يِنَّا-أَسَن إِيْمَحْضَارَن إِي يَدَجَان ذ يَمْدُوَكَّار نَس: "أَكِس نُويُوْر وُزَا ذ نَشِيْن أَكِس نَمْت."

17 وامي د يُوْسَا عَيْسَى، يُوْفَا نَعْدُو أَرْبِعِيَام زَكْ وَامي يِتْوَأَنْضِر. 18 بَيْتَ عَنِّيَا تَكُوْجُ تَرَاثَا كِيْلُوْمِيْتَر خَ لُقُدْس. 19 أَطَّاس نَ يِسْرَائِيلِيَيْن وُسِيْن-د غَار مَرَّئَا ذ مَرِيْمَ حَمَا أَتْنَتَ عَرَّانَ خَ وَمَاتْسَنْت. 20 وامي تِسْرَا مَرَّئَا قَا عَيْسَى يَكُوْر-د، تَرُوْحَ أَثَ تَرَفَا وَلَكِنَ مَرِيْمَ تَقِيْمَ ذِي تَدَارْت. 21 تِنَّا-أَس مَرَّئَا إِيْمَحْضَارَن: "آ سِيْذِي، مَعْلِيْكَ أَقَاش ذَانِيْتَا، إِزِي وَار يِمُوْتُ شَا وُْمَا. 22 نَش شَنْغَ بَلِّي عَاذَ رَحُوْ قَا أَرَّبِي أَدَاش يُوْشَ مِيْنَ مَا تِتَّارَد-أَس." 23 يِنَّا-أَس عَيْسَى: "أَد د يِكَّار عَاوَد وُومَام."

24 ثَنَا-أَس مَرْنَا: "سَنَعِ اذِ يَكَّارِ ذِي رُوقْتِ ن لَقِيَمَا ذِي نَهَارِ اَنكَارُو."

25 يَنَا-أَس عَيْسَى: "نَش ذ لَقِيَمَا نَش ذ نُودَارْت، وَنِي يِتَامِن زَّايِي اَتَافِ اذِ يَدَّرِ وَاخَا يُمُوث. 26 مَارَا وَنِي يَدَّرِن اُو نَتَا يِتَامِن زَّايِي اَتَافِ وَاَرِ يِتَمَّتِي اِزْبَدَا. مَا تُومَنذِ زِي مَانَايَا؟" 27 ثَنَا-أَس: "وَاهِ آ سِيدِي. نَش وُومَنَعِ قَا شَكِ ذِ لَمَسِيحِ، شَكِ ذِ مَيْسِ نِ اَرِّي، شَكِ ذِ وَنِي دِ يِتَاسِنِ غَارِ دُونَشْت. 28 وَاَمِي ثَنَا مَانَايَا، تُرُوحِ تُرَاغَادِ اِ وَتَشْمَاسِ سِ رَحْسِ ثَنَا-أَس: "لَمُعَلِّمِ يُوَسَا-دِ يِرْزُو حَام."

29 وَاَمِي شَسْرَا مَانَايَا، ثَكَّارِ سِ تَاَزْرَا تُرَاحِ غَارِ سِ. 30 عَيْسَى عَاذِ وَاَرِ دِ يُوَسِي شَا غَارِ وَبِيَلَاجِ، اَقَاتِ ذِكِّ وَمَشَانِ مَانِي ثِ تَرْقَا مَرْنَا. 31 يِيَسْرَائِيلِيْنِ نِي اَقَاتِنِ اَكِّ مَرِيْمِ ذِي ثَدَارْتِ تُعْرَانِ-تِ. وَاَمِي زُرِيْنِ مَرِيْمِ ثَكَّارِ سِ تَاَزْرَا تُفَعِ نِشِي ذِفَارِنِ-تِ تُعْيِرِ-أَسِنِ اذِ تَرَا حِ غَارِ وَنَضِرِ اذِ تَرُو ذُنِّي. 32 وَاَمِي دِ تُوَسَا مَرِيْمِ مَانِي يَدَجَا عَيْسَى، تُرِي-تِ ثَوْضَا-يَاسِ غَارِ يَضَارِنِ نَسِ ثَنَا-أَس: "آ سِيدِي، مَعْلِيكِ اَقَاشِ ذَانِيْتَا اِزِي وَارِ يُمُوثِ شَا وُ مَا."

33 عَيْسَى وَامِي تِ يَزْرَا تُتْرُو حَتَا ذِ يِيَسْرَائِيلِيْنِ نِي اِي كِدْسِ دِ يُوَسِيْنِ وُزَا ذِ نِشِي تَرُونِ، نَتَا وُزِ نَسِ يُعْزَبِ-يِثِ يَخِيْقِ ذِي نَفْسِ نَسِ. 34 يَنَا-أَسِنِ: "مَانِي ثِ تَنْضِرْمِ؟" 35 عَيْسَى يِتْرُو. 36 نَانِ يِيَسْرَائِيلِيْنِ نِي خَزْرَمِ مَشْحَازِ تُوعَا خَاسِ يِعِيْزِ. 37 نَانِ زَبْعَاضِ زَايَسِنِ قَا ذِ وَاِنِيْتَا اِي يِسْكَنَفَانِ ثِيْطَاوِيْنِ نِ وَضْرَغَازِ، مَا وَارِ يِرْمَرِ اَتَافِ يِكَّا شَانِ رَحَبْتِ بَاشِ وَارِ يِتَمَّتِي شَا لِيَعَازَرِ؟

38 عَيْسَى يِرِيْدَجِزِ-أَسِ عَاوُذِ ذِكِّ وُوزِ نَسِ، يُوَسَا-دِ غَارِ يِيْفِرِي نِ وَنَضِرِ يُوْفَا خَاسِ اَزْرُو. 39 يَنَا عَيْسَى: "سَبْعَدْتِ خَاسِ اَزْرُو-يَا."

ثَنَا-أَس مَرْنَا وَتَشْمَاسِ نِ وَنِي يُمُوثِنِ: "آ سِيدِي، قَا يِرْصُوضِ رَحْقَاشِ ثَعْدُو خَاسِ اَرْبِعِيَامِ زَكِّ وَامِي يُمُوث."

40 يَنَا-أَس عَيْسَى: "يَاشِ نِيْعِ-أَمِ، مَرَا تُومَنذِ اذِ تَرَرْدِ لِعُظْمَانِ اَرِّي؟" 41 اُوْشَا نِشِي سَبْعَدِنِ اَزْرُو نِي. نِيْسِي عَيْسَى ثِيْطَاوِيْنِ غَارِ وَجَنَّا يَنَا: "تَشْكَاغِ-شَكِ آ بَابَا، سَتَاَجَبْدِ-أَيِي. 42 نَشِ سَنَعِ قَا شَكِ زَبْدَا تَسْتَاَجَابْدِ-أَيِي، وَلَكِنِ نَشِ قَارِغِ مَانَايَا عَلَا حَسَابِ خِ زَغَاشِي-يَا اِي ذَايِي

د بِنُصْن، حَمَا اذْ اَمْنِن بَلِيَّيْ قَا ذ شِكْ اِيْ ذَايِي د يِسْكَن. " 43 وَايِي يِنَا مَانَايَا، نُرَاغَا
س جَهْد: "آ لِيْعَازَر، اَفْع-د سَنِي!" 44 نَفْع-د وِنِي يُمُوثِن، نُنُص-اَس زَشْفَن خ يَفَاَسَن ذ
يَضَارَن خ وِغْمُوبُوب نَس حَاَس زَقَب. يِنَا-اَسَن عِيَسَى: "كَسْم حَاَس زَشْفَن نِي، اَجْم-ث
اذْ يُوِيُور."

يِسْرَائِيلِيْن تَاْفَقَن اذْ نَعْن سِيْدِيْتِنَع عِيَسَى

45 اَطَّاس ن يِسْرَائِيلِيْن اِيْ د يُوَسِيْن غَار مَرِيْم زَرِيْن مِيْن يِكَّا عِيَسَى وُمنن زَايس.
46 وَاكِن يِنُصْنِي رُوْحَن غَار يَفْرِيْسِيْن نَان-اَسَن مِيْن يِكَّا. 47 مُونَن اَرُوِيَّاس ن زُقْفَهَا ذ
يَفْرِيْسِيْن اَك جَمَاعَث ن لُحْكَام ن اَيْث-اِسْرَائِيْل نَان: "مِيْن غَا نَك؟ قَا اَرِيَّاز-اَيْتَكَّ اَطَّاس
ن لُمُعْجِيْزَاث. 48 مَرَا نَجِي-ث اَمُو، مَارَا اَرَايس اَمْنِن. اذْ د اَسَن يِرُوْمَانِيْن، اذَانَع خَرْبِن
تَمْرِيْذَا تَمَقْرَانَت نَع ذ لَأْمَا نَع."

49 يَجَن زَايسَن قَارَن-اَس قِيَّافَا، نَتَا ذ اَرَايس ن زُقْفَهَا ذَك وَسَكُوَّاس نِي. نِكَّار نَتَا يِنَا-
اَسَن: "كَنِيُو وَاَر ثَسِيْنَم وَاَلُو، 50 وَاَر ثَفْهِيْمَم شَا. حَسَن اِ كَنِيُو اذْ يَمَث يِج ن وَرِيَّاز خ
شَعْب حَمَا وَاَر ثَفْنِي شَا لَأْمَا نَع مَارَا."

51 نَتَا ذَكَّ وَسَكُوَّاس نِي تُوْغَاث ذ اَرَايس ن زُقْفَهَا. وَاَر يِنِي شَا مَانَايِي زَكَّ يِيخَف
نَس لَّا، يُوَسَا-اَس-د مَانَايِي زِي اَرَبِي بَلِيَّيْ عِيَسَى اذْ يَمَث خ لَأْمَا ن اَيْث-اِسْرَائِيْل. 52 وَاَر
يُدْجِي بُو خ لَأْمَا ن اَيْث-اِسْرَائِيْل وَاَهَا، وُرَا ذ تَارُو ن اَرَبِي يِتْمَرْدَجَاعَن ذِي ثُمُورَا، اَثَن
يِسْمُون اَرَبِي ذ يَجَن. 53 زِي نَهَار نِي تَاْفَقَن حَمَا اَث نَعْن.

54 خ مَانَايَا وَاَر يَقِيْم شَا عِيَسَى يِتْرَا ح يِتَّاس-د جَار يِسْرَائِيلِيْن. نُرُوْح غَار شَان ثُمُورَث
تُوْدَس زَخْرَا غَار يِج وِيْبَلَاج قَارَن-اَس اَفْرَايِم، ثَقِيْم ذُنْبِي اَك يِمْحَضَارَن نَس.

55 يَقْرَب-د زَعِيْد اَمَقْرَان ن اَيْث-اِسْرَائِيْل. وُسِيْن-د اَطَّاس ن يُوْدَان زِي زِدْشُور غَار لُقْدَس
حَمَا اذْ طَهَّارَن يِيخَف نَسَن قَبْر اِ زَعِيْد. 56 تُوْغَا رَزُون خ عِيَسَى، سَاوَاژَن وَايِي بَدَن ذِي
تَمْرِيْذَا تَمَقْرَانَت ن اَيْث-اِسْرَائِيْل قَارَن جَارَاَسَن، مِيْن تُوْازَام؟ مَا وَاَر د يِتِيْس بُو غَار زَعِيْد؟

57 أَرُوِيَا س ن زُفَقَهَا ذ يَفْرِيَسِيْن وَصَانَ وَنِي إِي غَا يَزْرِن مَانِي يَدْجَا عِيْسَى، أَسْن ت يِنِي بَاش أَذ رَاحِن أَث طَفْن.

مَرِيْم نَذَهْن سِيْدِيْتِنَغ عِيْسَى س وَامَان ن لُوْرُد

1 سَتِيَّام قَبْرٍ اِرْعِيْد اَمَقْرَان، يُوسَا-د عِيْسَى غَار بِيْت عَنِيَا مَانِي يَزْدَغ لِيْعَاَزَر وَنِي 12
 اِي د يَسْكَار عِيْسَى زِي زَمُوْت. 2 كَيْن-اَس اَمْسِي ذَنِي، وَتَشْمَاس مَرْتَا تَسْحَار
 لِيْعَاَزَر يَقِيْم اِكْدَسْن. 3 تِيْسِي-د مَرِيْم اَزِيْن ن لِيْتَرُو ن وَامَان ن لُوْرُد صَفَان زَك يِنِي يَغْزَان
 س وَاطَّاس، نَذَهْن-اَس اِ عِيْسَى يَضَارِن نَس، ثَمْسَح-اَس يَضَارِن نَس س وَشَوَاف نَس.
 نَدَارْت مَارَا تَشُوْر س اَرِيْحَت ن وَامَان نِي ن لُوْرُد. 4 يَجْن زَك يَمْحَضَارِن نَس، وَنِي وَمِي
 قَارِن يَهُودَا اِسْحَرِيُوْطِي اُو ذ نَتَا اِي غَا يَزْرِن عِيْسَى، يِنَا-اَسْن: 5 "مَايْمِي وَار زَرْنن شَا اَمَان
 نِي ن لُوْرُد س تَرْتَمِيْمَا ن تِيَّاسِيْن ن نَقَارْت حَمَا اَنْت وَشْن اِ يَمْسَعَان؟" 6 وَامِي يِنَا اَمُو
 مَاشِي زِيْدَجْرِن-اَس يَمْسَعَان. لَّا، نَتَا ذ اَشْفَار مَكْلَف خ وَشْمُوْس ن تَمْنِيَاث يِتَاشَار زِي
 مِيْن ذِن سَرُوْسَان.

7 يِنَا-اَس عِيْسَى: "اَج-يْت، نَتَاث ثُخْمَر اَمَان-اِ اِ نَهَار ن وَنَضْر يُو. 8 اِمْسَعَان اَقَاتِن
 اِكْدُوْم زَبْدَا، نَش وَار كِيْدُوْم تَغِيْمِيغ شَا اِ زَبْدَا."
 9 وَوَسِيْن-د اَطَّاس ن زَعَاشِي ن يِيْسْرَائِيْلِيْن وَامِي د اَرِيْن زَحْبَار بَلِي نَتَا اَقَات ذَنِي. وَار
 يَدْجِي خ عِيْسَى وَاهَا، وَوَسِيْن-د اَذ زَرِن رَا ذ لِيْعَاَزَر وَنِي اِي د يَسْكَار زِي زَمُوْت. 10 خ
 مَانَايِّي تَافْنن اَرُوِيَا س ن زُفَقَهَا اَذ نَغْن وَرَا ذ لِيْعَاَزَر. 11 مَايْمِي؟ رَاحَفَاش نَتَا ذ سَبَاب مِيْنَزِي
 تَبْعَادِن حَاسِن اَطَّاس ن يِيْسْرَائِيْلِيْن تَامْنن زِي عِيْسَى.

سِيْدِيْتِنَغ عِيْسَى يِتَادَاف خ وَسَنُوْس غَار لُقُدُس

12 ثِيُوْشَا نَس قَاع زَعَاشِي نِي اِي د يُوسِيْن غَار زَعِيْد سَرِيْن بَلِي عِيْسَى يِكُوْر-د غَار
 لُقُدُس. 13 يِيْسِيْن اَفْرِيُون ن تَشَجُوْرَا ن تَمَر بَاش اَرَايِس رَحْبِن فَعْنن أَث زَقَان س زَفْرَاْحَت،

تَعْيَاضَن قَارَن لِحَمْدُو اِرْبِي سَعْدَن وَاِنِيَتَا اِي د يُوَسِين ذَكِّي بِسَم ن سِيذِي اِرْبِي، قَا نَتَا
ذ اَزْدَجِيذَن اَيْث-اِسْرَائِيل.

14 "يُوفَا عَيْسَى بِيح وِسْنُوسُ بِنِيَا حَاس مَامَش اِي يُوْرَا ذِي لِكِتَاب:

15 "وَار تَكُوْذُ شَا آ يِدْجِيَس ن لُقْدَس.

خَزَر، اَزْدَجِيذَن نَم اَقَا يُوَسَا-د غَارَم،

نِيَا-د خ وِسْنُوس."

16 "مُحْضَارَن نَس وَاَر فَهِيْمَن شَا اِثْمَسْرَائِيْن-اُ ذَكِّي وِمَزُوَارُو. وَلَكِن وَاَمِي يَتُوَارْفَع عَيْسَى
عَاذ اِي د فَكَارَن مَانَايَا يُوْرَا حَاس ذِي لِكِتَاب بَلِي يُوْفَع-اَس.

17 زَغَاشِي نِي كِيْدَس، زَرِيْن وَاَمِي د يِرَاغَا خ لِيْعَاَزَر زَكِّي وِنَضْرَ يِسْكَار-يْت-يذ زِي
زُمُوْت، زَغَاشِي-يَا عَاذ قِيْمَن شَهْدَن خ مَانَايِي. 18 س مَانَايَا زَقَان-ث-يذ زَغَاشِي نَضْرِي
مِيْزِي زَغَاشِي-يَا سَزِيْن بَلِي تُوْغَا يَكَا لُمُعْجِيْزَا نِي. 19 نَان يَفْرِيْسِيْن جَارَاسَن: "اَقَا تُوَارَام
وَار تُوُوِيْضَم غَار وَاَلُو. دُوْنَشْت مَارَا نُدْفَار-يْت."

سِيذِيْتَنغ عَيْسَى يِسْرَمَاذ خ مَامَش اِي غَا يِتُوَارْفَع

20 بِنِي يِكْعُذَن اَذ عِبْدَن ذِي زَعِيذ اِكِيْدَسَن زَبْعَاض ن يِيُونَانِيْن. 21 يِيُونَانِيْن-اُ وُسِيْن-د
غَار فِيلِيْپَاس، فِيلِيْپَاس نَتَا زَكِّي وِيْبِلَاج ن بِيْت صَبِيْدَا ذِي لَجَالِيْل. تَتَارَن-اَس نَان-اَس، آ
سِيذِي نَحْس اُ نَزْر عَيْسَى. 22 زِيْرُوْح فِيلِيْپَاس غَار اَنْدُرُوْس بَاش اَدَاس ث يِيْنِي، اُوْشَا رُوْحَن
س نَتَايْن اِذْنَسَن غَار عَيْسَى نَان-اَس-ث.

23 يِنْدَق-د عَيْسَى يِيَا-اَسَن: "تُوَسَا-د زُوْقْث اَذ يِتُوَارْفَع مِيْس ن بِنَاذَم. 24 اَقَا تَسْرَام زَحَقْ:
تَحْبُوْشْت ن يِرْدَان مَرَا وَاَر تُوَارُو شَا ذِي تُمُوْرْث يِعْنِي مَرَا وَاَر تُوَانَضْرَ شَا، اَتَاَف اَذ تَقِيْم
ذ تَحْبُوْشْت وَاَهَا. مَرَا تُوَانَضْرَ اَذ تُوْش اَطَاس ن زَحَب. 25 وْنِي يِتَخْسَن تُوْدَارْث نَس،
اَتَاَف اَت يَحْسَر. وْنِي يَتَعِيْقَان تُوْدَارْث نَس ذِي دُوْنَشْت-اُ، اَتَاَف اَت يَاف ذِي تُوْدَارْث

ن زَبَدًا. ²⁶ وني يَخْسَن اَذَابِي يَخْذَم، يَتَخَصَّصَا اَذَابِي يَذْفَار. مَانِي غَا يَزِيغ نَش، اَذ يِيزِي
عَاوَد ذ اَخْدَام يُون. وني ذَابِي غَا يَخْذَمَن، اَث يَكَارَم بَابَا.

²⁷ زَخُووُزُ يُونُو يَخِيي. مَا اَذ يِنِيغ: آ بَابَا سَنَجَم-آبِي زِي زُوَقْت-أ؟ لَّا، خ سَبَاب ن زُوَقْت-أ
مِينخَف اِي دُوَسِيغ. ²⁸ آ بَابَا، سَمْعَار يِسَم نَّش.

أَوْشَا يُوسَا-د يِج ن صُوت زَكْ وَجَنَّا يِنَّا، سَمْعَار-غ-ث، اَث سَمْعَار غ عَاوَد. ²⁹ زَغَاشِي
نِي تُوَعَا يِيدَن تَسْرَان، نَّان اَقَا وَ اَذ اَجَاج. يِنْعِي نَّان، اَقَا تَسِيوز غَارَس يِج ن لَمَلَايَكَا.
³⁰ يِنَّا-آسَن عِيَسَى: "صُوت-أ وَار يِدْجِي بُو اِي يِنخَف يُونُو لَّا، اِ كَنِيو. ³¹ زَخُو اَذ تُوَاعَقَب
دُونَشْت-أ. زَخُو لُمْفَسِيد نِي د اَمَقْرَان ن دُونَشْت-أ اَخَاس اَزْرَن. ³² مَزْمِي غَا تُوَاسْبِدْغ ذَكْ
وَجَنَّا اِ ثَمُورْث، اَذ سَدْفَار غ غَارِي مَارَا يُوَذَان. " ³³ س وَارِز-أ يِرْزُو آسَن د يَسْبِين زَمُوث
نِي اِي غَا يَمَث.

³⁴ نَّان-آس زَغَاشِي نِي: "نَشِين نَسْرَا زِي مِين يِقَّار لِكْتَاب قَا لَمْسِيح اَذ يَقِيم اِ زَبَدَا.
اِيوَا، مَامَش ثَقَارْذ شَك قَا مِيَس ن بِنَادَم يِنخَصَّصَا اَذ يَتُوَاسْبِدْ ذَكْ وَجَنَّا؟ مِين يِعْنَا مِيَس-أ ن
بِنَادَم قَاع؟"

³⁵ يِنَّا-آسَن عِيَسَى: "ذُرُوسْت ن زُوَقْت اِي كِذُوم يِتِيَزِي نُور. وُيُورَم مَدَامَا عَاذ غَارُوم
نُور-أ حَمَا وَار خَاوَم د ثَحْرَث ثَاذْجَسْت. وني يَكُورَن ذِي ثَاذْجَسْت وَار يِسِين مَانِي يَكُور.
³⁶ خَمِي عَاذ غَارُوم نُور، اَمْنْت زِي نُور-أ حَمَا كَنِيو اَذ تَدُوَزَم ذ نَارُوَا ن نُور. " وَامِي يِنَّا
مَانَايَا عِيَسَى يُوِيُور يَتُوَفَّر زَايسِن.

أَيْت-إِسْرَائِيل تَاكِين اَذ اَمْنَن

³⁷ عِيَسَى وَآخَا يِكَا اَطَّاس ن لُمْعَجِرَاث زَاثَسَن، وَار زَايس وَمِينِن. ³⁸ مَانَايَا حَمَا اَذ
يَكَمَّر اِ مِين يِنَّا نَبِي وُمي قَارَن اِ شَعِيَا:

"آي آرَبِي، اُكْ يَوْمَن سِ وَاوَار نَع؟
اِ وُومِي دِ يَسْبِين جَهْدَن وَفُوس نِ آرَبِي؟"

39 سِ مَانَايَا وَار زَمَرَن شَا اَذِ اَمْنَن مِينَرِي اِشْعِيَا يِنَّا عَاوَدِ:

40 "ئِسْضَرْغَز-يَشَن زِي ثِيَطَاوِين نَسَن،

ئِسْتَفْسَح-اَسَن وُوزَاوَن نَسَن،

حَمَا وَار تَوِيَرِين سِ ثِيَطَاوِين نَسَن،

حَمَا وَار فَهْمَن سِ وُوزَاوَن نَسَن،

بَاش وَار غَارِي دِ ذُووِين نَشِ اَثَن سَكْتَفِيغ."

41 نَبِي اِشْعِيَا يِنَّا مَانَايَا حِ عَيْسَى وَامِي يَزْرَا لَعَطْمَا نَسِ يَسْيُورِ حَاسِ نَتَا.

42 اِنْمَا يُوْدَانِ اَطَّاسِ وَاخَا زِي اَرُوَيَاسِ نَبِي وَومَن زَايسِ. وَلَكِنِ حِ سَبَابِ نِ يَفْرِيَسِينِ

وُكْتِينِ يُوْدَانِ-اَ اَتِ بَيْنِ حَمَا وَار ثَن طَرْدَن شَا زِي ثَمْرِيَدَا. 43 اَقَا رَزُوَن اَرَضَا نِ يُوْدَانِ كُتَارِ

زِي اَرَضَا نِ آرَبِي.

اَوَارَن نِ سِيذِيَتْنِغِ عَيْسَى ذِ يِنِّي اِي غَا يَحَاسَبِنِ يُوْدَانِ

44 عَيْسَى يَتَخَاطَبِ سِ جَهْدِ يِنَّا: "وَنِّي يِتَامَنَن زَايِي، مَاشِي يِتَامَنَن زَايِي يِتَامَنَن زِي وَنِّي

اِي ذَايِي دِ يَسْكَن. 45 وَنِّي اِي ذَايِي يُوَرِين، يُوَرَا وَنِّي اِي ذَايِي دِ يَسْكَن. 46 وُسيغ-دِ غَارِ

دُونَشْتِ-اَ ذِ نُورِ حَمَا وَنِّي اِي زَايِي يَوْمَنَن وَار يَتِيغِي شَا ذِي تَادَجَسْتِ. 47 وَنِّي غَا يَسْرَن

اِ وَاوَارِ يِنُو وَار دَاسِ يَطِيغِي شَا اَتَافِ نَشِ وَار ثِ تَحْسِيغِ شَا. اَقَا نَشِ وَار دِ وُسيغِ شَا اَذِ

حَاسَبِغِ دُونَشْتِ لَّا، وُسيغ-دِ حَمَا اَذِ سَنَجَمِغِ دُونَشْتِ. 48 وَنِّي اِي ذَايِي يَتَعَابِنِ نَتَا وَار

يَقْبِرِ شَا اَوَارِ يِنُو، اَتَافِ غَارِسِ وَيِ ثِ غَا يَحَاسَبِنِ. اَوَارِ-اَ اِي نَبِيغِ ذِ وَنِّي اِي ثِ غَا يَحَاسَبِنِ

ذِي نَهَارِ اَنكَارُو. 49 اَقَا وَار سِيوَرِغِ شَا زِي غَارِي لَّا، نَشِ سَاوَارِغِ نَشِ قَارِغِ زِي رُوَصِيثِ

إِي ذَابِي يُوشَا بَابَا يَعْنِي وَنِي إِي ذَابِي د يَسْكَن. 50 شْنَع رُوصِيَّت نَس نَتَاث ذ تُودَارْت ن زَبْدَا. مِين سَاوَاغ نَش، سَاوَاغ-ث عَلَا حَسَاب مَامَش إِي ذَابِي يِنَا بَابَا."

سِيذِيْنَع عِيْسَى يَسِيرِيذ يَضَارن ن يَمْحَضَارن نَس

1 قَبْر إِرْعِيذ اَمَقْرَان، نَتَا عِيْسَى يَسْن قَا زَوْقْت نَس تُووض-د اَذ يُمُوتِي زِي دُونَشْت-أ غَار بَابَاَس، نَتَا يَحَب يِنِي يَدَجَان اِكْدَس ذِي دُونَشْت، بَحَب-يْتَن اَر وَنَكَارُو. 2 قَبْر اَمْنِسِي تُوغَا اِبْرِيَس يَغَر يَهُودَا مِيَس ن سِمَعَان اِسْخَرِيُوطِي حَمَا اَذ يَزْنَر عِيْسَى. 3 تُوغَا عِيْسَى يَسْن قَا بَابَاَس يَكَا-اَس كُرْشِي ذِك يِفَاسْن نَس، يُوسَا-د زِي اَرْبِي اَذ يَدُوْر غَار اَرْبِي. 4 نِكَار خ وَمَنْسِي يَكْس شَامِير نَس، يِنْسِي يِج ن وَمَنْدِيْر يَصَار يَخْف نَس. 5 تُفْرَع-د اَمَان ذِي ثَبِيْت ذ يِنْدَا يَسِيرِيذ يَضَارن ن يَمْحَضَارن نَس، يُمَسَح-اَسْن س وَمَنْدِيْر مِيْزِي يَصَار يَخْف نَس.

6 وَاَمِي د يُوسَا غَار سِمَعَان بُطْرُس يِنَا-اَس اِ عِيْسَى: "مَا شَك آ سِيذِي اَذَابِي تُسِيْرُذذ يَضَارن يُونُو؟"

7 يِنَا-اَس عِيْسَى: "شَك زَخُو وَار تَفْهِيْمذ شَا مِين خَدْمَع، زِي سَا اَر تُسَاوْنْت عَاذ اَذ تَفْهْمذ مَا نَايَا."

8 يِنَا-اَس بُطْرُس: "بُضَارن يُونُو عَمَارَص اْتَن تُسِيْرُذذ."

يِنَا-اَس عِيْسَى: "مَرَا وَار دَاش سِيْرُذغ، وَار تُزْمَرُذ اَذ تِيْرِيذ ذ اَمْحَضَار يُونُو."

9 يِنَا-اَس سِمَعَان بُطْرُس: "آ سِيذِي، وَار يَدَجِي شَا اَذَابِي تُسِيْرُذذ يَضَارن يُونُو وَاهَا، اَذَابِي تُسِيْرُذذ وَرَا ذ يِفَاسْن يُونُو ذ وَزْدَجِيْف يُونُو."

10 يِنَا-اَس عِيْسَى: "وْنِي يَسِيرِيذِن بَرَا مَا اَذ يَسِيرُذ عَاوُذ. اَذ يَسِيرُذ يَضَارن نَس وَاهَا مِيْنَرِي نَتَا قَاع ذ اَمَنْقَاوِي. كَنْبُو مَارَا ذ يَمَنْقَاوِيْن اِلَّا يَجْن." 11 نَتَا يَسْن وَنِي اِي ث غَا يَزْنَرن، س مَا نَايِنِي يِنَا كَنْبُو وَار تُدَجِيْم شَا مَارَا ذ يَمَنْقَاوِيْن.

12 وامي داسن يسيرد يضاران نسن، نِكا شامير نس يقيم عاوذ ينا-اسن: "ما نفهم مين داوم كيغ؟" 13 كنيو تفارم-ايي آل معلّم نغ آ سيدي، كنيو غاروم زحق مينري نيشان قا ذ نش. 14 مزا نش اكي يدجان ذ سيديثوم او ذ لمعلّم نوم سيرذغ-اوم يضاران نوم، يتخصّصا زآ ذ كنيو آذ تسيردم يضاران ا واياويا. 15 كيغ-اوم امو حما آذ تكّم مين كيغ نش. 16 آقا تسّرام زحق: اخلّام وار يدجي بو ذ امقران زك ووقاف نس. امسّخار وار يدجي بو ذ امقران زك وني اي نيد يسكن. 17 زخو تشنم مانايا، سعذ نوم مزا تكّم مين داوم نيغ. 18 نش وار سيويغ شا خام مارا، نش شنغ ووك ينضارغ. زخو لاابد آذ يكمر مين د يوسين ذي لكتاب: 'وني يشين زك وغرؤم ينو، يووث-ايي س وينرز نس'. 19 سخبارغ- كنيو س مانايا قبر ما آذ يوقع، خمي غا يوقع آتاف آذ تامنم قا ذ نش اكي يدجان. 20 آقا تسّرام زحق: وني يقبرن وني اي د غا سّكغ، آقا يقبر-ايي. وني ذايي يقبرن، آقا يقبر ورا ذ وني اي ذايي د يسكن."

21 وامي ينا عيسى مانايا، يخيق ذي نفس نس ينا-اسن-ت نيشان: "آقا تسّرام زحق: يجن زايوم آذايي يزّن."

22 امحصاران نس خزن ذك واياويا وار سينن وني ميخف يساواز. 23 ذني يج ن ومحصار نس يعيزّ خاس خ عيسى آطاس، نتا يقيم اك وغرذيس نس. 24 يشيار-اس سمعان بطرس ينا-اس: "سفسا-ت مين يعنا وني ميخف يساواز."

25 يمير غار عيسى ينا-اس: "آ سيدي، مين يعنا؟"

26 ينا-اس عيسى: "آذ سپسنگ ارفوز-ا ن وغرؤم، وني وامي غا ث وشنغ ذ نتا. "يسيسن ارفوز ني ن وغرؤم، يوشا-اس-ث ا يهوذا ميس ن سمعان اسخريوطي. 27 وامي يطف ارفوز ني ن وغرؤم يهوذا زخدنيت يوذف-يث شيطان. ينا-اس عيسى: "ذغيا، اكي مين غا نكد."

28 وار يفهم ورا ذ يجن زك يني اي دين يحصاران خ مين داس ينا. 29 تغير-اسن ا زبعاض قا ينا-اس آذ يسغ مين حداجن ذي زعيد نغ آذ يسدق خ يمسمعان مينري يهوذا

مكلف خ وشموس ن تمثيات. 30 وامي يطف ارفوز ني ن وغروم صافي بفع. رخدنيث
تووض-د تمديث.

سيديتنغ عيسى يسرماذ يج ن زوصيٲ ذ جذيد

31 وامي يفع ياهودا ينا عيسى: "رخو يتواسمعار ميس ن بنادم، يتواسمعار س ميس ورا
ذ اربي. 32 مرا اربي يتواسمعار س ميس، اتاف اث يسمعار عاوذ اربي ذك بيخف نس،
او ذغيا اث يسمعار. 33 آ ثاروا ينو، تقيم ذرؤست ن زوقث باش اذ يريغ اكذوم. اخافي
ترزوم. مين نيغ نش ايسرائيليين اذوم ت بينغ رخو اكنيو: ماني غا راحغ نش، وار ترمرم
اذ د تاسم ذني. 34 رخو تيشغ-اوم يجن ن زوصيٲ ذ جذيد: حبث اياويا. او حبث اياويا
مامش كنيو جينغ نش. 35 مرا كنيو تحبم اياويا، اتاف اذ سنن مارا قا كنيو ذ يمحصارن
ينو."

36 ينا-اس سمعان بطرس: "ماني غا تراحد آ سيدي؟"
ينا-اس عيسى: "ماني غا راحغ نش، رخو وار ترمرذ شا اذايي نذفارذ ذني. ولكن عاذ
اذايي د نذفارذ."
37 ينا-اس بطرس: "آ سيدي، مايي وار زمرغ اش ذفارغ رخو؟ نش اخاك سبرغ ثوذارث
ينو!"

38 بندق-د عيسى ينا-اس: "ما ذ صح اخافي تسبذ ثوذارث نش؟ اقا تسبذ رحو:
اذايي نكارذ ثرانا ن ثواراين قير ما اذ يدن وياريض."

سيديتنغ عيسى نئا ذ ابريد غار اربي

1 "نتحصا كنيو وار ثخيقتن شا ووزاون نوم. امنث زي اربي، امنث عاوذ زايي.
2 ثذارث ن بابا ذايس اطاس ن يخامن. معليك وار يدجي شا امي، ازي
نيغ-اوم-ت. اذ راحغ نش اذوم سوجذغ امشان. 3 خمي غا راحغ اذوم سوجذغ امشان

نِّي، اَذ د ذورغ عاوذ اكنيو يسيع اكدِي حَمَا اذ تيزيم كنيو ماني غَا يريغ نش. 4 ماني غَا راحغ تشنم ابريد.

5 يِنَا-آس طُوْمَا: "آ سِيذِي، وَار نَسِين شَا مَانِي غَا ثَرَاَحْد، مَامَش غَا نَسِن اَبْرِيذ؟"

6 نِدَق-د عِيَسَى يِنَا-آس: "نش ذ اَبْرِيذ، نش ذ لَحَقِيْقَا، نش ذ نُودَاَرْت. وَار د يَتِيَس وَرَا ذ يَجَن غَار بَابَا اِلَا زَايِي. 7 مَرَا تشنم-آيِي، اَتَاَف اذ تشنم رَا ذ بَابَا عَاوَذ. قَا رَحُو تشنم-ث تُوْرِيَم-ث."

8 يِنَا-آس فِيلِيْپَاَس: "آ سِيذِي، سَطْهَار-اَنغ-د بَابَاَش اُو صَاْفِي يَكْفَا-يَاَنغ."

9 يِنَا-آس عِيَسَى: "قَاع زُوْقْت-اُ اِي كِيوم كِيغ عَاذ وَار ذَايِي تشنم آ فِيلِيْپَاَس؟ وَنِي ذَايِي يُوْرِيَن، يُوْرَا بَابَا. مَائِي تَتَاَرذ-آيِي اَذَاوم د سَطْهَارغ بَابَا؟ 10 مَا وَار تِيْمَنذ بَلِي نش آقَايِي ذِي بَابَا، بَابَا آقَاث ذَايِي؟ اُوَاژن اِي ذَاوم قَاَرغ وَار ثن قَاَرغ شَا نش، ذ بَابَا اِي ذَايِي اِي ثن يَقَارَن. نَتَا يَخْدَم رَحْدَايِم نَس. 11 اُمْنَم-آيِي نش آقَايِي ذِي بَابَا، بَابَا آقَاث ذَايِي، نغ اُمْنَم زِي رَحْدَايِم نِي س يِيخَف نَسْت. 12 اَقَا تَسْرَام رَحَق: وَنِي زَايِي يُوْمَنَن، اَتَاَف اذ يَك رَحْدَايِم اِي خَدْمَغ نغ كَتَار مِيْنَزِي نش كُوْرغ غَار بَابَا. 13 مَارَا مِيَن غَا تَتَارم ذَك يِيَسَم يُو اَث خَدْمَغ حَمَا اذ يَتُوَاَسْمَعَار بَابَا س مِيَس. 14 مِيَن ذَايِي غَا تَتَارم ذَك يِيَسَم يُو، اَث خَدْمَغ."

سِيذِيْتِنَغ عِيَسَى يَسْرَمَاذ خ اَرُوَح يِقْدَسَن

15 مَرَا تُحِيْبِيَم-آيِي كَنِيُو، كَث زِي زُوْصِيَاث يُو. 16 نش اذ تَارغ اِبَابَا حَمَا اَذَاوم يُوْش لُمَعَاوِن تَعْنِي حَمَا اَكْدُوْم يِيْتِيْزِي اِرْبَدَا. 17 لُمَعَاوِن نَتَا ذ اَرُوَح ن لَحَقِيْقَا. وَار تَرْمَر دُوْنَشْت اَث تَقْبَر، مِيْنَزِي نَتَاث وَار ث تُوِيْزِي شَا وَار ث تشنم شَا. وَلكِن كَنِيُو تشنم-ث مِيْنَزِي يَقِيْم اَكْدُوْم اُو اذ يِيْزِي ذَايُوْم. 18 وَار كَنِيُو تَجِيْع شَا ذ يُوْجِيْزَن، اَعَاَرُوْم د عَقْبَغ. 19 شُوِيْت ن زُوْقْت اِك يَقِيْمَن وَار ذَايِي تَرْمَر بُو دُوْنَشْت، وَلكِن كَنِيُو اَذَايِي تَرْم. وَامي نش دَرغ، وَرَا ذ كَنِيُو اذ تَدْرَم. 20 ذِي نَهَار نِي اذ تشنم بَلِي نش آقَايِي ذِي بَابَا، كَنِيُو ذَايِي، نش ذَايُوْم."

21 وئِي غَار دَجَانَت زُوصِيَاث يُونُو يَخْدَم زَائِسْنَت، أَتَاف يَنْجَبَا-أَيِي. وئِي ذَائِي يَنْجَبَانَ،

أَتَاف أَث يَحِبُّ وُزَا ذ بَابَا. أَث جِيغ وُزَا ذ نَش، أَدَاس د سَطَهَارغ يَخْف يُونُو."

22 يِنَا-أَس يَهُودَا (مَاشِي يَهُودَا إِسْحَرِيُونُو): "آ سِيذِي، مَائِي غَا د نَسَطَهَارذ يَخْف

نَش إِ نَشِين، دُونَشْت لَأ؟"

23 يِنَا-أَس عِيَسَى: "وئِي ذَائِي يَنْجَبَانَ، أَتَاف أَذ يَخْدَم زَكِّ وَاوَاز يُونُو. أَث يَحِبُّ بَابَا،

أَنزَاح غَارَس نَش ذ بَابَا، غَارَس إِ غَا نَزْدَغ. 24 وئِي وَار ذَائِي يَنْجَبِين، أَتَاف وَار يَخْدَم

شَا زَكِّ وَاوَاز يُونُو. أَوَاز-أَ إِ تَسْرَام وَار دَجِين شَا يُونُو لَأ، ن بَابَا إِ ذَائِي-د يَسْكَن.

25 نِمَسْرَايِين-أَ نِيغ-أوم-تنت أُو نَش عَاذ أَقَائِي أَكِدوم. 26 لَمُعَاوَن نِي نَتَا ذ أَرُوَح يَقْدَسَن،

أَيِذ يَسْك بَابَا خ يِيَسَم يُونُو أَدَوم يَسْرَمذ كُرْشِي أَكْنِيو يَسْفَكَر مَارَا مِين دَاوم نِيغ.

27 تِيغ-أوم زَهْنَا، تِيغ-أوم زَهْنَا يُونُو. وَار دَاوم ث تِيغ شَا م ث تِيغ دُونَشْت.

نِيخَصَا وُزَاوَن نَوْم وَ تَخِيِغَن وَار تَكُوذَن شَا. 28 تَسْرَام قَا نِيغ-أوم: نَش أَذ وُيُورَغ، أَذ د

عَقْبَغ غَاروم. مَزَا نَحِيِم-أَيِي، أَتَاف كْنِيو أَذ تَفْرَحَم بَلِي أَذ رَاغ غَار بَابَا مِينَزِي بَابَا ذ

أَمْقَرَان خَافِي. 29 نَش نِيغ-أوم-ت زُخُو قَبْر مَا أَذ يَوْعَغ، بَاش خَمِي غَا يَوْعَغ كْنِيو أَذ تَامَم.

30 وَار كِوم سِيوِيرَغ شَا نَش عَاذ أَطَاس مِينَزِي لَمْفَسِيدَر نِي أَمْقَرَان دُونَشْت-أَ يِتَاس-د.

وَار غَارَس بُو تِيَزَمَار خَافِي. 31 لَأ، نَش تَكْغَ زِي مِين ذَائِي يَوْصَا بَابَا حَمَا دُونَشْت-أَ أَذ

تَسَن قَا نَش تَجْبِيغ بَابَا. كَارْت سَانِيَتَا، يَالَه أَ نَرَاَحَم."

سِيذِيَنَغ عِيَسَى نَتَا ذ أَرَوَار ن زَفْرَاَحْت نَغ

1 "نَش ذ نَزَايَارْت وَصِيَز ذ صَح. بَابَا ذ بَاب ن نَزَايَارْت وَصِيَز. 2 كُرْ أَكْشُوَض

إِي د يَفْعَن زَائِي وَار يَتِيرُو شَا يَزْكُونَن وَ وَصِيَز أَث يَقَس بَابَا. أُو كُرْ أَكْشُوَض

إِكْ يِتَارُون يَزْكُونَن وَ وَصِيَز أَث يَزْبَار حَمَا أَذ د يَزِي يَزْكُونَن نَغِي. 3 كْنِيو ذ يَمْنَقَاوِين

ذَكِّ وَ سَرَمَاذ إِ ذَاوم نِيغ. 4 قِيَمْت ذَائِي، نَش أَذ قِيَمَغ دَاوِم. أَمَشْنَاو أَكْشُوَض نِي وَار

15

يَزْمَرُ أَذْ يَارُو يَزْكَوْنَن رِزْكَ يِيخْف نَسَّ إِلا مَرَا يِقِيْمَ ذِي نُرَايَارْت، أُورَا ذ كَنِيُو وَار نُرْمَرَم شَا
إِلا مَرَا نَقِيْمَم ذَايِي .

5 نش ذ نُرَايَارْت وَصِيْر، كَنِيُو ذ يِكْشُوْضَن . وَنِي يَنْعِيْمَان ذَايِي أُو نَش تَغِيْمِيغ ذَايِس،
أَتَاْف نَتَا أَذْ يَارُو يَزْكَوْنَن ن وَصِيْر أَطَاس رَاْحَقَاش كَنِيُو بَرَا زَايِي وَار نُرْمَرَم أَذْ تَكْم وَالُو .
6 مَرَا شَان يِجَن وَار يِقِيْم شَا ذَايِي، أَتَاْف أَذْ يَمْنَضَار غَار بَرَا أَمَشْنَاو يِكْشُوْضَن يُوزْغَن،
أَتْن سَمُوْنَن أَتْن كُنْ ذِي تَمْسِي أَذْ شَمْضَن . 7 مَرَا نَقِيْمَم ذَايِي نَكِيْم رِزْكَ وَاوَاز يُو، أَتَاْف
مِيْن مَا نَتَارَم أَغَارُوْم يِيْزِي . 8 أَذْ تَارُوْم يَزْكَوْنَن أَطَاس، أَذْ تِيْرِيْم ذِي يَمْحَضَارَن يُو . س مَانَايَا
يَتُوَاسْمَعَار بَابَا .

9 نش نَجِيْبِيغ-كَنِيُو أَمَشْنَاو مَامَش ذَايِي يَنْجَبَا بَابَا . إِزِيْث ذِي زَمْحِيْبِيْث يُو . 10 مَرَا نَخْدَمَم
زِي زُوْصِيَاْث يُو، أَتَاْف أَذْ تِيْرِيْم ذِي زَمْحِيْبِيْث يُو أَمَشْنَاو مَامَش كِيْغ نَش زِي زُوْصِيَاْث ن
بَابَا، أَقَايِي ذِي زَمْحِيْبِيْث نَس . 11 نِيْغ-أُوْم مَانَايَا حَمَا أَذْ تِيْرِي ذَايُوْم زَفْرَاْحْث يُو، حَمَا أَذْ
تِيْرِي زَفْرَاْحْث نُوم تَعْمَر . 12 زُوْصِيْث يُو ذ ثَانِيْتَا: 'حَبْث أَيَاوِيَا مَامَش كَنِيُو تَجِيْبِيغ نَش'.
13 وَار ذِي بُو زَمْحِيْبِيْث كَنَار زِي تَنِي ن بِنَاذَم أَذْ يَسْبَر تُوْذَارْت نَس عَلَاْحَسَاب يِمْدُوْكَاز
نَس . 14 مَرَا تَكْم زُوْصِيَاْث يُو، أَتَاْف كَنِيُو ذ يِمْدُوْكَاز يُو . 15 وَار يِقِيْم عَاذْ أَدَاوْم سَمِيْغ
يَخْدَامَن مِيْنَزِي أَخْدَام وَار يَسِيْن شَا مِيْن يِتْكَ وَوَقَاف نَس . كَنِيُو أَدَاوْم سَمِيْغ يِمْدُوْكَاز يُو
مِيْنَزِي نِيْغ-أُوْم مَارَا مِيْن سَرِيْغ زِي بَابَا . 16 مَاشِي ذ كَنِيُو إِي ذَايِي يَخْضَارَن لَّا، ذ نَش إِي
كَنِيُو يَخْضَارَن، كَلْفَغ-كَنِيُو حَمَا أَذْ تَرَاْحَم أَذْ تَارُوْم يَزْكَوْنَن، حَمَا يَزْكَوْنَن نُوم أَذْ قِيْمَن إِ
زَبْدَا . أَمُو، أَدَاوْم يُوش بَابَا مَارَا مِيْن غَاْث نَتَارَم ذَكْ يِيْسَم يُو . 17 ذ نَا ذ زُوْصِيْث يُو،
يَعْنِي أَذْ نَجَبَم أَيَاوِيَا .

سِيْدِيْتِنَغ عِيْسَى يِسزْ عَام يِمْحَضَارَن نَس

18 مَرَا دُوْشْت تَعِيْفَا-كَنِيُو، فِكَاْرْت قَا نَش تَعِيْفَا-أَيِي قَبْر إِ كَنِيُو . 19 مَعْلِيْكَ كَنِيُو زِي
دُوْشْت-أ، إِزِي كَنِيُو نَعِيْرَم خ دُوْشْت-أ . وَلَكِن كَنِيُو وَار نَدَجِيْم بُو زِي دُوْشْت . نَش

يخضارغ-كښو زي دُونشت-أ، س مانايي نعيماً-كښو دُونشت. 20 فكارث ذك وَاوَازِ اِي
 ذَاوَم نِيغِ عِنِي اَخْدَام وَاَرِ يَدَجِي بُو ذَا اَمَقْرَان زَك وُوقَاف نَس. مَرَا عَدْبَن-اِي، اَتَا ف اَكښو
 عَدْبَن. مَرَا سَرِين اِ وَاوَازِ يُون، اَتَا ف اَذ سَرِن عَاوِذ اِ وَاوَازِ نُوْم. 21 نَشِينِي تَكْن-اَوَم مَانَايَا
 مَارَا خ سَبَاب ن يِسَم يُون مِينَزِي وَاَر سِينِن شَا وُنِي اِي ذَايِي د يِسَكْن. 22 مَعْلِيك وَاَر د
 وُسِيغ سَبُوْرغ اِكْذَسِن، اَتَا ف وَاَر غَارَسِن بُو زَمْعَصِيْث. وَلَكِن زُخُو وَاَر غَارَسِن بُو لُعْذَر
 خ زَمْعَصِيْث نَسِن. 23 وُنِي اِي ذَايِي يَتَعِيْفَان، اَتَا ف يَتَعِيْفًا رَا ذَا بَابَا عَاوِذ. 24 مَعْلِيك وَاَر
 خَلْذِيْمِغ اِكْذَسِن لَمُعْجِيْزَات وَاَر ثَنَت يَخْذِيْم وُزَا ذ يَجْن اِلَا نَش، اَتَا ف وَاَر غَارَسِن بُو
 زَمْعَصِيْث. وَلَكِن زُخُو نَشِينِي زُرِين لَمُعْجِيْزَات يُون عِيْقِن-اِي وُزَا ذ نَش وُزَا ذ بَابَا. 25 مَانَايَا
 يُوْقَع حَمَا اَذ يَكْمَز وَاوَازِ اِكْ يُوْرِين ذِي شَرِيْعَا نَسِن وَاْمِي يَنَّا قَا عِيْقِن-اِي بَرَا سَبَاب'.
 26 اَذ د يَاس لَمُعَاوِنِ عِنِي اَرُوْح ن لَحَقِيْقَا. اَذَاوَم ثِيْذ سَكْغ نَش زِي بَابَا اُو نَتَا يَفْغ-د زِي
 بَابَا. خُمِي د عَا يَاس، اَخَافِي يَشْهَذ. 27 اَذ تَشْهَذَم وُزَا ذ كښو عَاوِذ مِينَزِي اَقَا كښو اِكْذِي
 زَك وَمَزُوْرُو. 1 "نِيغ-اَوَم مَانَايَا حَمَا وَاَر نَسْمَحَم شَا ذِي لِيْمَان نُوْم. 2 اَكښو
 طَرْدِن زِي ثَمَزِيْدَاوِين. عَاذ اَذ د تَاس زُوْقْث اَدَاس يَتَغِيْر اِ وُنِي اِي كښو عَا يَنْغِن
 بَلِي يَتَكْ لَاجَار اِ اَرْبِي. 3 نَشِينِي تَكْن مَانَايَا مِينَزِي وَاَر سِينِن بَابَا، وَاَر ذَايِي سِينِن رَا ذ نَش.
 4 قَا نِيغ-اَوَم ثِمَسْرَايِين-اِ زُخُو بَاش مَزْمِي د عَا تَاس زُوْقْث، اَذ تَعَقْرَم بَلِي نِيغ-اَوَم-ثَنَت نَش.
 ذَك وَمَزُوْرُو وَاَر ذَاوَم نِيغ شَا ثِمَسْرَايِين-اِ مِينَزِي نَش اَقَايِي اِكْذُوْم.

16

سِيْدِيْنِيْغ عِيْسَى يِسْرَمَاذ خ زُخْذَمْت ن اَرُوْح يَقْدَسِن

5 زُخُو نَش اَذ رَاَحْغ غَار وُنِي اِي ذَايِي د يِسَكْن، وَلَكِن كښو وُزَا ذ يَجْن زَايُوْم وَاَر
 ذَايِي يَسْتَقْسِي مَانِي عَا رَاَحْغ. 6 وَاْمِي ذَاوَم نِيغ مَانَايَا، وُزَاوِن نُوْم ذَايَسِن زَحْرِيْق اَطَاس.
 7 اَقَا تَسْرَام زَحَق: حَسِن اِ كښو اَذ رَاَحْغ. مَرَا وَاَر رُوْحْغ شَا، اَتَا ف وَاَر غَارُوْم د يَتِيْس
 بُو لَمُعَاوِن نِي. وَلَكِن مَرَا رُوْحْغ، اَتَا ف اَذَاوَم ثِيْذ سَكْغ. 8 خُمِي د عَا يَاس، اَذ يَسْبِيْن اِ
 يُوْذَان ن دُونَشْت غَلْطِن خ زَمْعَصِيْث ذ مِيْن يَصْرَحَان ذ لِحْسَاب. 9 غَلْطِن خ زَمْعَصِيْث

نسن مینزي نیشی وار زایي تیمنن شا. ¹⁰ غلطن خ مین یصرحان مینزي کورغ غار بابا، وار ذایي ترم شا زی سا آر سناوت. ¹¹ او غلطن خ لحساب مینزي لمفسیدز نی امقران ن دُونشت-أ يتواحكم.

¹² غاري اطات ن تمسزایین اداوم ثنت پیغ، ولکن زخو قسحنت خام. ¹³ خمی د غا یاس اروح ن لحقیقا، اتاف اداوم د یسینن لحقیقا تکمز. افا نتا وار یسویز شا زک ییخف نس، یساوازا الا زی مین داس غا یینی اربی. اداوم یخبر ذی تمسزایین ای د غا یاسن. ¹⁴ نتا ای ذایي غا یسمغان مینزي یکسی زی مین غاری، اداوم یخبر زایس. ¹⁵ مارا مین غارس غار بابا، غاری ورا ذ نش. س مانایا نیغ-اوم بلی نتا یکسی زی مین غاری، اداوم یخبر زایس.

سیدینغ عیسی یسوجاد یمحضارن خ ووفوغ نس

¹⁶ یتا-اسن عیسی: "شویت ن زوقث وار ذایي ترم شا، شویت ن زوقث عاذ اذایي ترم."

¹⁷ نان زبعض یمحضارن نس جاراسن: "مین یخس اذ یینی س واوز-ا؟ تقار-انغ شویت ن زوقث وار ذایي ترم شا، شویت ن زوقث عاذ اذایي ترم. عاود یقار، زاحقاش نش اذ راحغ غار بابا." ¹⁸ قارن: "مین یخس اذ یینی زمعنا ن شویت ن زوقث؟ وار نفهیم شا مین یقار."

¹⁹ نسن عیسی قارزون ات سقسان، یتا-اسن: "مایمی تسقسام آیاوبا خ واوز ای اداوم نیغ: شویت ن زوقث وار ذایي ترم شا، شویت ن زوقث عاذ اذایي ترم؟" ²⁰ افا تسزام زحقیق: کئیو اذ تروم اذ تحزنم، ولکن دُونشت اذ تفرح. کئیو اداوم ییری زحریق، ولکن زحریق نوم اذ یدوز ذ زفراحت. ²¹ تمعارث خمی تارو، یتیری دایس زحریق زاحقاش زوقث نس ثووز-د. ولکن خمی غا تارو آسیمی، وار تفکیر شا عاذ ذی زحریق نی س

زَفْرَاحَت نَس مِيزِي نُورُو-د يَج ن وَسِيْمِي غَار دُونَشْت. 22 وُزَا ذ كَنِيو دَايَوْم زَحْرِيَق زَخُو،
وَلَكِن اَكْنِيو زُرْغ عَاوُذ. زَخْدِيْت اَذ نَفْرَحَم س وُوزَاوَن نَوْم، وَار دَاوَم يَتَكْس زَفْرَاحَت نَوْم
حَد.

23 ذِي نَهَار نِي اِي د غَا يَاسَن كَنِيو وَار دَايِي تَسْقَسِيْم خ وَالُو. اَقَا تَسْرَام زَحَق: بَابَا
اَدَاوَم يُوْش مَارَا مِين دَاس غَا تَتَارَم ذَك يِيَسَم يُو. 24 حَتَا اَز زَخُو وَار تَتَارَم وَالُو ذَك يِيَسَم
يُو. تَارْت اَذ تَافَم، اَتَاف زَفْرَاحَت نَوْم اَذ تِيَزِي تَكْمَز.

25 سِيُوْرَغ-اوم مَانَايَا س زَمْعَانِي. اَذ د تَاس يِجَن ن زُوَقْت وَار كِيْدوم سِيُوِيَزَغ شَا س
زَمْعَانِي، اَدَاوَم خَبْرَغ خ بَابَا س وَاَوَازَن نِيَشَان بَرَا زَمْعَانِي. 26 ذِي نَهَار نِي كَنِيو اَذ تَتَارَم اِ
بَابَا ذَك يِيَسَم يُو. قَارَغ-اوم بَلِي مَاشِي ذ نَش اِي غَا يِتَارَن ذَك وَمَشَان نَوْم. 27 مِيزِي
بَابَا س يِيَخَف نَس يِتَجَبَا-كَنِيو وَامِي دَايِي نَجَبَم، تُومَنَم بَلِي نَش فُغَغ-د زِي اَرْبِي. 28 فُغَغ-د
زِي بَابَا وَضَغ-د غَار دُونَشْت-ا. اَذ وُيُوْرَغ زِي دُونَشْت-ا اَذ عَقْبَغ عَاوُذ غَار بَابَا."

29 نَان-اَس يِمَحْضَارَن نَس: "زَخُو شَك شَاوَازَد نِيَشَان، وَار يِدْجِي شَا س زَمْعَانِي.
30 زَخُو نَشِين نَتَوَازَا بَلِي تُسَنَد كُرْشِي وَار نَحْدِيَجَد وَي ش غَا يَسْقَسَان. س مَانَايَا نَوْمَن
بَلِي تُوسِيَد-د زِي اَرْبِي."

31 يُنْدَق-د عِيَسَى يِنَا-اَسَن: "زَخُو اِي تُومَنَم نَغ؟ 32 اَذ د تَاس يِجَن ن زُوَقْت اَقَا زَخُو
تُوْسَا-د، اَذ تَمَزْدَجَاعَم كَنِيو كُر يِجَن زَايَوْم اَذ يِرَوَاح. اَدَايِي تُسَمَحَم اَذ يِرِيَغ وَاحْدِي،
وَلَكِن وَار تِيَزِيغ بُو وَاحْدِي مِيزِي بَابَا اَقَاث اَكْدِي. 33 قَارَغ-اوم مَانَايَا حَمَا اَذ تِيَسِيْم زَايِي
زَهْنَا. ذِي دُونَشْت-ا تَايِنَا اَحَاوَم تَك دَايَس تَمَارَا، وَلكِن شَجْعَث يِخَف نَوْم اَقَا نَش رِبْغ
دُونَشْت-ا."

سِيْدِيَتَغ عِيَسَى يِتْرَاذَجَا عَلَاخَسَاب يِمَحْضَارَن نَس اَذ يِرِيَن ذ يِجَن

1 وَامِي سِيُوْرَغ عِيَسَى زِي مَانَايَا، يُسِي يِطَاوِين نَس غَار وَجَنَّا يِنَا: "آ بَابَا،
تُوُوس-د زُوَقْت. سَمْعَار مِيَش حَمَا اَش يِسْمَعَار. 2 مِيزِي تُوشِيَد-اَس جَهْد خ

كُرْ بِنَادِمَ حَمَا اَدَّ يُوْشَ تُوْدَارْتِ نَ زَبْدَا اِ مَارًا بِنِي اِي دَاسَ تُوْشِيْدَ. ³ تُوْدَارْتِ نَ زَبْدَا ذِ
تَا يَعْني اَشَ سُننَ بَلِي شَكْ ذِ اَرَّبِي نِيْشَانِ وَاَحْدَشَ، اَدَّ سُننَ عَاوَدَ عِيْسَى لَمْسِيْحَ يَعْني
وَنِي اِي تَسْكَدْ. ⁴ نَشَ سَمْعَارْ-غ-شَ دَا ذِي تُمُوْرْتِ، كَمْرَغَ رُحْدَمْتِ اِي دَايِي تُوْشِيْدَ.
⁵ سَمْعَارْ-اِي رُخُوْ اَكِيْذْ آ بَابَا سَ لُعْظَمَا نِي تُوْغَا غَارِي وَاْمِي دَجِيْغَ اَكِيْذْ قَبْرَ مَا تِيْرِي
دُوْنَشْتِ.

⁶ سَبِيْع-دِ يِسْمَ نَشَ اِ يَمْحَضَارنَ-اِ اِي دَايِي تُوْشِيْدَ زِي دُوْنَشْتِ-اِ. شَكْ نَدَجِيْدَ ذِ بَابِ
نَسْنِ قَبْرَ، تُوْشِيْدَ-اِي-نِ، قَا طَاعِنِ اِ وَاوَازِ نَشَ. ⁷ رُخُوْ سُننَ بَلِي مَارًا مِيْنِ دَايِي تُوْشِيْدَ
يُوْسَا-دِ زِي غَارِكِ. ⁸ مِيْنَزِي نَشَ سِيوُضِع-اَسْنِ اَوَازِ اِي دَايِي تُوْشِيْدَ، نِئْنِي قَبْر-نِ. سُننَ
ذِ صَحْ بَلِي نَشَ زِي غَارِكِ اِي دُ وُسِيْعَ، وُْمْنِ عَاوَدَ بَلِي ذِ شَكْ اِي دَايِي دِ يِسْكَنِ.
⁹ تَتَارْغَ عِلَاْحَسَابِ اِ نِئْنِي. وَاَر تَتَارْغَ شَا عِلَاْحَسَابِ اِ دُوْنَشْتِ-اِ لَّا، تَتَارْغَ عِلَاْحَسَابِ اِ
بِنِي اِي دَايِي تُوْشِيْدَ مِيْنَزِي نِئْنِي نَشَ. ¹⁰ كُرْشِي مِيْنِ غَارِي، غَارِكِ. اُو كُرْشِي مِيْنِ غَارِكِ،
غَارِي. نَشَ تَوَاسْمَعَارْغَ زَايِسْنِ. ¹¹ وَاَر تَغِيْمِيْغَ شَا نَشَ ذِي دُوْنَشْتِ، اَدَّ قِيْمِنِ نِئْنِي دَايِسِ
اُو نَشَ كُوْرْغ-دِ غَارَشَ. آ بَابَا يَصْفَانِ، حُضَا-نِ سِ يِسْمَ نَشَ اِي دَايِي تُوْشِيْدَ حَمَا اَدَّ
يِيْرِنِ ذِ يَجْنِ اَمَ نَشِيْنِ. ¹² وَاْمِي كِيْدَسْنِ دَجِيْغَ، حَفْضِعَ حَاسْنِ سِ يِسْمَ نَشَ اِي دَايِي
تُوْشِيْدَ. اُو حُضِيْغ-نِ، وُزَا ذِ يَجْنِ مَا يُوْدَارْ غِيْرِ وَنِي تُوْغَا يُوْدَارْنِ حَمَا اَدَّ يَكْمَرْ مِيْنِ يِقَارِ
لِكِتَابِ.

¹³ رُخُوْ كُوْرْغ-دِ غَارِكِ. سَاوَازِغَ اَوَازِن-اِ اُو نَشَ عَاذِ اَقَايِي ذِي دُوْنَشْتِ حَمَا اَغَارَسْنِ
تِيْرِي زَفْرَاْحْتِ يُوْ تَكْمَرْ. ¹⁴ سِيوُضِع-اَسْنِ اَوَازِ نَشَ اِ يَمْحَضَارنَ يُوْ، نِئْنِي عِيْقِن-نِ يُوْدَانِ
مِيْنَزِي وَاَر دَجِيْنِ شَا زِي دُوْنَشْتِ-اِ اَمَشْنَاوِ نَشَ وَاَر دَجِيْغَ شَا زِي دُوْنَشْتِ. ¹⁵ نَشَ وَاَر
دَاشَ تَتَارْغَ شَا اَتْنِ تُسُوْفَعْدَ زِي دُوْنَشْتِ-اِ لَّا، تَتَارْغ-اَشَ اَتْنِ تَحْضِيْدَ زِي شَرْ. ¹⁶ نِئْنِي وَاَر
دَجِيْنِ شَا زِي دُوْنَشْتِ، اَمَشْنَاوِ نَشَ وَاَر دَجِيْغَ شَا زِي دُوْنَشْتِ. ¹⁷ صَفَا-نِ سِ لَحَقِيْقَا،
اَوَازِ نَشَ نَتَا اِي يَدَجَانِ ذِ لَحَقِيْقَا. ¹⁸ مَامَشَ دَايِي تَسْكَدْ شَكْ غَارِ دُوْنَشْتِ، وُزَا ذِ نَشَ

سَكَّغ-ثَن غَار دُونَشْت. 19 نش صَفِيغ يَخْف يُو خ سَبَاب نَسَن حَمَا اذ تَوَاصِفَان وُزَا د نَبْنِي عَاوَد س لَحَقِيَقَا.

20 وَار تَتَارَغ شَا عَلَا حَسَاب اِ بَنْنِي وَاهَا، تَتَارَغ عَلَا حَسَاب اِ بِنِي اِي غَا يَقْبُرَن اَوَاژ نَسَن حَمَا اذ اَمْنَن زَايِي. 21 حَمَا اذ يَزِين مَارَا د يَجَن آ بَابَا، اَم شَك اَقَاش دَايِي نَش اَقَايِي دَايِك. حَمَا اذ يَزِين نَبْنِي عَاوَد د يَجَن دَايِنَغ. حَمَا اذ اَمْنَن يُوذَان قَا د شَك اِي دَايِي د يَسَكَن. 22 نَش وُشِيغ-اَسَن لَعَطْمَا اِي دَايِي تُوشِيذ حَمَا اذ يَزِين د يَجَن اَم نَشِين د يَجَن. 23 شَك اَقَاش دَايِي نَش اَقَايِي دَايِنَسَن، حَمَا اذ مُونَن اذ يَزِين د يَجَن. حَمَا اذ سَنَن يُوذَان قَا شَك تَسَكَّد-اِي-د غَار يَمْحَضَارَن-اُ اُو تَحْبِيذ-ثَن اَمَشْنَاو مَامَش دَايِي تَحْبِيذ نَش.

24 آ بَابَا، يِنَا دَايِي تُوشِيذ حَسَغ اذ يَزِين اَكِذِي مَانِي مَا دَجِيغ نَش حَمَا اذ زَرَن لَعَطْمَا يُو اِي دَايِي تُوشِيذ مِينَزِي شَك تَحْبِيذ-اِي قَبَرِ مَا اذ تِيَزِي دُونَشْت. 25 آ بَابَا يَدَجَان نِيشان، دُونَشْت وَار ش تَسِين شَا وَلَكِن نَش قَا سَنَغ-ش. يِنَا اَكِذِي سَنَن قَا تَسَكَّد-اِي-د شَك. 26 نَش سَبِيغ-اَسَن-د يَسَم نَش اُو عَاذ اَث سَبِيغ حَمَا اذ اَيِنَسَن تِيَزِي زَمَحِيبَت نِي اِي زِي دَايِي تَحْبِيذ، اذ اَيِنَسَن يَزِيغ نَش س يِيخْف يُو.

يَسَرَايِيلِيِن د يَرُوْمَانِيِن تَطْفَن سِيذِيئَنغ عِيَسَى

18 1 مُنْبَعْد اِ تَزَادَجِيث نِي، يَفْع عِيَسَى اَك يَمْحَضَارَن نَس زُوَان يَغْزَارَن قِيْدَرُوْن. دُنِي يِيح ن جَرْدَا، وُذْفَن دَايس نَتَا د يَمْحَضَارَن نَس. 2 تُوْغَا يَهُودَا وُنِي اِي ث غَا يَزِنَن يَسَن اَمَشَان نِي مِينَزِي عِيَسَى تُوْغَا يَتَمَرَفَا دُنِي اَطَاس اَكذ يَمْحَضَارَن نَس. 3 صَافِي، يُوْسَا-د يَهُودَا غَار جَرْدَا نِي يُوْوي-د اَكِذَس زَعَسْكَار، تُوَاسَكَن اَكِذَس عَاوَد شَان ن يِعَسَاسَن زَكْ يَفْرِيْسِيِن اُو زِي اَرُوْياس ن زَفْقَهَا. وُيَسِيِن-د س زَفَنَارَاث د يَصْفَصَاوَن د زَسَنَاح. 4 نَسَن عِيَسَى مَارَا مِيِن دَاس غَا يُوْفَعَن، يَفْع-د غَارَسَن يِنَا-اَسَن: "مِيْنَحْف تُرُزُوْم؟"

5 نَان-اَس: "خ عِيَسَى زِي نَاصِيْرَا."

يِنَا-اَسَن: "اَقَا د نَش."

ئېدَّا كِذْسَن يَهُودَا وَّنِي إِيْث يَزْنَن. ⁶ وَاِمِي دَاسَن يِنَّا قَا ذ نَش، دُوزَن غَار دَفَار وَضَانَ غَار ثُمُورْث.

7 يِنَّا-آسن عَاوَد: "مِينْخَف ثُرُزُوم؟"

نَّان-آس: "خ عَيْسَى زِي نَّاصِيرَا."

8 يِنَّا-آسن عَيْسَى: "قَا نِيغ-اوم-ث، ذ نَش. مَرَا ثُرُزُوم خَافِي جَم يِنَا آد وُيُورَن." ⁹ س
وَاوَاز-أ يِكَمَز مِين يِنَّا عَيْسَى زِي قَبْر يَعْني 'وَار دَايِي يودَّار حَدَّ زَكَّ بِنِي إِيْ دَايِي ثُوشِيدُ'.
10 سِمَعَانَ بَطْرُس تُوغَا غَارَس سَيْف، ثِجْبَد-يْت-يذ يُووْنَا زَايس يَسْمَع ن آرَايس ن زَفَقْهَا
يَقْس-آس آمزُوغ أَفُوسِي. يُسْمَع نِي قَارَن-آس مَرُخْس.

11 يِنَّا-آس عَيْسَى إِ بَطْرُس: "أَرَّسَيْف نَش غَار وَمَشَان نَس. زُكَاس-أ ن زَعَذَاب إِيْ دَايِي
يُوشَا بَابَا، مَا وَار سَسْغ شَا زَايس؟"

12 زُعَسْكَار ذ آرَايس نَسَن ذ يَعْسَاسَن ن يَسْرَائِيلِيين طَفَن عَيْسَى شَرْفَن-ث. ¹³ ذ آمزُورُو
نَدَهَن-ث غَار يَحَن قَارَن-آس حَنِين مِينَزِي نَتَا ذ بَابَاس ن ثَمْعَارْث ن قِيَاَفَا. قِيَاَفَا تُوغَاث
ذ آرَايس ن زَفَقْهَا ذَكَّ وَسَكُوَاس نِي. ¹⁴ نَتَا تُوغَا يَنْصَح يَسْرَائِيلِيين يِنَّا-آسن قَا حَسَن آد
يَمَث يَج ن وِرْيَاز خ شَعْب.

سِمَعَانَ بَطْرُس يِنْكَار سِيدِيْتَنغ عَيْسَى

15 سِمَعَانَ بَطْرُس ذ يَج ن وَمَحْضَار نَضْنِي دَفَارَن عَيْسَى. أَمْحَضَار نِي مَعْرُوف غَار
آرَايس ن زَفَقْهَا، يُوذَف أَكْ عَيْسَى غَار زَمْرَاح ن نَدَّارْث ن آرَايس نِي. ¹⁶ بَطْرُس يِدَّ يَتْرَاجَا
بَارَا غَار ثَوَارْث. نِيغ-د وَمَحْضَار نِي إِكَّ يِدْجَان مَعْرُوف غَار آرَايس ن زَفَقْهَا، نِسِيوزْ أَكْ
ثَعْسَاسْت نِي يَتِيرِين ذِي ثَوَارْث يَسِيدَف-د بَطْرُس.

17 نَعْسَاسْت نِي يَحْطَان ذِي ثَوَارْث نَتَا-آس إِ بَطْرُس: "مَا وَار نَدْجِيد شَك زَكَّ يَمْحَضَارَن

ن بِنَادَم-أ؟"

يِنَّا-آس: "نَش، لَّا!"

18 ئیخدا من ذ یعسا سن بدن ذنی، کین تیمسی س زخم زغان غارس مینزی تسمض.
ئید وزا ذ بٹرس اکدسن حما آذ یزغار.

19 ئبدا آرایس ن زفقها یتسقسا عیسی خ یمحضارن نس ذ مین یسزماذ. 20 ینا-آس
عیسی: "تبشارغ زات ایوڈان، سزماذغ-ثن زبدا ذی تمزیداوین وزا ذی تمزیدا تمقرانت
مانی تمونن یسرائیلیین مارا. وار سیویزغ والو س نئوفا. 21 نش، مایمی ذایی تسقسید؟
سقسا ینی ذایی یسزین مین داسن نیغ. نئنی سنن مین نیغ."

22 ینا-آس عیسی مانایا زخدنییت یجن زک یعسا سن یبدن ذنی یوشا-آس یج ن وسقی
ای عیسی ینا-آس: "ما س واوازا ای زی غا تارذ خ آرایس ن زفقها؟"

23 ینا-آس عیسی: "مزا خضیغ ذک واوازا، ان-آیی میندی خضیغ. مزا سیوزغ نیشان،
مایمی ذایی ئووئید؟" 24 سنی یسک-یث حنین ذ امحبوس غار قیافا آرایس ن زفقها.

25 بٹرس یبدن ذنی یزغار غار تمسی. نان-آس: "ما وار تذجید وزا ذ شک زک یمحضارن
نس؟"

نتا ینکار ینا-آسن: "نش، لا!"

26 زخدنییت یجن زک یخدا من ن آرایس ن زفقها، نتا یتعنا-د ای وئی ومی یقس بٹرس
أمجون، ئرؤح ینا-آس ای بٹرس: "ما وار تذجید ذ شک ای زریغ اکدس ذی جردا نی؟"
27 بٹرس ینکار عاوذ او ذنی یبدن ویازبض.

يِسْرَائِيلِيْنَ تَهَامَن سِيذِيْتَنَغ عِيْسَى غَار يِرُوْمَانِيْنَ

28 وُوِيْن عِيْسَى زِي ثَدَارْث ن قِيَاْفَا غَار زَقْصَر ن لِحَاكِم، تُوْعَا زِيْش . يِسْرَائِيلِيْنَ وَار
 وَذِيْفَن شَا غَار زَقْصَر حَمَا وَار سَحْرِيْم شَا زَعِيْد خ يِيْخَف نَسْن. س 29 نَفْع-د غَارْسَن لِحَاكِم
 ذ اَرُوْمَانِي قَارَن-اَس بِيْلَاطُوْس، يِنَّا-اَسْن: "مَان تُهْمَت اِي غَارُوْم خ بِنَادَم-ا؟"
 30 نَان-اَس: "مَعْلِيْكَ وَار يِدْجِي ذ لُمَجْرِيْم، اَتَاْف وَار دَاش تِيْد نِتِيُوِي شَا ذَا."
 31 يِنَّا-اَسْن بِيْلَاطُوْس: "اِيُوَا اُوِيْم-ث كْنِيُو، اَخَاس تُحْكَم س شَرِيْعَا نُوْم."
 نَان-اَس يِسْرَائِيلِيْنَ: "وَار دَانَع تُسْمَحَم شَا كْنِيُو اَنْع وُزَا ذ يِجْن. " 32 يُوْقَع مَانَايَا حَمَا
 اَذ يِكَمَز وَاوَاز اِي يِنَّا عِيْسَى خ زَمُوْت اِي غَا يِمْت.
 33 سَنِي يُوْدَف-د غَاوَد بِيْلَاطُوْس غَار زَقْصَر، يَزَاغَا خ عِيْسَى يِنَّا-اَس: "مَا شَك ذ اَزْدَجِيْد
 ن اَيْت-اِسْرَائِيْل؟"

34 يِنَّا-اَس عِيْسَى: "مَانَايَا، مَا تَقَارَد-ت زِي غَارَك نِغ نَان-اَس-ث خَافِي يِنْعِي؟"
 35 يِنَّا-اَس بِيْلَاطُوْس: "مَا نَش ذ اَيْسْرَائِيْلِي؟ لَأَمَّا نَش ذ اَرُوِيَاَس ن زَقْفَهَا اِي ش د يُوُوِيْنَ
 غَارِي، مِيْن تَكِيْد؟"
 36 يِنَّا-اَس عِيْسَى: "زُمْلَك يِنُو مَاشِي زِي دُونَشْت-أ. مَعْلِيْكَ زُمْلَك يِنُو زِي دُونَشْت-أ،
 اَتَاْف يِمْحَضَارَن يِنُو حَرَبَن حَمَا وَار وَطِيْع شَا ذَك يِفَاسَن ن يِسْرَائِيلِيْنَ. لَّا، زُمْلَك يِنُو
 وَار يِدْجِي شَا سَانِيْتَا."
 37 يِنَّا-اَس بِيْلَاطُوْس: "زَعَمَّا، شَك ذ اَزْدَجِيْد؟"

يِنَّا-اَس عِيْسَى: "تْنِيْد شَك نَش ذ اَزْدَجِيْد. نَش خَرْقَع-د وَوَسِيْع-د غَار دُونَشْت حَمَا اَذ
 شَهْدَخ اِلْحَقِيْقَا. مَارَا وَنِي يِدْجَان زِي لِحَقِيْقَا اَذ يَدْفَار اَوَاز يِنُو."

38 يٰنَا-آس بِيَلَاطُوس: "اَيَوَا مِين نَعْنَا لِحَقِيْقَا-يَا؟" وَاَمِي يٰنَا اُمُو، نَفَع عَاوَد غَار يِيْسْرَائِيْلِيْن
يٰنَا-آس: "وَار دَايس وُفِيْع بُو تُّهْمْت. 39 وَاَلِكِنْ نُنُوْم صُدْجِقْع-آوم-د اِ بِيْج ن وَمَحْبُوْس
ذِي زَعِيْد اَمَقْرَان. زُخُو، مَا تَحْسَم اَدَاوَم د صُرْفِع اِ وِرْدَجِيْد ن اَيْت-اِسْرَائِيْل؟"
40 عِيْضَن س جَّهْد نَان: "وَار د صُدْجِق شَا اِ وَاِنِيْتَا، صُرْق-د اِ بَرَابَاس!" تُوْعَا بَرَابَاس ذ
اَقْطَاع يِيْرِيْدَن.

يِيْسْرَائِيْلِيْن رَزُوْن اَد صَلْبَن سِيْدِيْتِنَع عِيْسَى

1 يُوُوِي بِيَلَاطُوس عِيْسَى حَمَا اَث وُوثَن زَعَسْكَار س وَسْعُوْن. 2 مُوَذَن-آس بِيْج ن
19 تَاج ن يِسْتَانَن كِيْن-آس-ث خ وِرْدَجِيْف نَس. كِيْن حَاس اَسْرَهَام ذ اَزْكَوَاغ. ش
3 تَقْرَابِن غَارَس شَاثَن-ث س يِسْقِيْرِن، قَارَن-آس سَلَام آي اَزْدَجِيْد ن اَيْت-اِسْرَائِيْل. 4 نَفَع-د
عَاوَد بِيَلَاطُوس يٰنَا-آس: "خَزْرَث، اَدَاوَم نِيْد سُوفِع حَمَا اَذ تَسْمَم بَلِي نَش وَاَر دَايس وُفِيْع
بُو شَان زَحَاجْث ن تُّهْمْت. 5 سَنِي يَفَع عِيْسَى غَار بَارَا س تَاج نِي ن يِسْتَانَن ذ وَسْرَهَام
نِي اَزْكَوَاغ. يٰنَا-آسَن بِيَلَاطُوس: "هَاقَا بِنَاذَم نِي."
6 وَاَمِي ث زُرِيْن اَرُوِيَّاس ن زَفُقْهََا ذ يِعْسَاسَن، تَعِيَّاضَن س جَّهْد قَارَن-آس: "صَلْب-يْت!
صَلْب-يْت!"

يٰنَا-آسَن بِيَلَاطُوس: "اِنِّيْسِم-ث كَنِيُو صَلْبَم-ث، نَش وَاَر دَايس وُفِيْع بُو شَان زَحَاجْث ن
تُّهْمْت."

7 اَرِيْن حَاس يِيْسْرَائِيْلِيْن نَان-آس: "عَارْنَع بِيْج ن زَقَانُوْن. عَلَاحْسَاب زَقَانُوْن نِي يِتْخَصَّصَا
اَذ يِمْت مِيْنَزِي نَتَا يِتْرَا يَخْف نَس ذ مِيْس ن اَرِّي."
8 وَاَمِي يِسْرَا بِيَلَاطُوس اَوَا-اَ يَكُوْذ كِتَار. 9 يُوْذَف عَاوَد غَار زَقْصَر نَس يٰنَا-آس اِ عِيْسَى:
"مَانِيْس شَك؟" عِيْسَى وَاَر حَاس يِيْرِي شَا.

10 يَنَّا-أَس بِيَلَاطُوس: "مَا وَار كِيْذِي تَسِيُوِيْرِد شَا؟ مَا وَار تَسِيْنِد بَلِي غَارِي جَهْدَ آدَاش
ضَرْفَع نِغَ آش صَلْبِغ؟"

11 نُنْدَق-د عِيْسَى يَنَّا-أَس: "وَار غَارَك بُو جَهْدَ خَافِي إِلا مَرَا يُمُوش-أَش زِي أَرَبِي.
عَلَا حَسَاب مَانَايَا، وَنِي إِي ذَايِي د يُوُوِيْن غَارَش، غَارَس دُنُوب كُنْتَار زَايِك."

12 سَنِي يِرْزُو بِيَلَاطُوس آدَاس يَضْرَق. وَلَكِن يِسْرَائِيْلِيْن تَعْيَاضِن س جَهْدَ قَارَن: "مَرَا
تَضْرَقْد إِ وِرْيَاز-أَ أَتَاف وَار تَدْجِيْد شَا ذِ أَمْدُوكَر ن قَيْصَر. ص مَارَا وَنِي يِتْرَان يَخْف نَس ذِ
أَزْدَجِيْد نَتَا ضَد إِ قَيْصَر."

13 وَامِي يِسْرَا بِيَلَاطُوس آوَاز-أَ يَسُوفَع عِيْسَى، يُقِيم بِيَلَاطُوس خ زُكْرَسِي ن رَحْكَام ذَكْ
وَمَشَان قَارَن-أَس 'سَحَا ن وَرْزُو'. س وَآوَاز ن يِسْرَائِيْلِيْن قَارَن-أَس 'كَبْطَا'. 14 نَهَار نِي
ذِ جَمْعَا غَار جَوَايَه ن تِنْعَاش، سُوْجَاذَن إِ زَعِيْدَ أَمْقَرَان. يَنَّا-أَسَن بِيَلَاطُوس إِ يِسْرَائِيْلِيْن:
"هَاقَاوَم أَزْدَجِيْد نَوْم."

15 وَلَكِن تَعْيَاضِن س جَهْدَ قَارَن: "إِيْسِي-ث إِيْسِي-ث، صَلْب-يْت!"

يَنَّا-أَسَن بِيَلَاطُوس: "مَا آذ صَلْبِغ أَزْدَجِيْد نَوْم؟"

أَرِيْن خَاس أَرُوِيَاس ن زُقْفَهَا نَّان-أَس: "وَار غَارَنغ بُو وَزْدَجِيْد إِلا قَيْصَر!"

16 سَنِي يِسْلَم-أَسَن-ث حَمَا أَث صَلْبِن خ صَلْبِغ، يَسِيْن عِيْسَى.

نِرُومَانِيْن تَصَلَابِن سِيْدِيْتِنَغ عِيْسَى خ صَلْبِغ

17 نَفَّغ عِيْسَى يَارْبُو صَلْبِغ س يِيْخَف نَس يِرُوح غَار يِج ن وَمَشَان قَارَن-أَس، أَمَشَان
ن جُمُجْمَا'. س وَآوَاز ن يِسْرَائِيْلِيْن قَارَن-أَس 'كُوْلُكُوْطَا'. 18 مَانِي ث صَلْبِن، صَلْبِن
أَكْدَس ثُنَايْن نَغْبِي، سَا ذِ سَا، عِيْسَى ذِي زُوسَط. 19 يُوْرَا بِيَلَاطُوس ذَكْ يِج ن تَرُوِيْحَت،
يَكِّي-ت غَار وَزْدَجِيْف ن عِيْسَى خ صَلْبِغ نُورَا ذَايَس: 'عِيْسَى زِي نَاصِيْرَا، أَزْدَجِيْد

ن آيث-اسرائيل'.²⁰ تَزْوِيحَت نِّي غَرِين-ت اَطَّاس ن يِسْرَائِيلِيْن مِينَرِي اَمَشَان مَانِي اِي صَلْبَن عَيْسَى يُوذَس تَنْدِيْنَت. تَزْوِيحَت نِّي تُوْعَا تُوْرَا س لَعِبْرِيَا ذ لَاتِيْنِيَا ذ تِيُونَانِيْت.

21 نَان-اَس اَرْوِيَاَس ن زَفَقَهَا ن يِسْرَائِيلِيْن اِ بِيْلَاطُوْس: "وَار تَارِي شَا، اَزْدَجِيْد ن آيث-اسرائيل'. اَرِي: 'اَرِيَا-ا يَنَّا نَش ذ اَزْدَجِيْد ن آيث-اسرائيل'."

22 يَنَّا-اَسَن بِيْلَاطُوْس: "نَش مِيْن وُرِيْع، فَا وُرِيْع-ث."

23 وَاْمِي زَعْسَكَار صَلْبَن عَيْسَى، يِسِيْن اَرْوُض نَس بَضَان-ث خ اَرْبَعَا ن تَسْقَار كُر اَعْسَكْرِي يِسِي تَسْعَارْت نَس. يِسِيْن عَاوُذ شَامِيْر، شَامِيْر نِي يَصْنَع-يْت وَدِرَاَز. ض 24 نَان اِ وَايَاوِيَا، وَاْر ث نَتَشَارِيْكَ شَا، اَحَاس نَكَّ لَقْرَعَا بَاش اَنْسَن وِي ث غَا يِسِيْن. اَمُو يَكْمَز وَاوَاز ن لِكْتَاب:

"بَضَان اَرْوُض يَنُو جَارَاَسَن،

كَيْن لَقْرَعَا خ زَعَضَا يَنُو."

اُو ذ مَانَايَا اِي كَيْن زَعْسَكَار.

25 زَاث اِ صَلِيْب ن عَيْسَى ثَبْد يِمَّاس ذ خَاتَشَس ذ مَرِيْم تَمْعَارْت ن كَرِيْفَاس ذ مَرِيْم تَمَكْدَالِيْت. 26 وَاْمِي يَزْرَا عَيْسَى يِمَّاس يِيْد اَكْدَس وَمَحْضَار نِي اِي خَاس يِعِيْزَن اَطَّاس، يَنَّا-اَس: "آ يَمَّا، اَقَات ذِيْن مِيْم!" 27 يَنَّا-اَس عَاوُذ اِ وَمَحْضَار نِي: "اَقَات ذِيْن يِمَّاش!" سَتِي يُووِي-ت وَمَحْضَار نِي غَار ثَدَارْت نَس.

زَمُوْت ن سِيْدِيْتِنَغ عَيْسَى

28 مَنْبَعْد اِ مَانَايَا يَسَن عَيْسَى بَلِّي كُرْشِي يَكْمَز، يَنَّا: "اَقَايِي فُوْدَغ." س وَاوَاز نِي يَفِّغ مِيْن د يُوْسِيْن ذِي لِكْتَاب. ط 29 ذَنِّي بِيْج وَغَرَاْف يَشُوْر س وَاْمَان وَضِيْر ذ يَسْمَامَن.

ض 23.19 اَدْرَاز وِنِّي يِرْدَجَكْن تَضُوْفَت يَخْدَم زَايَس.

ط 28.19 خَزْر لِكْتَاب ن زَبُوْر، يَزْرِي وِيْس 69، لَأَيَا 22.

سَغْضُصَن سُبُونْحَا ذَكَّ وَأَمَانَ وَضِيْرَ نِي، كَيْن-ت خ وكَشُوشُ وَشِين-أَس-ت غَارِ وَقَشُوم نَس. 30 وَامِي يَقَاسَ عَيْسَى أَمَانَ نِي، يَنَا: "ئِتْوَاكَمَزْ!" ئِسْدَارَ اَرْدَجِيْف نَس، ئِسْلَم بُوْحِيْر نَس.

31 يَوْعَ مَانَايِي يَضَنَّا ن زَعِيْدَ اَمَقْرَانَ. خ مَانَايَا يِسْرَائِيْلِيْن تَارَن-أَس اِ بِيْلَاطُوسَ اَدَاسَن رَزَن يَضَارَن اِ يِنِي يَتَوَاصَلْن اَذ د سَهْوَانَ دَات نَسَن زِي صَلِيْب. كَيْن-أَسَن اَمَنِي حَمَا وَار تَغِيْمِي دَات نَسَن ذِي صَلِيْب ذَكَّ نَهَارَن سَبْتَن لِعَبَادَا مِينَزِي نَهَارَن سَبْتَن نِي ذَا مَقْرَانَ اَطَّاس. 32 وَسِين-د زَعَسْكَارَ رَزِين يَضَارَن اِ وَمَزْوَارُو ذَا وَيَس ثَنَانِيْن اِ ي كِذَس يَتَوَاصَلْن. 33 وَامِي رُوْحَن غَارِ عَيْسَى، وَار دَاسَ رَزِين بُو يَضَارَن مِينَزِي وَفِين-ث يَمُوْث. 34 وَلَكِن يَجَن زِي زَعَسْكَارَ نِي يَشُوكْ-يْت غَارِ وَغَزْدِيْسَ نَس س يِج ن وكَشُوشُ ذَايسَ ثِيْشَطَن وَوَزَر، وَوَزَن-د زَايسَ ذَغِيَا يَدَامَن ذَا وَامَانَ اَطَّاس. 35 وَنِي يَزْرِيْن مَانَايِي يَشْهَدَ خَاس، اُو مِين يَشْهَدَ نِيْشَانَ اِ يِدَجَا. ئِسَن بَلِي مِين يَقَارَ ذَا لِحَقِيْقَا اُو يَشْهَدَ بَاشَ اَزَايسَ تَامَنمَ وَزَا ذَا كَيُو. 36 يَوْعَ مَانَايَا حَمَا اَذ يَكَمَزْ مِين دَا يُوْسِيْن ذِي لِكَبَات: 'وَارَ زَايسَ يَزْرِي وَزَا ذَا يِجَن ن يِغَس'. 37 ثُوْسَا-د ذَكَّ يَجَن ن لَأِيَا نَغِي: 'اَذَ خَزَرَن غَارِ وَنِي يَتَوَاشُوْكَن'.

يُوسُفُ ذَا نِيْكَوْدِيْمَ نَطْرَن سِيْدِيْشَنغَ عَيْسَى

38 مَنْبَعْدَ اِ مَانَايَا، يَجَن قَارَن-أَس يُوسُفُ زِي ثَنْدِيْنَتَن ن اَرِيْمَاتِيَا يِرُوْحَ يِتَار-أَس اِ بِيْلَاطُوسَ اَذ يِسِي دَات ن عَيْسَى. نَتَا يُوسُفُ ذَا اَمْحَضَارَن عَيْسَى وَلَكِن وَار دَا يِسِيْن شَا يَخْفَ نَس يِكُوْذَ زَكَّ يِسْرَائِيْلِيْن. وَامِي يَقَبْرَ بِيْلَاطُوسَ، يِرُوْحَ يُوسُفُ يِسِي دَات ن عَيْسَى. 39 يُوْسَا-دَا زَا ذَا نِيْكَوْدِيْمَ، اَرِيَازَ نِي تُوْغَا اِكَّ يَكَيْنَ زِيَاَرَا يَجَن ن تُوَازَا سَا دَجِيْرَثَ غَارِ عَيْسَى. رَحُو يِرُوِي-دَا اِكْذَسَ شَانَ تَحْلِيْطَا ذَايسَ اَرْبَعَا وَ ثَرَايْنِي كِيْلُو ن مَوْرَطَ ذَا وكَشُوشُ ن لَعُوْدَعَا تَكَن-ت يِسْرَائِيْلِيْن اِ يِنِي يَمُوْثَن. 40 سَنِي يِسِيْن دَات ن عَيْسَى كَفَن-ت سَا

ظ 39.19 مَوْرَتَا ذَا اَمَانَ ن يِجَن ن ثَشَجَارْتَا ذَايسَن زَفُوْحَا.

ع 39.19 لَعُوْدَعَا نَتَا ذَا يَجَن ن ثَشَجَارْتَا، اَكَشُوشُ نَسَ ذَايسَ زَفُوْحَا اَطَّاس.

زَشفن ذ لِعِيطَر نِّي، مَامَش تَكْن يِسْرَائِيلِيْن اِ يِنِّي يَمُوْتَن. 41 ذَكْ وَمَشَان نِّي مَانِي صَلْبَن
عِيسَى ذُنِّي يِج ن جَرْدَا. ذِي جَرْدَا نِّي ذَايس يِج ن وَنَضْر ذ جَلِيدَ اَم يِيفَرِي، وَار ذَايس
يَنْضِيرَ حَدَّ. 42 نَهَار نِّي ذ جَمْعَا، يِسْرَائِيلِيْن سَوَجَاذَن اِ نَهَارَن سَبْتَن ن لِعِبَادَا. خ مَانَايِنِّي
نَضْرَن عِيسَى ذَكْ يِيفَرِي نِّي ن وَنَضْر مِينْرِي يُوْدَس.

نِمْحَضَارَن وَار تِيفَن شَا سِيدِيْتَنغ عِيسَى ذَكْ وَنَضْر

20 1 ذِي نَهَارَ اَمْرُوَرُو ن سِيْمَانَا، تُوسَا-د مَرِيْمَ تَمَكْدَالِيْتْ غَار يِيفَرِي ن وَنَضْر
ن عِيسَى زِيَش. تُوْغَا عَاذ تَادَجِسْت، تُوْغَا اَزْرُو يَتُوَاكْس خ يِيفَرِي ن وَنَضْر.
2 تُوَزْز-د تُوسَا-د غَار سَمْعَانَ بَطْرُسْ ذ وَمَحْضَارَنغ نِّي يِعِيْزَن خ عِيسَى اَطَّاس، تَنَا-اَسَن
قَا يِسِين عِيسَى زَكْ يِيفَرِي ن وَنَضْر، وَار نَسِين مَانِي ت كَيْن.
3-4 يَفِغْ بَطْرُسْ ذ وَمَحْضَارَن نِّي نَغْيِي رُوْحَن س تَاَزْرَا س تَنَّاين اِذْسَن غَار يِيفَرِي ن وَنَضْر.
اَمْحَضَارَن نِي يَزُوَر-اَس اِ بَطْرُسْ يُوُوْض ذ اَمْرُوَرُو غَار يِيفَرِي ن وَنَضْر. 5 يِسِيْجْ خ يِيفَرِي
يَتُوَازَا زَشْفَن يَتُوَاسْرُسْ ذُنِّي وَلَكِن وَار يُوْذِيْف شَا. 6 اِذْفَار-يْت-يذ سَمْعَانَ بَطْرُسْ يَحْضَر،
يُوْذِف ذَكْ يِيفَرِي ن وَنَضْر. يَتُوَازَا زَشْفَن نِّي 7 يُوْغَا زَقَبْ اِ يَزِي تُوْغَا يِغْطَا وَزْدَجِيْف ن
عِيسَى وَار يَدَجِي شَا اَكْ زَشْفَن، يَضْفَس وَاحْذَس. 8 زَحْدَنِيْت يُوْذِف وَمَحْضَارَن نِي يَزُوَرَن
غَار يِيفَرِي ن وَنَضْر، يَزْرَا مَانَايِنِّي يُوْمَن. 9 وَلَكِن نَشْنِي عَاذ وَار فَهِيْمَن شَا زِي لِكْتَاب بَلِّي
لَاْبُد اَذ يِكَّار عِيسَى زِي زَمُوْت. 10 سَنِّي رُوْحَن يِمْحَضَارَن.

سِيدِيْتَنغ عِيسَى يِضَهَّار-د اِ مَرِيْمَ تَمَكْدَالِيْتْ

11 مَرِيْمَ تَبْدَّ غَار تُوَارْتَن ن يِيفَرِي ن وَنَضْر تَقِيْم تَتْرُو. وَامِي تَتْرُو تَسِيْجْ خ يِيفَرِي ن وَنَضْر
12 تُوْغَا تَنَّاين ن لَمَالَايِكَاثْ س وَارُوْضْ ذ اَشْمَرَاز يِشْتَن تَقِيْم غَار وَزْدَجِيْف يِشْتَن تَقِيْم غَار
يِضَارَن مَانِي تُوْغَا تَدَجَا دَات ن عِيسَى.

13 نانت-أس: "آ تَمَعَارْث مِين شَم يُوَعِين تَتْرُوذ؟"

ثنا-أسنت: "يسين سيدي، وار سينغ ماني ث سرسن." 14 ثنا مانايي تخزر غار ذفار
ثوفا ذني عيسى، ولكن نتاث وار تسين شانا ذ عيسى.

15 ينا-أس عيسى ا مريم: "آ تَمَعَارْث مِين شَم يُوَعِين تَتْرُوذ، ميخف تَرزُوذ؟"

مريم تغير-أس ذ باب ن جردا ني، ثنا-أس: "آ سيدي مزا ذ شك اي ث يسين، ان-ايي
ماني ث تسرسذ حما اث يسينغ."

16 ينا-أس عيسى: "آ مريم!"

زخديت تعقر-يث ثنا-أس س لغا ن يسراييلين: "آ رايني!" (زعمًا، آ لمعلم.)

17 ينا-أس عيسى: "وار ذايي تطف شاف قانش عاذ وار كعذغ شانا غار بابا. روح غار

ايشما ينو، ان-أسن قانش اذ كعذغ غار بابا ذ باباثوم، غار اربي ينو ذ اربي نوم."

18 تروح مريم تمكذاليت تسيوض-أسن زخبار ا يمحصارن ثنا-أسن قا زريغ سيديشنغ

يسويوز-د اكيذا اقا مين ذايي ينا...

سيديشنغ عيسى يضرار-د تراشان ثوازاين ا يمحصارن نس

19 نهان زحد مومن يمحصارن غار ثمديث، ثوورا قنت كودن زك يسراييلين.

يوسا-د عيسى بيد ذي زوسط ينا-أسن: "سزام حاوم." 20 ينا-أسن مانايا، يسين-أسن-د

يفاسن نس ذ وعزديس نس. فرحن يمحصارن وامي زرين سيديشن. 21 ينا-أسن عاوذ

عيسى: "سزام حاوم. مامش ذايي د يسك بابا، أموش اكنيو سكغ." 22 وامي ينا مانايا

يصوض حاسن، ينا-أسن: "قبزث اروح يقدسن. 23 وني وامي تسمحم ا ذنوب نس، اذاس

تواسمحت. وني وامي وار تسميحم شاف، وار ذاس تواسميحت شاف."

24 وَلَكِنْ يَجْنِ زِي ثَعَاش ن يمحَضَارن نَس وُمي قَارن طُومًا تَرَاغان-آس أَشْنِيو، ق وَار كِسَن يَدَجِي شَا وَاَمِي د يُوَسَا عَيْسَى . 25 نَانَ-آس يمحَضَارن نِي نَغْنِي قَا نَزْرًا سِيدِيئَنغ!
 بُكَار طُومًا يِنَا-آسن: "مَرَا وَار زُرِيغ شَا لَأَثَرن يمسَمِيَزَن دَكْ يِفَاسَن نَس آذ كَغْ صَاض يُونُو دَكْ وَمَشَان ن يمسَمِيَزَن نِي، آذ سَرَسَغ فُوس يُونُو خ وَاغَزْدِيَس نَس، وَار تِيَمَنغ شَا."
 26 مَنبَعْدُ اِئْمَنِيَام، مُونن يمحَضَارن عَاوَد غَار دَاخِر، ثُوُورَا قَنَنْت اِكْدَسَن طُومًا. يُوَسَا-د عَيْسَى يِيَدُ ذِي زُوسَط نَسَن، يِنَا-آسن: "سَرَام خَاوَم!" 27 يِنَا-آس اِ طُومًا: "آكْ صَاض نَش دَانِيَتَا، خَزَر يِفَاسَن يُونُو. سَرَس فُوس نَش خ وَاغَزْدِيَس يُونُو. وَار تَشَكَّا شَا، لَّا، أَمَن."
 28 يِنْدَق-د طُومًا يِنَا-آس: "آ سِيدِي يُونُو، آي أَرِي يُونُو!"
 29 يِنَا-آس عَيْسَى: "أَز وَاَمِي ذَابِي تَزْرِيَد، عَاذ اِي ثُونَمْد؟ سَعْدَن يِنِي وَار ذَابِي زُرِين شَا، وُمنن."

30 يَكَّا عَيْسَى أَطَاس ن لَمُعَجِيَزَات نَغْنِي زَات اِ يمحَضَارن نَس، نِئْتِي وَار وُرِينْت شَا ذِي لِكِتَاب-أ. 31 ثِمَسْرَايِين-أ وُرِينْت حَمَا آذ تَامَنم بَلِي عَيْسَى نَتَا ذ لَمَسِيح مِيَس ن أَرِي بَاش مَرَا ثُونَمم أَغَاروَم تِيَزِي ثُوْدَارْت دَكْ يِيَسَم نَس.

21 1 مَنبَعْدُ اِ مَانَايَا يَمِظْهَار-د عَيْسَى عَاوَد اِ يمحَضَارن نَس خ شَطَّن زَبْحَارن طُومًا وُني وُمي قَارن ، أَشْنِيو، ك ذ نَائْتَاهِيل نَتَا زَكْ وَيِبَلَاج ن قَانَا ذِي ثُمُورْت ن لَجَالِيل، ذ تَارُوَا ن زُبَايِدِي، ذ نَتَايِن نَغْنِي. 3 بُكَار سِمَعَان بَطْرُس يِنَا-آسن نَش آذ رَاخَغ آذ يِمَارَغ. نَانَ-آس أَكِيَش نَزَاخ وُزَا ذ نَشِين. فُغْن، نِيِين ذِي ثَعَارَاوُت. ذِي دَجِيَرْت نِي وَار يِمَارن وَالُو.

ق 24.20 أَشْنِيو نَتَا ذ أَكْنِيو.

ك 2.21 أَشْنِيو نَتَا ذ أَكْنِيو.

4 وَاَمِي يَصْبَحُ زُحَا، وَفِين عَيْسَى يِدَّخ شَطَّن زُبْحَارَ وَلَكِن يَمْحَضَارَن وَار ث عَقِيرَن
شَا. 5 يِنَا-آسن: "آي يَحْنَجِيرَن، مَا ثِيمَارَم شَانَ يِسْرَمَانَ؟"
نَانَ-آس: "لَا، وَالْو." "

6 يِنَا-آسن عَيْسَى: "سَيِّثْ ثَرَاشَا خ وَفُوسِي ن ثَعَارَابُوتْ آذ تَافَم يِسْرَمَانَ." وَامِي ت
سَيِّين وَار زَمْرَن آتِيد جَبْدَن عَلَاحَقَاشْ ثَعَمَّر س يِسْرَمَانَ أَطَّاس.

7 أَمْحَضَارَنِّي يِعِيرَن خ عَيْسَى أَطَّاس يِنَا-آس إِبْطُرُس قَا وَبِن ذ سِيدِيئَنغ. وَامِي يِسْرَا
سَمْعَانَ بَطْرُس قَا وَبِن ذ عَيْسَى، بَكَار يِرِضْ شَامِيرَن س رَاحَقَاشْ تُوغَا يَكْس-يِث، زَخْدَنِيَتْ
يَنْصُو ذِي زُبْحَارَ بَاشْ آذ يِرَاحْ غَارَ عَيْسَى. 8 وَلَكِن يَمْحَضَارَنِّي نَعْنِي إِي كِدَسْ يَدَجَانَ
ذَفَارَن-ث-يَذ س ثَعْرَابُوتْ، جَبْدَن-د ثَرَاشَا نِّي ثَشُور س يِسْرَمَانَ. وَار كُوِيَجَن شَا خ زَبْر
غَيْرَ شَانَ مِيَّاتْ مِيْتَرُو وَاهَا. 9 وَامِي د وَوُضَن غَارَ زَبْر، وَفِين ثِمْسِي ن رَفَحَم خَاسْ يِسْرَمَانَ
ذ وَغُرُوم.

10 يِنَا-آسن عَيْسَى: "أُوِيَم-د شَوَايَتْ ن يِسْرَمَانَ إِي د ثِيمَارَم زُخُو." 11 بِنِيَا سَمْعَانَ بَطْرُس
يَجْبَد-د ثَرَاشَا نِّي غَارَ زَبْر، ذَايسْ مِيَّا وَ ثَرَاثَا وَ خَمْسِيِن ن يِسْرَمَانَ ذ يَمْقَرَانَن. قَاعَ مَانَايَا،
وَار ثَقَارَسْ شَا ثَرَاشَا نِّي.

12 يِنَا-آسن عَيْسَى: "أَرَاَحَم-د آذ تَشَم." وَار يَزْعِيمَ وَزَا ذ يَجَن زَكْ يَمْحَضَارَن آثْ
يِسْقَسَا، مِين تَعْنِيدْ شَك؟ رَاحَقَاشْ شَنَن قَا ذ سِيدِيئَنسَن. 13 يِرُوحَ عَيْسَى يِنْسِي-د أَغْرُوم
نِي ذ يِسْرَمَانَ نِي يَفْرَق-يِشَن خَاسَن. 14 ثَانِيَتَا ذ وِيسْ ثَرَتْ مَرَاثْ إِي ذِي يَتْمَطْهَار-د عَيْسَى
إِي يَمْحَضَارَن نَسْ زَكْ وَامِي إِي د يِكَّارَ زِي زَمُوثْ.

سِيدِيئَنغَ عَيْسَى يِسْرَمَانَ سَمْعَانَ بَطْرُسَ

15 وَامِي رِيئَن، يِنَا-آس عَيْسَى إِي سَمْعَانَ بَطْرُسَ: "آ سَمْعَانَ آمِيَسْ ن يُوحَنَّا، مَا تَجَبِّيدْ-آبِي
كُنَّارَ زِي يِنَا؟"

يِنَا-آس سَمْعَانَ بَطْرُسَ: "وَاهَ آ سِيدِي، شَكْ ثَشَنَدَ قَا نَشْ تَخْسَع-ش."
يِنَا-آس عَيْسَى: "سَشْ يِرْمَارَن يُو."

16 يِنَّا-آس عَيْسَى وَيِس مَرَّائِن: "آ سِمَعَانَ آ مَيْس ن يُوْحَنَّا، مَا تَحْبِيْد-آبِي؟"

يِنَّا-آس سِمَعَانَ: "وَاه آ سِيْدِي، شَك تَشْنَد قَا نَش تَخْسَغ-ش."

يِنَّا-آس عَيْسَى: "أَرُوس يَحُوْرِيْن يَنُو."

17 يِنَّا-آس عَيْسَى وَيِس تَرْت مَرَّاث: "آ سِمَعَانَ آ مَيْس ن يُوْحَنَّا، مَا تَخْسَد-آبِي؟"

تُقَس-آس زَحَار إِ بَطْرُس زَاْحَقَّاش يِنَّا-آس-ث وَيِس تَرْت مَرَّاث، شَك مَا تَخْسَد-آبِي؟

يِنَّا-آس: "آ سِيْدِي، شَك تَشْنَد كُرْشِي. تَشْنَد قَا نَش تَخْسَغ-ش."

يِنَّا-آس عَيْسَى: "سَشَّ يَحُوْرِيْن يَنُو."

18 أَقَا تَسْرِيْد زَحَق: ذِي تَمْرِي نَش تَحْرَامَد يَخْف نَش تَرَاْحَد مَانِي مَا تَخْسَد. وَلَكِن

خَمِي غَا تُوْسَارَد، أَذ تَضْرَقْد يَفَاسَن نَش أَتَاف حَدَّ نَعْنِي أَش يَحْرَم أَش يَآوِي مَانِي وَار

تَخْسَد شَا. "19 يِنَّا مَانَايِّي عَيْسَى حَمَا أَذ يَسْبِيْن مَامَش غَا يَمَث بَطْرُس حَمَا أَذ تَمْظَهَار

لُعْظَمَا ن أَرَبِي. وَامِي إِ ذَاس يِنَّا مَانَايِّي، يِنَّا-آس: "ذَفَار-آبِي-د."

20 يَنْقَرَب بَطْرُس يُوْفَا يَذَفَار-يِن-د وَمَحْضَار نِي يِعِيْرَن خ عَيْسَى أَطَاس، يِعْنِي وَنِي تُوْعَا

يَقِيْمَن غَار وَغَزْدِيْس ن عَيْسَى ذَكِّ وَمَنْسِي نِي يِنَّا-آس: آ سِيْدِي، مِيْن يِعْنَا وَنِي ش غَا

يَزْرَن؟ 21 وَامِي ث يَزْرَا بَطْرُس يِنَّا-آس إِ عَيْسَى: "آ سِيْدِي، ئِي وَيْن مِيْن ذَاس غَا يُوْقَعَن؟"

22 يِنَّا-آس عَيْسَى إِ بَطْرُس: "نَش مَرَا خَسْغ وَيْن أَذ يَدَّر أَر غَا د دُوْرَغ، وَار ذَاش يَرُوْح

بُو زَحَار. شَك ذَفَار-آبِي-د!" 23 سَنِّي يَفْغ زَحْبَار غَار وَآوَمَانَن قَارَن: 'أَمَحْضَار-أ وَار يَتْمَتِي

شَا'. وَلَكِن ذ صَحَّح عَيْسَى وَار يِيْنِي شَا بَلِّي أَمَحْضَار-أ وَار يَتْمَتِي شَا. مِيْن يِنَّا؟ يِنَّا-ت

أَمُو: 'نَش مَرَا خَسْغ وَيْن أَذ يَدَّر أَر غَا د دُوْرَغ، وَار ذَاش يَرُوْح بُو زَحَار'. 24 أَمَحْضَار-أ،

مِيْن يِعْنَا؟ ذ نَتَا إِكَّ يَشْهَدَن خ تَمْسَرَايِيْن-أ تَمَّا يُوْرِي-تَت. نَشِّيْن نَسَن قَا شَهَاذَث تَس ن

صَح.

25 أَطَاس ن تَمْسَرَايِيْن نَعْنِي إِ يِكَّا عَيْسَى. مَعْلِيك تُوْرَا كُر يَشْتَن زَايَسَنَت يَشْت يَشْت،

خَسْغ بَلِّي أَتَاف دُوْنَشْت مَارًّا وَار تَرْمَر أَذ تَيْسِي لَكْتَب نِي إِ غَا يَارِيْن.